

目 录

| | |
|---------------|----|
| 一、诸后裔····· | 一 |
| 二、孟氏····· | 三七 |
| 三、东野氏····· | 四四 |
| 四、颜氏····· | 七 |
| 五、曾氏····· | 二六 |
| 六、仲氏····· | 二八 |
| 七、端木氏····· | 三一 |
| 八、卜氏····· | 三四 |
| 九、冉(耕)氏····· | 三五 |
| 十、冉(雍)氏····· | 三七 |
| 十一、冉(求)氏····· | 二六 |
| 十二、任氏····· | 二九 |
| 十三、闵氏····· | 三六 |
| 十四、宰氏····· | 三七 |

| | |
|-------------|----|
| 十五、林氏····· | 三〇 |
| 十六、原氏····· | 三〇 |
| 十七、陈氏····· | 三一 |
| 十八、高柴氏····· | 三一 |
| 十九、漆雕氏····· | 三一 |
| 二十、程氏····· | 三一 |
| 二十一、于氏····· | 三一 |
| 二十二、阮氏····· | 三一 |

一、诸后裔

顺康间山东地方官行文为蠲免世袭五经博士宗族庙丁礼生杂差事

〔顺治至嘉庆朝代给与衍圣公及其族人恩遇事实节略（一）（〇〇七九）之六〕

顺治十三年例

兖州府为再给明文严行申飭以重 隆恩事。承奉布政司札付，奉

抚院加一级耿 案验，准 户部咨前事，山东清吏司案呈，奉本部送，据内翰林国史院世袭五经博士颜绍绪、曾闻达、孟贞仁、仲于陞呈前事，内称，切职等世叨

皇恩，一切杂项差徭概行蠲免，其例已久。自我

朝定鼎，纶恩倍渥，具呈大部已经咨行督抚，准照旧例，优免在案。詎料该州县书役违宪，捺案不行。将职等族户人等并庙内礼生一概派扰。伏乞准给明文，再加申飭。庶

皇恩得沐，不惟生者衔结，而先祖在天亦冥感于默默矣。等情到部，奉批，移咨东抚送司。奉此，
案查先贤四氏后裔一切杂项差徭概行蠲免，业经移咨督抚转行在案。今据世袭博士颜绍绪等
呈该州县书役捺案不行仍复派扰，等因。具呈到部，相应移咨东抚，严行申飭可也。等因，呈
堂奉批，照旧送司移咨案呈到部，拟合就行。为此，合咨前去，烦为查照施行。等因到院。
准此，拟合就行。为此，案仰该司官吏查照案内事理，严行申飭施行。等因到司。蒙此，
拟合就行。为此，札仰本府官吏，照依咨案札内事理，查照严飭施行。等因到府。奉此，拟
合就行。为此，帖仰本县官吏，照依咨案札帖内事理，查照严飭施行。须至帖者。

康熙二十三年例

兖州府为恩恩再给明文严行申飭等事。本年四月二十九日蒙 布政司札付，本年四月十六日
蒙 巡抚都察院徐 案验，康熙二十三年四月十三日准

户部咨山东清吏司案呈，奉本部送据五经博士孔毓埏、颜懋衡、曾贞豫、孟贞仁等呈称，职
等仰承祖业，荷蒙历朝优崇，凡宗族、庙丁、礼生一切杂项差徭概行蠲免，其例已久。后因
相沿日久，州县违宪不行。于顺治十三年具呈大部，照例咨行督抚申飭。詎料日久弊生，捺
案不行，将宗族、庙丁、礼生一概扳扰苦累。伏乞部台准照旧例再给明文，严行申飭。庶
皇恩永沐，祀典永全矣。等因前来，查顺治十三年四月内据五经博士颜绍绪等呈称，职等世叨
皇恩，一切杂项差徭概行蠲免。该州县书役违宪捺案不行，将职等宗族户人等并庙内礼生一概派
扰。伏乞行文再加申飭。等因。本部移咨该督抚申飭在案。相应移咨东抚，此例若有更改，

将更改之处报部，如无更改，仍照顺治十三年再加严行申飭可也。为此，合咨前去查照施行。等因到院。准此，拟合就行。为此，案仰该司官吏，即查五经博士宗族、庙丁、礼生一切杂差蠲免定例，若有更改之处，查明呈报咨部，如无更改仍照顺治十三年再加严行申飭，详报毋违，等因到司。蒙此，拟合就行。为此，札付该府官吏，照依咨案札内事理，即查五经博士宗族、庙丁、礼生一切杂差蠲免定例，若有更改，即将更改之处查明呈报。如无更改，仍照顺治十三年再加严行申飭，妥详报司，以凭核转咨部。毋得迟违，取咎未便，等因到府，蒙此，拟合就行。为此，帖仰该县官吏，照依咨案札帖内事理，即查五经博士宗族、庙丁、礼生一切杂差蠲免定例，若有更改，即将更改之处查明申报。如无更改，仍照顺治十三年旧例蠲免。速具妥详报府，以凭核转咨部。毋得迟违，取咎未便。须至帖者。

康熙二十三年五月初四 日典吏张国秀

兖州府为恩恩再给明文严行申飭等事。本年八月十六日蒙 布政司札付康熙二十三年八月初二日蒙

巡抚都察院徐 批，据本司呈，据兖州府详所属各称，五经博士宗族、庙丁、礼生蠲免杂差缘由前事。看得五经博士孔毓璉等呈宗族、庙丁、礼生免差定例严行申飭一案，蒙 宪准部咨，查此蠲免定例，若有更改，即将更改之处报部，如无更改，仍照顺治十三年再加严行申飭。等因到司。蒙此，当即随行兖州府确查。兹据该府详据滋阳等州县各申称，五经博士宗族、庙丁、礼生惟正赋照依地亩均摊，其一切杂差蠲免，例久并无更改之处。遵照顺治十三

年旧例蠲免等情，详报前来。但查五经博士宗族、庙丁、礼生优免定例，既据该府州县查明，并无更改之处，仍照旧例蠲免。相应呈祈

宪台，伏赐咨部销案可也。等因具呈，蒙批，仰再严行申飭，仍候咨销缴。蒙此，合行严飭。为此札仰该府官吏，照依批详札内事理，即便再加严行申飭。仍照顺治十三年旧例蠲免，毋得迟误，慎之速速。等因到府。蒙此，合行严飭。为此，帖仰本县官吏查照批详札帖内事理，即将五经博士宗族、庙丁、礼生仍照顺治十三年旧例蠲免，毋得滥派累民，取咎未便。须至帖者。

康熙二十三年八月二十 日典吏徐一拯

兖州府邹县为恳恩再给明文严行申飭永全祀典永沐

皇恩事。蒙 兖州府驳查前事，据该县申称，本县五经博士宗族、庙丁、礼生丁地惟正赋 钦工军需照依地亩均摊，其一切杂差蠲免例久，并未更改，缘由到府。据此，查得此案各州县俱称，一切杂差照依顺治十三年旧例蠲免。今该县称， 钦工军需等差照依地亩均摊，又称一切杂差蠲免例久，并未更改词语。两相互飭，事关达部案件，难容含混，不便汇详，合行驳查。为此，票仰本县官吏，照依原行及今驳查票内事理，即查五经博士宗族、庙丁、礼生一切杂差，查顺治十三年部文内，如有 钦工军需等差，摊派旧例申报。如无，仍照顺治十三年旧例蠲免。速具妥详报府，立等汇详咨部。此案限期将届，难容含混支飭。如再迟延，即带经承回话。去役如违拿究。蒙此，查得五经博士宗族、庙丁、礼生一切杂差，照依顺治十

三年旧例蠲免，并无更改，今蒙駁查提，拟合具文回复 完合施行。须至申者。
康熙四十年六月十九日典吏李纯

山东等处承宣布政使司为恳恩再给明文严行申飭事。康熙四十年六月十五日蒙 巡抚部院王 案验，康熙四十年六月十二日准 户部咨山东清吏司案呈，奉本部送，据五经博士孔毓埏等呈称，职等仰承祖业，蒙

历朝优崇，凡属圣贤后裔以及庙丁、礼生一切地亩杂项差徭概行蠲免。后州县捺案不行，于康熙二十三年复具呈大部，蒙咨东抚，照例飭行在案。兹日久弊生，将宗族地亩复行派扰。伏乞部台准照旧例移咨东抚，严行申飭。等因前来。查康熙二十三年四月内，据五经博士孔毓埏等具本部移咨该抚，申飭在案。相应行文东抚，再加严行申飭可也。为此，合咨前去查照施行。等因到部院。准此，拟合就行。为此，案仰该司官吏，照依咨案内事理，即将五经博士孔毓埏等宗族及庙丁、礼生一切地亩杂项差徭概行蠲免。如有复行派扰者，详报究处，毋违。等因到司。蒙此，除行兗州府转飭遵照外，拟合移会。为此，合咨 贵府，请照咨案移文内事理，希便查照施行。须至咨者。

右 咨

袭封衍圣公府

恳恩再给明文等事

兖州府曹州详请优免缘由册

〔康熙年间圣贤后裔暨四氏学生员等请优免差徭（一）（一五二五）之四〕

兖州府曹州为申严违禁滥免以拯民困事。蒙济宁道方 宪票，蒙

巡抚山东部院周 宪牌前事。照得认土作贡，

王民之宜，赋税差徭自当适均。况一切滥免，久奉严禁。近闻得各州县绅衿及各衙门员役，辄敢不遵

功令，仍踵优免，甚至影庇，偏累小民，殊属不法。然乡绅在任在籍，既受

朝廷恩荣，须念 国计民生。凡有公务，理宜先趋，用是倡率。生员既为四氏之首，亦应一例适均。至于衙门员役，更难容其冒脱。况东省水陆交冲，有纤夫河夫之累，养马军需之繁，俱应照依赋役，一例均应。庶不致小民负向隅莫伸之苦，实今日培养之要着也。等因到道，牌行到州，牌仰本州官吏，照牌事理，自今伊始，凡有不得已应派各项杂差，或势豪绅衿不遵及衙役阻挠者，许该州县即指名申报本道，转报

本部院。绅衿以违禁参究，衙役立掣处死。法在必行，断不姑徇。该州亦不许借端妄派滥免，

敢有故违，一并转报

题参不贷。等因。蒙此，查得本州优免一项，俱关里甲地亩，今除本州绅衿另文申请

抚院外，所有

圣裔耕种本州地亩，其优免并无额数，难以申报，本院合无申请，

俯赐查阅

圣裔乡宦孔贞来等应免地若干，四氏生员应免地若干，孔氏应免地若干，亚圣孟博士应免地若干，

仍祈给发花名印册一本，或应照旧优免，或应遵照新行

功令，一概不准优免。伏乞

批夺下州，以便遵照存案，转报

抚院。为此今备前由，拟合具申。伏乞

照详施行。须至册者。

右具

册

袭封衍圣公府

康熙五年五月

日

知州毋配坤

同知党善述

吏目范爱逊

分巡济宁道手本为曲阜孔颜等姓派差浚河事

〔康熙年间曲阜乡宦绅衿请优免圣里摊派柳束絳斤河夫等差徭（一四五
四）之三十一〕

分巡济宁道管理河道山东等处提刑按察使司副使加一级佟 为恳恩移咨以苏民困事。康熙三十三年十一月初九日准

衍圣公府手本前事，康熙三十三年十月三十日据曲阜县合邑绅衿乡民呈前事呈称。曲阜一邑，户不盈万，孔颜十之七八，编户十之二三。且此二三编户，率多贫无立锥。兹有泉夫之案，现蒙牌提挑浚运河，于分固不容辞。但自康熙十五年，泉夫工食裁充兵饷久无专人，每遇泉河壅塞，蒙县设法令寄居小民轮流疏导。此人既无工食，又非土著，一闻发赴河工，势必逃走他乡，临期迟误

钦工，谁职其咎。恳乞軫念梓里，恩准移咨。倘蒙免发，则生全之恩世世永戴。等情到府。据此，查得曲阜为圣贤梓里，较他邑不同，

本朝崇重

先师，因而优恤梓里。兹者泉夫一项，时当挑浚，檄行调拨，而邑小民贫，苦于力役，即设法暂派，亦属一时权宜，非可经久。幸逢贵道留意斯文，仰体

皇上崇儒重道至意，谅必在所矜恤。今据绅衿士民呈禀前来，拟合移咨。为此，合用手本前去贵道，烦为转申豁免施行。等因到道。准此，随行运河厅查议去后，今据兖州府管理运河同知鲁一辅呈称，蒙此，卑职查得曲阜一邑，为

圣贤桑梓，尊崇 圣道，固宜优恤及民，第泉夫协浚小挑工程，乃系从来旧例，且近奉

河宪批飭，泉夫仍赴小挑，未便从优豁免。兹奉查议，拟合据实详复，等情到道。据此，除详批发外，拟合移会。为此合用手本前去 贵府，烦为查照施行。须至手本者。

右 用

手 本

康熙三十三年十一月 十九 日

为勿更张邹邑优免旧制及卢慎学等案函稿

〔康熙年间圣贤后裔暨四氏学生员等优免差徭（二）（一五二六）之十五〕

〔缺〕以来惠风和畅，伏念

〔缺〕履顺序，增佳可任，遥慰。读者四氏优免一案，康熙四十年再□部文申饬，经四氏学生员据呈邀恩，已荷照例允准，□□县遵行在案。前宁阳县混洋阻挠，深感

□□照部文允准，又经饬行在案。今邹令复据邹民扳抗，通详各宪。伏念邹邑为 先圣先贤发祥之地，尼山书院在焉，孟夫子专庙在焉，先三世祖书院在焉。所以子孙之居邹邑者，较之他邑为多，供事之在邹邑者，亦较之他邑为多。其地亩之外又有例地，亦较之他邑为多。若邹邑优免稍有更张，将来鼓舞簧舌莫可禁制矣。祈

□珍念孔孟故里，仍照四十年部文〔注：原文作「并依前日批示宁阳」，后被粘上〕之处，一体撤行，荷戢无似。且查在先具呈之廖登第以投充旗下，挟制邹令，已经责毙，非端人也。近日呈之平章，即前年考试时擒捕（捕）人犯，脱逃缉拿在案，遇

□免尚不思悔过乎。其卢慎学者，侮文玩法，通国切齿。总之此三人者，性同泉獍，行似蛇蝎，

揣其心盖欲借公事以揽通邑之口，使愚蒙畏之，群小附之，为鱼肉小民计耳。细阅邹令详文，极有持平之意，而不知已暗堕其术中矣。为公为私，难逃口鉴。伏祈〔缺〕始终主持为感。临颖瞻切。

〔康熙〕四十九年正月二十日

东抚咨为四氏优免已行藩司转飭遵照事

〔康熙年间圣贤后裔暨四氏学生员等请优免差徭（三）（一五二七）之三〕

巡抚山东等处地方督理营田兼理军务都察院右副都御史四级蒋 为乞天作主仰体

皇仁等事。康熙五十年三月二十三日准

贵府咨开，希将四氏优免之处，再为行府檄县，照例遵行缘由到院。准此，除行布政司转飭照例遵行外，拟合咨复。为此合咨贵府。烦清查照施行。须至咨者。

右 咨

太子少师袭封衍圣公府

康熙五十年三月二十七日

山东藩司咨为四氏优免已行兖州府转飭遵照事

〔康熙年间圣贤后裔暨四氏学生员等请优免差徭（三）（一五二七）之四〕

山东等处承宣布政司为乞天作主仰体

皇仁等事。康熙五十年三月二十七日蒙

巡抚都院蒋 案验，康熙五十年三月二十三日准

袭封衍圣公府咨开。希将四氏优免之处，再为行府檄县，照例遵行，缘由等因到院。准此，拟合就行。为此，案仰该司官吏，照依咨案内事理，即便转飭，照例遵行优免毋违。等因到司。蒙此，除行兖州府转飭遵照优免外，拟合移会。为此，合咨

贵府。烦为查照施行。须至咨者。

右 咨

袭封衍圣公府

康熙五十年四月初一日

兗州府帖仰滋陽等處官吏為概免圣贤后裔人役差徭嚴禁掛名濫免事

〔康熙年間圣贤后裔暨四氏學生員等請優免差徭（二）（一五二六）之十一〕

兗州府為仰體 皇仁等事。康熙四十九年六月二十八日蒙

布政司札付，康熙四十九年六月十七日蒙

巡撫都院蔣 批，據本司呈詳前事，查得圣贤后裔人等免差一案，先據四氏學生員孔興銳等公請循例優免河夫幫帖具呈

前案，批司查報，業經前司行據兗州府詳議，先圣贤后裔以及廟丁、禮生人等一切地畝差徭，于康熙四十年既奉有 部文優免，自應照例優免等情 轉詳

憲台，奉批 如議，繳轉飭各屬遵照在案。嗣于四十八年十二月內，據鄒縣紳民盧慎學等呈詞，恐有不系實在 圣贤后裔及供事廟丁、禮生人等冒名濫免等情，申詳

憲台，復蒙批司確議詳報。等因，轉行兗州府查議，到司核詳間，今蒙

憲台案准 戶部咨文，凡屬 圣贤后裔、廟丁、禮生、樂舞人等一切地畝雜項差徭，概行蠲免，誠恐相沿日久，復行派擾，再加嚴行申飭。等因行司。除遵行嚴飭外，本司復查圣贤后裔、

庙丁、礼生、乐舞人等一切地亩杂项差徭，既节奉 部文概行蠲免，今又准 部文自应遵照，凡有帮贴差徭一概优免，无容再为置议。如有挂名闪差包揽诡寄等弊，应飭该府转行各属，设法严禁查究具报可也。相应呈请

宪台批示，以便转飭遵行，具呈蒙批， 圣贤后裔一切地亩杂项差徭，奉准 部文概行蠲免，自应遵照，如有挂名乐舞人员等，一州一县盈千累百，闪差包揽诡寄等弊，实为病民，一并转行严禁查究具报。等因批司。蒙此，又蒙

本都院案验，为详陈恩例等事。康熙四十九年六月十四日准 衍圣公府咨全云原咨。等因到院。准此，为查此案据该司详议， 圣贤后裔庙丁、礼生、乐舞人等一切地亩差徭，奉准

部文，概行蠲免，自应遵照。凡有帮贴差徭一概优免，等情随批，如详转飭遵照在案。今准前因，拟合就行。为此，案仰该司官吏，照依咨案内事理，即便遵照批详，一并转飭遵照毋违。等因到司。蒙此，合行一并亟飭。为此札仰该府官吏查照批详 咨案札内事理。即便遵照 部文，将圣贤后裔以及庙丁、礼生、乐舞人等转飭遵照 院批。凡一切地亩杂项差徭概行蠲免。如有挂名乐舞人等，一州一县，若果盈千累百，闪差包揽诡寄等弊，实为病民，应一并转行严禁查究具报毋违。等因到府。蒙此，拟合就行。为此帖仰滋阳等二十七处官吏，查照批详咨案札帖内事理，即便遵照 院批，将圣贤后裔、庙丁、礼生、乐舞人等凡一切地亩差徭概行蠲免。如有挂名乐舞人等，该州县若果盈千累百，闪差包揽，诡寄等弊，实为病民，应行严禁查究具报。毋违。

致原户部尚书王为六氏例免事函稿

〔康熙年间本府拟办书函稿簿（二）（六三五八）之三〕

与原任户部尚书王

春间入都，即已登龙，未经面会，后虽暂晤，匆匆未获叙阔。抵家未久，诸兄纷纭，致疏修候。种种缺情，不胜歉仄。前于舍妹丈沙口口札中备悉。老先生留心名教，谢难言喻。兹更读者，六氏优免一事，原系免徭，无亏正赋。且所免之徭，专为续置地亩而言。自我朝定鼎，至今相沿，非自今创始，即兖州府前详文甚悉。近蒙藩台驳发，具见当时郑重之心。但恐未能备悉缘由，以致再三查驳，必祈老先生条分缕晰，婉道其详。倘未详尽，小力口稟，伏祈慨致，得即如洋结案。无论六氏子姓，俱荷始终之德，即先圣先贤实所馨闻也。此事邮出，恐有未妥，必求贵纲纪赉致为妙。外具不腆，附候近祉，伏冀涵纳，曷胜瞻切。

山东布政使咨为济宁州内仲端闵等氏田地应否免差事

〔清朝时期先贤仲子路后裔请优免差徭（一）（一五五〇）之一〕

山东等处承宣布政使司为详请均摊河夫帮贴以免偏累事。据济宁州详称，查得卑州大挑之年额征河夫帮贴银二千六百三十四两四分，小挑之年额征河夫帮贴银一千八百五十七两四分。旧例原于大粮地亩内另派征解，以济河工急需。但查合州百姓行差原额，一则地五千一百一十顷六十三亩七分一厘五毛三忽，百姓行差原额，二则地六千六百一十九顷九十一亩一分五厘九毛（毫）五纤。无论绅衿士民，俱系一例摊派，外有

卫公宗圣仲庙

钦赐免例一则地六十四顷，又有寄庄一则地一百五十三顷。除正项在于原额内派征外，每亩多征银一分。二则地一百九十三顷，除正项在于原额内派征外，多征银五厘，是差包粮内。以上二项地亩，例不摊派河夫帮贴银两。再查有仲氏子孙及端、闵各贤裔，有自置一则地、二则地从前俱免夫银，相沿已久。今蒙檄饬，一例摊派。伏查仲氏子孙及端、闵各贤裔自置地亩，应否一例均派，或照旧例免征，理合申请批示，以便遵行。等情详司，据此，除详批兖州府

查议外，所有卫公宗圣仲庙

钦赐地亩应否免派之处，拟合咨询，为此合咨

贵府，烦将 卫公宗圣仲庙

钦赐免例一则地并寄庄一则、二则地，应否免派河夫帮贴之处，希速确查妥议移司，以凭详夺，幸勿迟滞施行。须至咨者。

右 咨

袭封衍圣公府

雍正十二年九月初四日

东抚咨为照例优免邹县孔孟氏例地差徭事

〔咨行河督鲁抚优免孔颜曾孟四裔地亩摊派河工帮贴一应杂差（二）
（一四五二）之十五〕

巡抚山东等处地方督理营田兼理军务都察院右副都御史纪录二十四次降三级停俸岳 为恩赐移明照例优免夫食差徭事。据布政司呈称，雍正十二年六月初一日蒙巡抚都院岳案验，雍正十二年五月二十八日准

衍圣公府咨，据翰林院世袭五经博士孔继溥、翰林院世袭五经博士加一级孟衍泰、原任河曲县知县孔毓孜、四氏学生员孟尚积等呈前事呈称，切照圣贤后裔仰承祖德，素沐

皇恩，所有地亩一切帮贴夫食杂差等项定例优免，历奉前抚宪准照

部文转飭藩宪檄行各府州县遵照优免在案。至邹邑有孔孟例地一项，不与民地一律当差，尤与各县不同，并与续置民田不同，此有一定之数，累代不增不减，亦不得转售与他姓。即有买卖不过二姓中互相授受，县册照（昭）然，通邑共知，诡寄隐匿等弊无自而生。皆因邹邑为

圣贤发祥之地，所以加恩于孔孟子孙者至优极渥，历来已久。今奉

督宪行文飭议征收河夫帮贴一项，现在详议册报，伏念圣贤子孙所有地亩俱得邀

恩免差。况邹邑例地为

累朝旧制，

圣世洪恩，各上宪宣化承流，栽培

圣泽，不改数百年之定例，即沐亿万载之洪慈。溥等不得不据实陈明，仰恳大宗主移咨各上宪，

推广

皇仁，飭遵旧例，帮贴夫食差徭仍免摊派，则

浩荡之恩得以永被于无涯矣。上呈，等情到府。据此，查

累朝加恩于孔孟二氏，设有邹邑例地，有一定之数，无诡寄之弊，一切夫食差徭例得优免。今据

该呈前来，拟合移咨。为此，合咨贵院，烦请查照转飭，照旧优免摊派，以全

恩例。再查圣贤子孙所有地亩定例概免差徭，自顺治八年、十三年、康熙二十三年、四十年例有部

文飭遵。四十九年、五十年准司咨奉院批飭优免在案，并希檄行一体查明优免，则

圣泽有光

皇仁永戴矣。等因到院。案行到司。蒙此，查河泉等夫帮贴一项，从前另派收钱，原系力役之征，

绅衿儒户俱皆免派，则孔颜四氏例得优免。今奉总督部院飭令查议详请具

题加入大粮数内，一条编（鞭）征收，即属大粮理应照大粮一例均派。况孔孟四氏地亩，亦不止邹

邑一处，似不使永存优免名色，以起日后诡寄之弊。拟合呈祈本都院俯赐，咨复

衍圣公府可也。等情到本都院。据此，拟合咨复。为此合咨
贵府。烦请查照施行。须至咨者。

右 咨

袭封衍圣公府

雍正十二年六月十一日

山东藩司咨为优免邹县孔孟氏例地差徭事

〔咨行河督鲁抚优免孔颜曾孟四裔地亩摊派河工帮贴一应杂差（四）
（一四五三）之四〕

山东等处承宣布政使司为恳赐移明等事。雍正十三年三月初九日蒙巡抚都院岳 批本司呈详，查得奉准

衍圣公府咨请孔孟圣府例地优免河夫帮贴一案，缘河夫帮贴从前另派收钱，原系力役之征，绅衿儒户俱皆免派，则孔颜四氏例得优免，今奉

督部院飭令，查议详请具 题加大粮数内一条编（鞭）征收，即属大粮，理应照大粮一例均派缘由，详请咨复在案。今又奉

本都院准

衍圣公府咨行司查议，遵即移准

衍圣公府咨开，查邹邑特设例地与孔孟氏地皆系

钦赐，出自前朝，为累代相沿之 盛典，与大概四氏优免者不同，他姓亦不得置买为业。并咨称，

滕县有孔、颜、孟三氏地一项，载在滕志，亦系不增不减，例免差徭。等因移复到司。因查孔孟圣府地与孔孟氏地，如果俱系前朝

钦赐，为何分别府氏字样，其中情由，未经分晰声明，且复将滕县孔、颜、孟三氏地并请一体议免，既与前咨仅开邹县圣府例地不符，又与他县所无之言不合。随又移准

衍圣公府咨称，府地瞻仰孔孟，大宗氏地瞻仰孔孟族人，所以有府氏之别，其实皆为例地，均应免差。其

滕县孔、颜、孟三氏地载在滕志，并非置买之民田，亦系恩例，传之已久。若不开明，将来滕志势必划灭。等因移复前来。本司复查孔孟圣府成熟中地原额一百五十六顷一十亩，成熟下地三十五顷。孔孟氏原额中地三百八十九顷二十九亩四分，原额下地四百三顷一十亩九分。滕县孔、颜、孟三氏地一百一顷五十三亩五分九厘，既经

衍圣公复查，实系累朝相沿之盛典，并非置买之民田。应如所请，仍循旧例，免派河夫帮贴，深为妥协。拟合呈祈

本都院，俯赐批示，并祈咨复

衍圣公府可也。具呈，蒙批，既经该司移查明确如详，照例优免，并候咨复衍圣公，仍候督部院批示缴。等因批司。蒙此，拟合移会。为此咨贵府。烦为查照施行。须至咨者。

右 咨

衍 圣 公 府

雍正十三年三月十五日

济宁州移为查明四氏在州住户以便遵例优免事

〔乾隆、道光、同治年间圣贤后裔暨四氏学生员等请优免差徭附墨拓碑文
(一五二八)之十四〕

兖州府济宁州为恳恩照例饬行等事。乾隆二十年四月十一日蒙
本府信票，本年四月初五日蒙

布政司票开，乾隆二十年三月二十六日蒙

署抚都院 郭批，本司呈详四氏学孔传是等请援例优免杂项差徭缘由，蒙批如详，转饬各州
县仍取具碑摹报查缴。等因批司行府。蒙此，合行抄洋转饬。为此，仰州官吏照依批洋票内
事理，即便遵照旧例，将四氏圣贤一切杂项差徭出示晓谕优免，俾约地知有恩例，不敢仍行
派扰，而四氏圣贤亦得永沐恩施，并即勒石以垂永久，仍出具碑摹径送

抚都院 布政司暨本府查考毋违。计粘抄洋一纸。等因到州。蒙此，查此案前经出示晓谕在
案，但有无四氏后裔在州居住，拟合移查。为此合移 贵府。烦查文内事理，即希查明，如
有四氏后裔在州居住，开明住址地亩，责令本户赴州投递，以便入册，幸勿迟滞施行。须至

移者。

计粘抄详一纸

右 移

衍圣公府

乾隆二十年五月初三日典吏〔缺〕

前事

山东藩司呈东抚为奉批查议四氏优免请核批事

〔乾隆、道光、同治年间圣贤后裔暨四氏学生员等请优免差徭附墨拓碑文
(一五二八)之十三〕

为恳恩照例饬行勒石垂久永沐

皇恩事。乾隆二十年三月十七日蒙

署理巡抚都院郭 批，据四氏圣贤孔传是等呈称。切孔、颜、曾、孟四氏圣贤仰承祖业，历朝优崇，一切地亩杂项差徭概行蠲免。其散居各处者，俱令所在有司加意优恤。迨顺治元年 恩诏内一款，凡圣门典例，俱应相沿，期于优渥。钦此钦遵，通行在案。后因各州县奉行不善，扳扰时开，顺治十三年蒙户部行文申饬，凡一切杂项差徭俱行蠲免，亦在案。康熙二十三年又蒙 户部行文，经前任徐转饬，仍照顺治十三年旧例蠲免。康熙四十年蒙户部复行文申饬，援例咨行。经前宪王行文转饬，又即将一切地亩杂项差徭概行蠲免。如有复行派扰者，详报究处等语各在案。康熙四十七年蒙 前宪赵行文通饬遵照部文内蠲免。乾隆五年内曹州府孔兴禾具控 前宪硕行文黄河料物等差，照旧例蠲免，且立碑永禁。仍取碑摹送查。

是孔、颜、曾、孟蠲免差徭之例，上奉

恩诏，又蒙部台宪台屡次飭行，由来久矣。兹日久弊生，充属各州县固有遵例蠲免者，复有捺案不行者。是使四氏圣裔竟有得蠲免不得蠲免之殊。而所谓一切地亩杂项差徭尽行蠲免者，几湮没不彰矣。四氏圣裔拖累难甘，因敢公吁

宪台大人恩准，照例飭行充属各州县，蠲免四氏圣裔一切地亩杂项差徭，并飭各州县治，将例勒石，以垂永久，则四氏圣裔优游于光天化日之中，免追拖累之苦。不惟四氏圣裔永沐隆恩，而维持之功，亦与金石并垂不朽矣。沾恩上呈。等情，蒙批，四氏圣裔其一切地亩杂项差徭自应优免，布政司查明旧例，定义详报，以凭飭遵。等因批司。蒙此，卷查康熙四十九年六月蒙前抚都院蒋案验一件，恳恩再给明文严行申飭事。康熙四十九年六月初五日准

户部咨山东清吏司案呈，奉本部送，据五经博士孔传铤、颜崇敷、曾尚溶、孟贞仁、仲承述、闵兴汉、东野枝盛等呈称，职等仰承祖业，蒙

历朝优崇。几属圣贤后裔以及庙丁、礼生、乐舞一切地亩杂项差徭概行蠲免。后州县捺案不行，于康熙二十三年、四十年复两次具呈大部，均蒙移咨东抚，照例飭行在案。诚恐相沿已久，州县复行派扰，伏乞部台恩准，照例移咨东抚，严行申飭。等因前来。查康熙四十年四月内，据五经博士孔毓挺等具呈本部，移咨该抚，申飭在案。今据五经博士孔传铤等具呈相应行文东抚，再加严行申飭可也。为此，合咨前去，查照施行。等因咨院行司，当经转行，严行申飭在案。今据四氏学孔传是等以各州县奉行不善，有遵例蠲免者，亦有捺案不行者，援例呈请

本都院严飭。蒙批，本司查明旧例定义详报。等因。遵即卷查康熙四十九年六月内奉准户部咨文，据五经博士孔传铎等呈称，职等仰承祖业，蒙历朝优崇，凡属圣贤后裔，以及庙丁、礼生、乐舞一切地亩杂项差徭概行蠲免。移咨东抚，严加申飭，遵照在案。今据四氏学孔传是援例呈请优免一切杂项差徭，似应飭令循照旧出示晓谕优免。庶约地知有恩例，不敢仍行派抗，而四氏圣裔均得永沐恩施。并应转飭各县，勒石垂久，仍取碑摹送查。缘奉批飭查议，是否允协，拟合呈祈本都院鉴核批示飭遵。

东光县呈为请飭孔颜族人遵办大差毋再抗违事

〔乾隆、道光、同治年间圣贤后裔暨四氏学生员等请优免差徭附墨拓碑文
(一五二八)之七〕

知州衔直隶河间府东光县为呈复事。查案准

贵院扎开，据族人孔昭麟、孔昭文并复圣后裔颜怀德、颜士敬等禀控，一切杂派差徭概行蠲免，碑记凋残，湮没无存，今被练地傅来有并书役等同谋诈财，朦官作弊等情一案。令即查明究竟有无诈财情事。等因。准此，查前准

贵院移会族人孔昭麟等准其优免一切杂差，如逢

皇白大差，仍与齐民一体办理，历经理在案。所有复圣后裔，敝县并无接准文移免差，卷据
本年恭奉

两宫皇太后

皇上祇谒

东西两陵，派办道差夫价及骡马价等项，该

贵本族并颜怀德、颜士敬借词优免，抗差不办，以致绅民均皆效尤，办理殊形掣肘。除将书役等传案严讯，明确究竟有无诈财情弊，按法究治外，兹准前因，拟合备文呈复。为此，合呈

贵院。请烦查照文内事理，希即飭令孔昭麟等并颜士敬等，循照旧章办理，毋再借词抗违大差。望速施行。须至呈者。

右 呈

裘封衍圣公府

同治十二年六月初一日

札付东光县为圣贤后裔仍办大差概免杂差事

〔乾隆、道光、同治年间圣贤后裔暨四氏学生员等请优免差徭附墨拓碑文
(一五二八)之四〕

袭封衍圣公府为再行札付事。案查前准贵县文称，飭令孔昭麟等并颜士敬等循照旧章办理，毋借词抗违。大差，望速施行，等因。当经转飭遵照去后。兹复据该族人孔昭麟等并颜士敬等稟称，云云等情前来。除批示如遇

大差仍行一体办理外，凡有一切杂泛差徭，既属

圣贤后裔，自应援照直隶各州县流寓孔氏优免之例，一律优免，以示体恤，而别齐民。据稟前情，相应再行札付，为此札付

贵县。烦为查照施行。须至札付者。

右札付直隶东光县准此

同治十二年九月十二日

圣公府

札付惠民县为优免圣裔杂差事

〔光绪年间圣贤后裔暨四氏学生员等请优免差徭（一五二九）之二十九〕

袭封衍圣公府为据情札付事。案据惠民县族人孔宪尧、宗圣裔曾传习、亚圣裔孟庆余等来曲禀称。为绅董扳拉扰派受累恳恩移文照例优免事。窃族人传孝、广诗等，前于道光二十四年来曲续修支谱，蒙先宗主行文到县存案优免。数十年来四氏后裔照例优免，并无扰派情事。

忽于年前本境绅董扳拉裔等与百姓同出差徭，妄行扰派。裔等同赴城禀见本县主，禀明四氏后裔原于（与）齐民有别，例准蠲免有案。况道光年间复蒙爵宪移会声明亦在案，并有碑记可查。本县主见有碑，当堂面谕，言裔等虽有碑记，近年并无案据，未便骤准。为此裔等既蒙堂谕，不得赶紧来辕叩恳，恩准移文照例优免施行等（情）到本爵。据此，查

先圣、先贤四氏后裔凡遇一切杂泛差徭，向准蠲免，历久遵办在案。今该后裔等确系四氏后裔，杂泛差徭自应援例一律免派，以符向章。惟河工系属由官发价，原非差徭，理宜遵办。至应领之价，亦应核实给，以资津贴，而免赔累。兹据前情，除奉批示外，相应据情札付该县，烦为查照。希即备案，除河工领价照办，其余一切杂泛差徭，仍准援案优免，一示体恤，而别

齐民，实为公便施行。须至札付者。

改发马递 右札付惠民县准此

光緒十三年四月初六日

于閏四月十六日发递

押

直隶总督咨为直省四氏后裔优免差徭事

〔光绪年间处理府庙属官讼案（十七）（三八六六）之三十九〕

太子太付文华殿大学士兵部尚书兼都察院右都等总督直隶等处地方军务紫荆密云饷河道关隘兼理粮御史长卢盐政管巡抚事一等肃毅伯 李为

咨明事。据布政使裕长呈称。窃查光绪四年准

衍圣公府咨开，直省为

畿辅重地，差务纷繁，原不应概行优免。惟绅衿既准免杂差，而四氏后裔虽经编审入籍，究与齐民有别，应请查核有案准免者，仍予免派，此复不准再请，以示限制。蒙宪台以四氏后裔散居直省者，如系绅衿，本准其照章优免本身杂差地亩，并与齐民无别。若绅衿仍应出差，方昭公允，当即分别咨复，并札司通行饬遵。嗣于光绪十三年又经前司会同臬司厘定差徭章程，声明四氏后裔仍照前奉行，知凡四年以前有案准免者，仍予免派。此后不得再请其捐纳伴官等类，仍照向章，不准免差等因。详蒙宪台批准刊发告示各在案。兹据清苑县详称，光绪十八年七月初六日，蒙

袭封衍圣公府札开，为恩例发禁扰累差徭事。咨查

先圣、先贤四氏后裔，以及庙官、庙佃、屯厂两户原于齐民有别，凡一切差徭概行蠲免等因。久经遵行在案。第恐弊生，间有书役妄行派扰之处，深为未便。合再申飭。为此札付，仰该各省州县书役人等知悉。凡

先圣、先贤四氏后裔以及庙官、庙佃、屯厂两户嗣后遵照旧例，遇有差徭一体蠲免。如有妄行扰累者，一经告发，除将舞弊书役禁（尽）行究治外，定该各省州县严禁，以此惊戒。须至札付者。等因。并附乾隆癸酉暨咸丰辛酉两次重修卑县北蛮营村

文庙碑记两张，均由山东曲阜县人蒋学海投递到县。据蒋学海声称，系蒙

山东衍圣公府飭伊持文来直递送不知何事等语。卑职伏查清邑一切差徭，应免应派，悉照向章办理，并无浮派骚扰情事。至北蛮村

文庙既未采入县志，又无重修案卷可查。即来札文内亦无提及碑记字样。随查前于光绪七年十一月蒙督宪李 钦奉

上谕及事中楼誉普奏直隶差徭事。宜扎飭分晰开册详核，计粘抄原片，并九月间

衍圣公府未咨内开，为咨请通飭查拿究办事。案照

庙庭设立各职，以供骏奔，例由本爵拣选，并无捐纳之事。凡各省有愿就职衔者，或亲自未曲呈递履历，或托亲友代递，经本爵核准后，给发信牌一面。查取原籍地方官印甘各结，以备充补。历久遵办在案。近来风闻有不法之徒，胆敢在外私立捐局，张设旗牌，刊刻条款，甚至假造印札，冒充本爵差官，任意招摇撞骗，愚弄乡民。实属大干法纪，殊堪痛恨已极。若不咨

请转飭严拿究办，不足以示惩儆而杜假冒。除分咨外，相应备文咨会。为此，合咨贵督部堂。请烦查照，希即行司道飭各府州县，遇有前项不法之徒，立即严拿，按律究办，实为公便。望速施行。又光绪十三年九月初四日蒙前^{升宪松}臬宪陶^{臬宪陶}颁发差徭告示第六条内开，一凡

圣贤四氏后裔入籍直隶散住者，光绪四年咨准

衍圣公府核复查其从前有案准免者，仍予免派。此后不准再请，以示限制。各儒学佾生，凡系奉学院考取，免其府州县考一体院试者，准免本身地三十亩，其在衍圣公府捐纳伴官等类，仍照向章，不准免差各等因。遵照办理在案。兹奉

衍圣公札飭，前因核与前奉札文告示章程均不符合。究竟何所适从，拟合具文详请查核批示，并请转详咨明查复，等情到司。据此，本司伏查

圣贤四氏后裔应免差徭，固不容书役妄行派扰，惟既经议定章程，分别年限，准免不准免自应循旧办理，未便更易。应仍遵照光绪四年

衍圣公府咨复原案，凡在四年以前有案准免者，仍予免派。无免过案据者，一体应差，其捐纳伴官等类，概不准免差徭，以免苦累穷民而符前定章程。除详批示外，拟合据情详请查核。移咨

衍圣公府查照，并批示飭遵，实为公便。等情到本阁爵部堂。据此除批示外，相应咨明贵公府。烦请查照施行。须至咨者。

右 咨

衍 圣 公 府

光緒十八年九月十一日

二、孟氏

孟氏后裔呈送孟庙宅基地坟地祭田户丁清册

〔咨行河督鲁抚优免孔颜曾孟四裔地亩摊派河工帮贴一应杂差（一）（一四五〇）之十一〕

世袭翰林院五经博士加二级孟贞仁 为行查事。依蒙遵将职祖孟子庙宅基地、坟地、祭田、户丁逐一查明。理合开造施行。须至册者。

计开

亚圣庙祭田，元泰定三年拨给三十顷，明景泰六年增给二十顷，佃户十户。又新增祭田一顷一十五亩。俱坐落邹县。

孟母坟地三顷三十二亩二分。坐落邹县城北二十五里马鞍山之阳。

亚圣孟子坟地一顷六十九亩二分。坐落邹县城东北二十五里四基山之阳。

亚圣庙宅基地一顷二十一亩五分。坐落邹县南关断机堂并池与暴书台，共六百二分五厘。坐落邹县南门外迤东。

坟田二顷三十亩。坐落邹县。

亚圣庙护丁，宣和四年拨庙户二十五户，元至正二十六年给门子五户，成化六年拨佃户七户，十八年复赐二十五户。

孟子故里名曰付村。祠堂基地并孟母池共地三亩。坐落孟母墓侧。

康熙二十二年五月

日

邹县为孟庙佃户门役礼生优免杂差以干扳扰事碑

兖州府邹县为恩恩照例优免以干扳扰事。蒙

钦差巡抚山东等处地方督理营田提督军务都察院右副都御史黄 批，据本县申，据翰林院世袭五

经博士孟呈前事呈称，

先祖孟子庙于宣和四年并景泰六年叠蒙

皇恩崇重贤儒，钦拨庙户二十五户，佃户十户，门役四户，礼生六十名，其各役杂差悉行蠲免。

在庙洒扫供祀陈设，历经年久，近被里书、地方、保甲人等科诈不遂，朦朧妄扳，苦累逃窜，不愿供庙，皆将离心，仅存庙户二十户，佃户六户，门役三户。不足愿（原）额，佃户无人，桑盛奚供，祭典既废，先贤何安。合将（缘）繇具呈，仰祈

天台珍念先贤，俯存庙祀，行县查明，照例优免，可使垂后永远遵守以杜奸宄之扳害，永戴洪恩之再造，等因，具呈

本院。蒙批，兖州府邹县查明蒙此该〔缺〕

本县知县胡 看得庙户百姓各有本管差徭，今佃户人户礼生，既以一身供庙，又加民间差徭，一身难两役乎。况考三迁志书，除豁差税确有证据者也。合无申乞

俯赐定夺。准将庙户礼生照旧优免杂差，令其专事洒扫。庶

先贤无失祭之虞，庙户无重累之苦，合候详允，行令里书、保甲人等免扳杂差，仍勒石垂后，永远遵守施行，等因。呈详

本院，蒙批，准如议行缴。蒙此，除本县行令里书、保甲人等免编佃庙人户礼生杂差，刻石本庙垂后永远遵守施行。万历三十七年仲秋吉旦

计开

洒扫户二十户 一户盛更化等〔余略〕

佃户六户 一户张思义等〔余略〕

门役三户 一户王思爱等〔余略〕

滕县佃户 一户李志东 一户潘英等

礼生六十名 张纲等〔余略〕

移兰仪县为优免孟氏族人丁役杂差事

亚圣裔应袭翰林院五经博士孟 为

援案移会事。案据流寓

贵治城东北十二里刘陈铺等庄之敝院族人附生孟继宗、孟毓桂、孟继惠、孟广明等稟称，为叩恳移会援例优免杂差以广

皇仁事。窃生等一支自上代由邹县原籍迁居河南开封府兰仪县刘陈铺等庄，遂改入民籍，现有谱

牒可考。伏查

先圣、先贤四氏后裔，除地亩钱粮正供之外，凡有一切杂派差徭，历蒙

圣朝恩例，概行从优免派，原系人无丁役，地无差徭，日久奉行，遵守在案。生等虽迁居异地，

溯厥渊源，实系

亚圣苗裔，似应一体仰沐

恩例，所有本职人丁地亩叩请援案优免杂差。为此，稟恳移会

河南兰仪县正堂，出示从优免派生等一切丁役杂差，以符

恩例。上叩，等情到院。据此，敝院复卷查优免杂差例案，前曾经办过睢州、宁陵、永城柘城、

夏邑、南召等州县各族支之族人，历有成案可稽。此案事同一律，拟合备文援案移会，为此

合移

贵县，请烦查照文内事理，按照该支地亩，希即援例出示，从优免派杂差，实为恩公两便。如不在文内之庄村孟氏，不得含混，以免影射。仍希

赐复备案，幸勿迟滞，望速施行。再此次系借用邹县印信。合并声明，须至移者。

计开优免杂差十二村庄

刘陈铺 仪封乡圈头集

大李寨 蔡家柚

新庄集 瓜子营

孟道口 翟庄

韩陵村

西韩庄

孟房

杜庄

右

移

河南开封府兰仪县正堂

同治九年八月十六日

族人孟毓祥禀为霸持公坑使土约正偏袒皂役诈财欺辱事

具禀族人孟毓祥住泰安府新泰县城北二十里南土堡褚马庄为差役诈赃欺辱圣裔事。窃因族绅之邻人曹志诚、石景合、田松岭、商文礼、王仙国以霸持公坑使土一案，查此坑原系各家公相使土，曹志诚等言族绅推土六百车，伊等竟硬自派出京钱十八千，以备官差使用。当禀明县天，甚蒙优待，批交约正处理处。而不料约正刘盛云胆敢贪图曹志诚等京钱十千，理处不公。族绅与其理论，刘盛云率众将族绅殴辱不堪，即赴县喊冤，竟被书役陈介等拦阻。绅被深冤，无处申理，当即禀明

宗宪大人案下，移送

县主讯断在案。不料于本年十月二十九日回籍之后，族经皂役徐淑朋、刘文魁硬将拉扯到新泰城内，用木笼困入班房，不与饮食，向族绅要索诈京钱一百千。当时未敢允从，后竟至吊打数次，且饥饿难忍，实迫于无奈，只好赎命，托亲友李化普与皂役徐淑朋、刘文魁立迫变产，讯诈去京钱九十千，始得回家。族绅天冤屈无处申理，匍匐

宗府，恳求备文移文

泰安府宪案下提案讯究，庶几小民得安，实出天恩无既。上叩

宗宪大人案下恩准施行。

咸丰五年十二月

日

票仰席殿华等为催取上丁羊猪事

亚圣裔应袭翰林院五经博士孟 为

票催羊猪事。照得八月初八日仲秋上丁，各该户例应作速按照定规，羊以三十斤为准，猪以八十斤为额

信

赶办。定于先一日早行到院，以凭验看，恪供祀事。合行票催。为此，仰役即催各该户户头，务要博硕肥腯，不许瘦小搪塞。如敢故违，除按旧定章程赔补斤称外，仍即究责不贷。去役毋得借端滋事，速速。须至票者。速速。

计催

张户猪二口 刘户猪一口，羊一支

邵户猪一口 党户猪一口，羊一支

票 田户猪一口，羊一支 马户羊一支

光緒十九年八月初一日 差席殿华
党照寅

院行

限 日繳銷

三、东野氏

咨礼部为申明东野周姓本属一脉得一体沾恩事

〔办理乾隆十三年驾幸阙里致祭林庙典礼及谢颁赏赉（六）（五一—一四）之二十一〕

袭封衍圣公府为申明事。据世袭翰林院五经博士加二级东野衍兆申前事，声称，切职始祖元圣周公本姬姓，鲁之世国者周公长子，以东野为氏，次支缘周公留相王室，世称周公于孙，以爵号为姓，遂姓周氏。是周姓、东野本属一脉。于康熙二十三年职系大宗承袭博士，复于乾隆二年照以奉祀生员主三十三公之祀，职族有周润宪等二十余人，俱蒙咨送元圣庙庭。又于乾隆八年复蒙学宪咨请周姓承袭世廩，俱蒙大部执照，遵行在案。兹恭逢

皇上巡幸东鲁，亲诣至圣先师庙。职将族人周润宪等四名造册申送，蒙恩转咨礼部大部以十三氏之内，又有周姓与从前原咨未符，此实大部慎重周详之意。亦因职未声明宗派，致兹驳飭，

理合分晰申请。伏乞据情查案转咨 大部，俯念东野周姓圣宗一脉，是得一体沾恩，庶圣裔不得淹没，不特职族衔恩，即始祖亦九京（泉）戴德矣。计申送陪祀族人周润宪、观祀族人周裔和、周裔良、周润础等情到爵。据此拟合移咨 贵部。烦请查照施行。须至咨者。

一 立案

礼 部

乾隆十三年四月十八日

袭封衍圣公押

东抚咨为清查照宣城县私捐奉祀生一案翰博东野崇轿是否知情事

〔元圣周公后裔世袭翰博东野崇轿揽捐祀生枉法婪赃革职治罪（一）〕

（〇三九六）之一〕

奏为咨提审办请

旨飭查事。窃臣前据宁国府属宣城县知县胡鹏云详准本县儒学牒称，上年十口月及本年二、三月间，先后接到五经博士东野崇轿公文四角，内开选得宣城县吴靖臣、陈尚纶、周启、王锦、董学瑾、孙标、孙楷、管焘、管锬、孙泰、管能鳌、孙琛、王觉、王际盛、管森、管廷耀、孙思琇、冯裕、冯时举、刘光祖、刘开凤、刘大校、刘金斗、时达、蔡鸣二十五名堪补奉祀生，移会注册，照依庠生一体优恤等请。查无上宪明文，真伪莫辨，移请查办。当即查传管森、王锦等十六名到案，讯出说合之管能魁、管树三拘获究问。据供系太平县人王千尺、泾县人翟守煌承揽代捐，每名给银四十五两，给有博士印票。及关提翟守煌查讯供认，上年七月内揽捐管廷耀等八名奉祀生，每名收银四十五两，八月间至山东曲阜县找见东野博士书办李鹏宗，每名给银三十两，办给印票八张，带回分散管廷耀等收执。至王千尺揽捐若干名，到曲阜托何

人承办，并不知情等语。除关提王千尺及传时达等到案究拟外，合先录供通详等情。当经批司

48

飞飭太平县，差拿王千尺，务获移交宣城縣审办，并飭吊验宗谱印票文移，呈请核

口去后，兹据安徽布政使陈步瀛、按察使郭世勋吊验宗谱印票文移，呈请咨提核

奏前来。臣查奉祀生例于本省嫡裔内选择充补，咨部给照，不得以隔省之人指名滥充，即山东省

各氏祀生，亦例由衍圣公会同巡抚、学政咨部，均不得私行给照。今查宗谱所载奉祀生原委，

并列同宗一百二十余姓，文移内亦有咨送衍圣公会同抚学两院咨部领照之语，似非揽捐之翟

守煌、王千尺等捏造。是否书办李鹏宗窃得博士宗谱，假刊印票，欺哄愚民，取财自肥，抑

系博士东野崇矫知情分肥，违例滥给。且宣城一县已有二十五名之多，恐各处私捐者正复不

少。自应彻底跟究，以杜冒滥，除檄提翟守煌等到省委员审办，飭缉王千尺务获，飞咨山东

省查拿书办李鹏宗，解安质讯办理，一面通飭各属，查明有无似此私捐奉祀生之人速令呈首

外，相应恭摺

奏明，请

旨敕令山东抚臣明 就近查明世袭五经博士东野崇矫是否知情分肥，违例滥给印票，分别办理。

伏祈

皇上睿鉴。

奏。

兵部侍郎兼都院右副都御使巡抚山东等处地方督理营田兼提督銜节制全省军务明 为

咨提审办请

旨飭查事。乾隆五十年六月二十二日准

安徽抚院书 咨，据藩、臬司会禀，据宣城县详准儒学移称，接到五经博士东野崇侨公文内开，选得宣城吴靖臣等二十五名堪补奉祀生，移令注册，照依庠生一体优恤。查无上宪明文，真伪莫辨，当将文内有名之管森等，并说合之管能魁、管树三拘获，讯系王千尺、翟守煌承揽代捐，每名银四十五两，给有博士印票。及关提翟守煌查讯，供认上年七月内揽捐管廷耀等八名奉祀生，每名收银四十五两，八月间到曲阜找见东野博士书办李鹏宗，每名给银三十两，办给印票八张，带回分散管廷耀等收执等情，查验印票，并非清汉篆文，实系木刻铃记。是否李鹏宗窃得博士宗谱，假刊印票，欺哄愚民，取财自肥，抑系博士东野崇侨知情分肥，违例滥给，自应彻底根（根）究，等情，到院。据此，除恭摺具奏外，相应抄摺咨会。为此合咨

贵部院，请烦查照。希即飭拿李鹏宗解安质讯，并祈查明世袭五经博士东野崇侨是否知情分肥，违例滥给印票，分别办理，见复施行。等因到本部院，准此，除行布、按二司转飭查拿李鹏宗解安质讯外，拟合咨会。为此合咨

贵府，烦请查照。希即就近查明世袭五经博士东野崇侨是否知情分肥，违例滥给印票之处。迅速移复施行。须至咨者。

计粘抄稿一纸

右 咨

袭封衍圣公府

乾隆五十年六月二十五日

东抚奏为翰博东野崇轿违例揽捐祀生革职定罪事

〔元圣周公后裔世袭翰博东野崇轿揽捐祀生在法婪赃革职治罪（二）
（〇三九七）之十九〕

奏为审拟具

奏事。窃照曲阜县五经博士东野崇轿私捐奉祀生，得受银两，滥给执照一案。经前任抚臣明 奏革究审，讯明，东野崇轿听从家人李鹏宗及

圣庙执事官孔君重等揽捐祀生，共得银四百四两，为祭品修庙之用。将东野崇轿照枉法婪八十两绞罪，上量减一等拟流。于乾隆五十一年七月具

题并通飭所属，出示晓谕，如有捐充祀生之人，令其首明缴照，另行分别办理在案。嗣准云贵总督臣富 等咨称，查有告病回籍，原任江南丰县知县胡宁，及伊子捐职同知胡尊仁等揽捐奉祀生，将执照带回卖银牟利，并查有祝天颺自往曲阜县，托店家李姓向东野崇轿书办杨姓买照两张，带回滇省。查与胡宁所卖各照铃记篆文均不相符，恐有伪造情弊。除恭摺具

奏将胡宁等父子顶带斥革严行审办外，拟合移会，将滥卖执照之东野崇轿及杨、李二姓，就近查

讯，定拟完结，并准刑部咨东省审办东野崇轿违例滥捐之案，止（只）有安徽省王丙寅等代王锦璋等揽捐五十名，共得银四百余两。此外并无有揽捐充捐之人。今云南省既查有胡宁与祝天颢等揽捐之事，则他省亦必有捐充之人。自应向东野崇轿彻底根（根）究，追照缴销，以期净尽。相应请

旨飭下该抚，查照云贵总督原奏，逐加审讯，务使尽情供吐，按律定拟，并案具奏，等因。嗣据章邱等州县捐充祀生之潘廷士等一百三十二名，将执照陆续首缴到案。复经前抚臣明 檄行两司，飭提人证来省严审去后。兹据布政使缪其吉调任按察使玉德，督同济南府知府史传远、兖州府同知张方理审讯明确，按拟详解前来。臣亲加覆讯。据东野崇轿供称，

元圣庙内额设祀生二十名，遇有缺出，于本省同宗内遴选补充，报明衍圣公咨部请照，并不捐充，亦无设有书办。伊仅有家人杨子发、孔伯仲、李鹏宗三名，杨于法因四十四年间盗用铃记，私捐祀生，经直隶清河县查出究审，发遣新疆。四十六年间，有德州人吴子千、王士清到曲阜游庙，送伊山绸四匹。又兰山等县郭遵儒、郭廷勋、沈莪、郭典、姬衍道至庙祭祀，因叙明系出姬姓，送给吴子千等祀生执照七张，并未得银。四十七年间，因家道贫难，起意私捐，旋有曲阜县孔万和揽捐邹平县周馆一名，又李明斋揽捐淄川县韩球修等八名，张国桢揽捐禹城县田树等三名，李道周揽捐沾化县柴其芹等六名，王惟岳揽捐沾化县王士清等八名，耿天畅揽捐阳信县刘通志等六名，李步堂揽捐阳信县韩立元等五名，杨景山揽捐郯城县高淑远等四名，陈伯常揽捐文登县孙文正等十二名，桑育万揽捐乐安县许永和等四名，隋毓奇揽捐乐安县张思义等六名。又章邱等州县潘廷士等六十二名，自往曲阜县捐充，并无揽捐之人。以上捐

过祀生一百二十五名，每名银八两至十两五钱不等，俱系家人孔伯仲经手。惟沾化等县王锦章、宋景升、王元灏、孟衍孔等四名，系家人李鹏宗经手交银，伊每名得银五两，共得银六百二十五两。其余银两，均系揽捐之人及经手家人孔伯仲侵用。迨四十九年秋间，

元圣庙内门墙倒塌，无力修葺。家人李鹏宗言有安徽泾县人翟守煌等情愿捐银修庙，求充祀生。

嗣翟守煌、王丙寅、翟达、王双喜、王燕山，共揽捐管廷耀等四十七名，每名各出银五两、十两不等。计得银三百八十两。又执事官孔君重揽捐王西华等三名，每名银八两，计得银二十四两。两次共得银四百零四两。以三十两备办祭品，余银三百七十四两作为修庙之用。已经委员估勘，俱有账簿可查。此东省查出历次揽捐报捐之情由也。诘以云南祝天祝等捐充年月名数银两，并别省有无报捐之人，据供平日捐充祀生，俱系家人孔伯仲经手，并未向其查询住址，当时不知有云南省捐充祀生，亦未悉别省有无私捐之人。至旧存祀生票板，本有豁免差徭字样，嗣恐捐充之人借此抗差滋事，将旧板销毁，另刻新板，删去豁免字样。遇有索取豁免执照之人，即给与刷存旧照，是以云南祝天祝胡宁同时买照，致有互异，其铃记系用木戳，并非部颁。因旧戳模糊，另刻新戳，以致戳记亦有不同，并无别情等语。查验东省缴到各照，核与所供相符，质之李明斋等，亦据供认得银揽捐各情由不讳。臣恐李明斋等包揽捐充不止此数，及东野崇铎所供，尚有不实不尽，严加究诘。各犯矢口不移，似无遁饰。查律载内外衙门官，有额定员数，而多添设者，当该官吏一人杖一百，每三人加一等，罪止杖一百，徒三年。若受赃计赃，以枉法从重论。又官吏枉法受财者，计赃科断无禄人减一等，各主通算全科。又枉法赃三十五两，杖九十，徒二年半，四十两，杖一百，徒三年，八十两绞

监候各等语。除滇省祝天祝等私捐银两讯无确数，应俟滇省审明查追外，查东野崇铎得受安省管廷耀等捐银四百零四两，虽俱系祭庙修庙使用，并无浮冒侵蚀。而收受东省潘廷士等捐银六百二十五两及山绸四匹，均系入己，自应计赃科断。东野崇铎应照内外衙门官有额定员数而多添设者，当该官吏受赃计赃，以枉法从重论，枉法赃八十两，绞监候，律应拟绞监候。

陈伯常虽非书吏，但揽捐渔利，亦属不法，未便轻纵。该犯揽捐孙文正等十二名私侵银四十一两，应照枉法赃四十两，杖一百，徒三年。无禄人减一等，律应杖九十，徒二年半。李明斋揽捐韩琦修等八名，得银三十六两。应照枉法赃三十五两，杖九十，徒二年半。无禄人减一等，律应杖八十，徒二年。均至配折责摆站，所得银两照追入官。李鹏宗、孔君重等业经安省讯明，分别杖徒枷号完结，毋庸再议。孔伯仲、李尔玉、孔万和、张国楨、杨景山揽捐得银，查明俱已病故，均毋庸议。所有私捐之潘廷士等，俱各州县讯，因不知例禁，冒昧捐充，迨见出示晓谕，即行首明缴照，应请免议，并免提质。揽捐之李道周、王维岳、耿天铎、李步堂、桑育万、隋毓奇、饬缉获日另结，照票板片据称烧毁无存，请免查起缴到，各照案结销毁。再查圣贤后裔，于世袭五经博士而外，复设奉祀生，以为林庙执事，乃

皇上崇儒重道之至意。乃革职博士东野崇铎不思感戴天恩，恪供职守，转借祀生名色滥捐渔利，实属不成事体。臣已移会衍圣公，令其于先圣先贤各庙将例无捐充祀生之处，一体张贴告示，明白

晓谕，俾众共知，以绝弊端。所有东野崇铎滥捐一案，审明定拟缘由，臣谨恭摺具奏，并另缮供单，进呈

御览。伏乞

皇上睿鉴

敕部核覆施行。 谨

奏

门（问）。据李明斋供。小的是曲阜县人，今年六十三岁，向卖笔砚生理，合东野崇轿家人孔伯仲相好，平日知道

元圣周公庙奉祀生，外县人也好捐充。乾隆四十八年上，小的到淄川县贩砚发卖，合（和）王思泰说起，王思太情愿捐充。同韩球修、韩在乾、韩邃修、韩密修、韩黉修、高畅宠、韩在励共是八人，都托小的代捐。讲定每名出银十两五钱。当（时）交小的银二十四两，小的转交孔伯仲。合（和）他说明每名五两，孔伯仲应允，发给八张执照，小的交给王思太们查收。王思太们又找出六十两银子，小的找给孔伯仲十六两，又另送他八两谢礼。下剩三十六两，小的自己用了。此外并没包揽及侵用银两的事是实。

问。据陈伯常供，小的是胶州人，今年五十六岁，向贩山绸生理，合东野崇轿家人孔伯仲认识。乾隆四十九年上，小的到文登县去贩山绸，合（和）孙文正讲起

元圣周公庙奉祀生外县人也好捐充的话，孙文正合（和）王湘、刘成吉、王淑文、子昌纬、岳廷献、张其俨、于德馨、张永令、张榛、吴举、林始兴共十二人，都托小的代捐。讲定每名出银九两。当时他们凑给小的五十两银子，下剩的俟照到找给。小的到了曲阜县，合（和）孔伯仲讲定每名五两，先付他五十两。他填给小的十二张执照，小的拿去交给孙文正们查收。找给小

的五十八两银子，又谢小的九两，小的交还孔伯仲十两，又另谢他十六两。其余四十一两，小的花用了。实只揽捐过这一次是实。

问。据李鹏宗供，小的是东野崇轿家人，今年五十一岁，家主只小的合（和）孔伯仲、杨子法三个家人，并没书办。杨子法因乾隆四十四年上私捐祀生，已经充发。四十七年上，家主也私捐祀生，起初都是孔伯仲经手。四十九年夏间，有沾化县王锦章、邹县刘朝玺、文登县宋景升、济宁州孟衍孔先后到曲阜，托小的代捐。小的收王锦章、刘朝玺银各八两，收宋景升银十两，收孟衍孔银六两，每名只交家主五两，小的共得银十二两。又那年秋间，有安徽翟守煌们到

元圣庙游玩，见庙里门墙坍塌。问说为何不修？小的回覆无力修理。他们说庙里奉祀生，如可许外省人充当，他们有些亲友、情愿捐银修理。小的就向家主回明。家主应允，后来翟守煌、王丙寅、翟达、王双喜、王燕山陆续托小的捐过管廷耀们四十七名。每名五两、十两不等。共银三百八十多两。转交家主收受，先后给票四十七张。小的得过程守煌谢银二两，又王丙寅谢银十两，绸二匹。翟达谢银五两，王双喜、王燕山两人谢银五两，共得银二十二两。家主把收的三百多两银子修理庙宇，连办祭品用去，并没入己。后因家主备文移会宣城县学，给捐充各祀生注册。经安徽查出，把小的解去审明，已问成徒罪了。小的实止替安徽翟守煌们揽捐过一次，又替本省王锦章们捐过四名，此外并没揽捐、多得银两的事。那云南人捐充祀生，是孔伯仲经手，小的并不知道是实。

问。据东野崇轿供，参员今年七十三岁，是乾隆二十一年承袭博士的。参员家里向有家人杨子法、

孔伯仲、李鹏宗三名，并没书办。

元圣庙奉祀生额设二十名，向在本省同宗各支拣选可以奉祀的人，先给执照，入庙习礼，俟有缺出，报明 衍圣公咨 部请照。本没捐充祀生的事。四十四年上，家人杨子法瞒着参员刷印执照，私捐祀生，被直隶清河县究出，把杨子法充发，奉文飭将祀生票板销毁。参员因遇捐选祀生时仍要印刷，不曾销毁。四十六年有德州吴子千、王士清来庙游玩，各人送参员山绸二匹，又兰山县郭遵儒、郭廷勋，日照县沈莪、郭典、濮州姬衍道到庙祭祀，参员因他们系出姬姓，都是同宗，给了他们七张执照，准充祀生，并没得银。因祀生有顶带（戴）荣身，人家都是愿充。四十七年参员因家里穷苦，起意私捐。有曲阜县孔万和代捐邹平县周馆一名，又李明斋揽捐淄川县韩球修等八名，又张国桢揽捐禹城县田树、孟汝涇、王松三名，又李道周揽捐沾化县柴其芹、李华殿、孟希方、孟天爵、王怀瑾、刘元龙六名，又王惟岳揽捐沾化县王士清、王诸邠、毛乾、路文光、郭赳、王楷、王振、刘辉八名，又耿天锡揽捐阳信县刘通志、刘永清、苏凤翥、张文耀、刘云峰、张进六名，又李步堂揽捐阳信县韩立元、韩体元、王文章、张伟、韩立亭五名，又杨景山揽捐郯城县高淑远、高栏、王世经、陆文秀四名，又陈伯常揽捐文登县孙文正等十二名，又桑育万揽捐乐安县许永和、李光前、许本、许永芳四名，又隋毓奇揽捐乐安县张思义、逯澹、李世忠、李文彬、李鸿儒、丁伟烈六名，又章邱等县潘廷士、王聿僭、王希浚、王希濂、王允瀚、郭有桂、刘永锡、蒋凤徵、刘恭、张瓚、李成美、邵柱、孟宗赤、孟宗周、孙证、周崇贤、王和年、李钟文、贾湄、王勤年、张光照、王立业、孟芥、王振基、韩汝华、高之振、刘起昌、吴口、张克忠、李大从、李思俭、李彦、张炯、

刘景武、司秉德、侯维云、马浮、谷世旺、王思恭、赵振声、赵兴成、郭云杰、姚继先、臧集美、殷占魁、张枚、张盛江、赵梦霖、王元灏、禄（逯）安、王懋德、岳松书、任祖武、任钦明、王兆鯤、陈萧、陈谋、邵永武们五十八名，各自捐充，并没揽捐的人。以上捐过祀生，都是孔伯仲经手交银。只有沾化县王锦章，邹县刘朝玺，文登县宋景升，济宁州孟衍孔四名是李鹏宗经手交银。共捐过一百二十五名，参员每名得银五两，共得银六百二十五两。这捐的都是本省人，外省本没私捐。因四十九年七月里

元圣庙成德门及西北围墙被雨冲塌，参员无力修葺，后来李鹏宗向参员说，安徽人翟守煌、王双喜们情愿捐银修庙，求充祀生，参员应允。李鹏宗陆续交给参员三百八十两银子。又孔君重给参员银二十四两，说是安徽人翟守煌们代人捐充祀生的。参员先后给过李鹏宗、孔君重五十张执照。共得银四百零四两内。三十两置办祭品，下剩三百七十四两修庙使用。蒙委员勘估工程，值银四百多两。那不足的银是参员本支内东野衍增们凑出完工的。这捐过祀生姓名、银数本来记不清楚，今蒙查出审问，参员想起都是有的。再云南人栗宗文、祝天颀们合（和）参员并未见过，他们捐充祀生年月银两各数，参员都不记得。平日捐充祀生，都是孔伯仲经手。当时据着孔伯仲说，有人捐充，就给他执照，并不知是云南人。也不知此外各省有无私捐之人。至曲阜北关开饭店的李四，即李尔玉，从前常在参员家走动，云南祝姓捐充祀生，想是李尔玉转托孔伯仲的。那祀生票板是家里旧存，原有豁免差徭字样，到四十九年因捐充人多了，怕他们借此抗差闹事，就把旧板销毁，另刻一块，去了免差字样。后来有人仍要免差执照，参员回说没有。孔伯仲说，他见放执照的地方还有刷存旧照在那里，又找出几张来

发给的。如今云南查出同时给的执照互异，这是发给刷存旧照的缘故。所用戳记是自己刻的木戳，并非奉部颁发。因旧的模糊，另刻新戳使用，故此有新旧的。至向来捐充祀生，都没移学注册，只因安徽翟守煌们说，不给文书怕本处地方官没有凭据，参员终备文移会宣城县学的。五十年五月里被宣城查出事发，参员就把执照票板烧毁了。参员家内现在并没姓扬的家人是实。

咨山东等处藩司为移送违例允袭翰博罚俸银两解批事

〔元圣周公后裔世袭翰博东野崇轿揽捐祀生枉法婪赃革职治罪（三）
（〇三九八）之七〕

袭封衍圣公加二级纪录一次孔 为遵

旨等事。乾隆五十五年七月二十九日准

贵司咨开。本年七月十六日蒙

巡抚部院案验。本年七月十一日准

户部咨，山东司案呈。乾隆五十五年四月二十八日准吏部咨称。衍圣公将未服满之人率请承袭博士，殊属违例议处一案，抄单知照前来。应将单开衍圣公罚俸之处，抄单行文山东巡抚遵照办理可也。等因。咨院行司。蒙此，拟合移咨查照应完数目移司，转请咨部。等因到本爵府。准此，查前项罚俸九个月之处，例应缴银五百二十五两，今出具解批一张，委员咨送。为此，合咨

贵司。颇为查照。请于乾隆五十七年执事官俸银项内抵扣五百二十五两。希即详咨结案，赐

覆施行。須至咨者。

计咨送

解批一张，扣解九个月俸银五百二十五两

右

咨

山东等处承宣布政使司

乾隆五十七年二月十八日

二十日发

札东明县为元圣后裔例应优免差徭事

〔清朝时期元圣周公后裔请优免差徭（一五三〇）之四〕

袭封衍圣公府为移会事。本月初八日据世袭翰博云云，等情到本爵府。据此查元圣后裔，凡遇地杂泛差徭向例优免。兹据前情，拟合移会。为此札付贵县。烦为查照文内事理，希将此项谷石照例豁免，以示优异。实为德便，须至札付者。

右札付直隶东明县准此

嘉庆八年五月十二日

圣公府 行

东明县申为派办大差车辆请飭周公后裔守法事

〔清朝时期元圣周公后裔请优免差徭（一五三〇）之七〕

直隶大名府东明县为恳恩移会事。蒙

袭封衍圣公府 札付内开。据 元圣裔世袭翰林院五经博士东野绪洵申前事，声称。七月二十七日报族人周新元、周博雅等禀前事，禀称。切族等寄居东明县柳元里六甲塔冈寺。人丁无多，地亩有限，蒙公府于上年移会本府本县，所有差徭概行优免，有案可稽。詎意本月间地方何永贵、报长王永春扳族等出车一辆。为此具禀恳祈移会等情。据此案查周新元、周博雅等前因差徭具禀前来，叠蒙恩慈移会该府县，曾准优免在案。今地方报长又行扳扰，合无仰 恳备文移会，实为德便。等情到本爵府。据此，查

圣贤后裔仰荷

国恩，凡遇杂泛差徭，皆得避免，以示优异。前据呈请前来，业经备文送册移会在案。兹复据呈前情，拟合移会。为此，札付贵县。烦为查照先今来文事理，希即援例优恤，转谕该地保等，嗣后不得扳扰，以示加惠至意。足徵

维持，实为德便。仍希见覆施行。须札付者。等因到县。蒙此，遵查^卑县应辨一切差务，凡绅衿书役人等，以及

先圣 先贤后裔，如遇杂项差徭，向来一概免其派办。若系

大差车马夫役，无论绅衿书役，以及

圣贤后裔，俱与齐民一体恭办。历久相沿，并无歧异。今蒙札示，

圣贤后裔凡遇地方差徭，皆得邀免，自当如此办理。若遇有大差事件，则须与绅衿齐民一律恭办，不能稍有违误。前因办理

大差车马差役，传唤周新元等坚抗不到，正欲申请

公府，飭查究办，乃周新元等复扳扰之情具禀。兹蒙札付前因，除传谕该地方遵照外，拟合具文申请

衍圣公府，飭令照旧遵办，毋致遇差违误。再周新元等既居寄东明，且在柳元里六甲行粮，

前次票传系为地方公事，乃竟抗违不到，实属藐视。并请

公府传谕周新元等奉公守法，勿再执拗，致干未便，施行。须至申者。

右 申

袭封衍圣公府

嘉庆九年十月初六日知县张裕太恩恩移会事

世袭翰博东野隆祁申为公恳移会准族人复归元圣社行粮优免事

〔清朝时期元圣周公后裔请优免差徭（一五三〇）之十二〕

世袭翰林院五经博士东野隆祁为公恳援例优免事。本月初十日据职族人监生周士麟、附生周廷荣等稟称。切族等世居汶上县城北周家庄，自族等十八世祖前明洪武年间山西道御史周福兴木本水源之思，于本县卜地创修元圣祖庙，春秋致祭，以酬祖德，而洽族姓。蒙本县县主念元圣后裔，于姬周等姓设立元圣社。族等在社行粮优免，现有乾隆年间本社印契及户北房徵册可凭。嗣因家贫，卖出田产，出离本社，至今岁正节祭祖庙，合族会议，虽同一脉，散居四乡。现又续买田产，仍乞归入本社行粮优免。为此公恳转移本县等情。据此，查圣贤后裔例准优免，今职族人监生周士麟、附生周廷荣稟请入社行粮，与例相符。理合申请

爵宪大人恩准移会优免施行。须至申者。

计申送周氏花户清册二本

右 申

袭封衍圣公府

道光七年二月

日申

代翰博东野隆祉申为请移邹县复兴张庄集以供祀典

〔圣贤后裔世袭翰博等稟请维护原有集市征税权益（四八六四）之十一〕

代理翰林院五经博士东野隆祉 为公举旧集恩恩移会以供祀典事。窃职于本年六月十八日据监生石允恭、地方彭惟五、乡耆黄广才、佃户张志海、高学起、高兴美等稟称。窃有邹县罗头社张庄村坐落元圣庙祀田地方，原系山窝小集，买卖甚微，不能颁帖。向例每年挪卜（邦补）田黄集京钱六千文。因道光十二年大束集与田黄集争此挪卜（邦补），致成讼端，而此集故废。生等思村庄有集，原关一方风脉，至今如此。欲整理之，恐起争端，袖手旁观，又恐废弛。生等公议，此集既在祀田地方，相应为元圣庙义集，情愿将每年所获，供奉祀典。此集若能复兴，庶几上可急功于

庙廷，下而有便于村民。为此公恳等情。据此，查张庄小集虽坐祀田地方，实属邹县治下，可否归作

元圣庙义集。理合申请

爵宪大人，转移邹县，出示晓谕，以俾旧集复兴，以维祀典。实为德便。须至申者。

右 申

袭封衍圣公府

道光十七年七月二十一日

移邹县为因东野氏申称公息复兴张庄集希查明晓谕

〔圣贤后裔世袭翰博等稟请维护原有集市征税权益（四八六四）之十三〕

袭封衍圣公府为移会核办事。本年七月二十二日据代理翰林院五经博士东野隆祉申称，云云等情。据此，查

元圣庙祀田地内有张庄小集。前因争讼，以致废弛。今该监生等公息复兴旧集前来，每岁擗卜（邦补）祭费若干，似无不合。兹据前情，拟合移会核办。为此备移贵县。烦为查照文内事理，希即查明张庄小集是否可以复兴，出示晓谕，以便乡民而维祀典。实为公便。须至移者。

右 移

邹 县

道光十七年七月二十五日

邹县移覆为检查张庄集抚宪飭禁在案未便仍立集市事

〔圣贤后裔世袭翰博等稟请维护原有集市征税权益（四八六四）之十二〕

邹县为移覆事。准

贵爵府移开，据翰林院五经博士东野隆祉申称。蒙〔据〕监生石允恭等稟称。窃有邹县罗头社张庄村，坐落

元圣庙祀田地方。因道光十二年大束集与田黄集争此挪卜（邦补），致成讼端，而此集故废。生等公议，此集既在祀田地方，相应为

元圣庙义集，将每年所获，供奉祀典，为此公息等情。据此，查张庄集虽坐落祀田地方，实属邹县，可否归作元圣庙义集。理合申请转移邹县出示晓谕旧集复兴等情。据此，查祀田地内有张庄小集，因争讼废弛，今该生等公息复兴，每岁挪卜（邦补）祭费，似无不合。兹据前情，拟合移会，希即查明张庄小集是否可以复兴，出示晓谕，以维祀典，等因。准此，敝县随即检查张庄集系前经革生冯孝宜争讼京控案内，业蒙

抚宪讯明飭禁在案，自应遵照。未便仍立集市，致滋事端。兹准前因，拟合备文移覆。为此

合移

貴爵府。請煩查照施行。須至移者。

右 移

衍聖公府

道光十七年八月初二日移

世袭翰博东野茂嵩申为请移文汶上县查案优免族人差徭事

〔清朝时期元圣周公后裔请优免差徭（一五三〇）之二十二〕

世袭翰林院五经博士东野茂嵩为申请移会事。窃职于本月十八日据职族人增生姬隆堂等稟称。族人祖居汶上县，于康熙二十三年蒙

恩优免差徭。凡汶上县姬姓一族设立 元圣社，奉有

部文在案，与孔氏圣泽社一体优免。又于道光二十二年蒙 本县顾天出示晓諭，优免杂派以及兵差一切差徭，现有碑文可志。族等恐日久弊生，或有摊派等事，不得不稟明。恳乞申请 衍圣公府移会汶上县查案，与圣泽一体，永免差徭，则感戴无既矣，等情。据此，职查族人姬隆堂等祖居汶邑，奉 部文旧有 元圣社一百余年，优免一切差徭，恐日久弊生，或有摊派兵差等事，理合申请

宫保爵宪大人恩准移会汶上县存案，施行。

右 申

太子太保袭封衍圣公府

咸丰六年三月 日申

世袭翰博东野茂嵩申为准移开释抱呈工人以免讼累事

〔同治光绪年间处理元圣周公后裔讼案（三六七八）之六〕

申文

世袭翰林院五经博士东野茂嵩为申请移会事。切于本月初一日据职族人恩生姬克温禀称。切咸丰十一年族叔姬敬止领团御贼，在仲堤圈被本地土匪伤命，又伤死团丁二十八人，是族即行稟案，及十一月，幸

王师下剿，族遂访明捻首郭冷、王狼等俱随大捻南窜，以为匪死他乡，埋冤未伸。延至同治三年，匪又南回，被团中缉获。凶匪郭冷送案，蒙其前任县主汤天讯明正法。忽于今岁闻知凶匪王狼隐匿亳州境内，被族会同补役办获送案。当蒙 县主堂讯，土匪王狼供认原与郭冷为匪情实。现已严押在案。族因叔冤情切，复呈催审族之抱呈工人亦行管押。伏思凶匪业已被获，埋冤申者有期。为此稟明，伏乞转详衍圣公府移县提讯开释 工人蓝成安，以免讼累等情。据此，查职族人恩生姬克温选补

元圣周公庙奉祀生以来，每逢春秋祀典，供奉无缺，理合申请。伏乞

爵宪大人恩准，移会曹县查案提讯开释工人，以免讼累，施行。须至申者。

右 申

袭封衍圣公府

同治八年五月 日申

东抚咨为民埝河工非比差徭贤裔周姓毋得抗延事

〔清朝时期元圣周公后裔请优免差徭（一五三〇）之四十四〕

头品顶戴兵部侍郎兼都察院右副都御史巡抚山东等处地方督理营田兼提督衔节制全省军务兼理盐政□□□□□□□□世袭云骑尉□勇巴图鲁张 为咨会事。案据肥城县知县金猷大禀称。窃卑县李家营、付家岸等处应修石坝民埝各工，前经稟蒙函会督办崔镇宪亲诣河干周履勘验，稟请赏发石料津贴，以资修理。仰见体恤民隐，无微不至，下怀莫名感佩。遵即签差赶将津贴银两赴局请领，发交首事社长郝道成承领，购买石方，督同各庄长调集民夫，迅即兴工在案。查付家岸等庄，近临黄河，地处险要，应修坝埝。一切做工加土，工程浩大，该庄等利害均沾，自应按地出夫，通力合作，以昭公允。此项仰蒙恩优加体恤，无不感颂大德，踊跃从事。惟其中有周家庄一庄，多系周姓田地，因系

元圣后裔，意存观望。伏查本年正月二十九日曾奉札飭，以据署巨野县许令廷瑞稟请挑修淤水河道，无论四氏屯户军民人等，凡有县境附近河干置有田地，遇此河工，自己保卫农田，均不得以差徭目之，悉照公议出夫工作，仰蒙批准通飭遵照在案。今卑县周家庄附近黄河应

修坝埝，原为各保家身，共免水患之要举，与挑修河道事同一律。且黄河为害更大，此项埝工尤关紧要。往年岁修该庄均摊工有案，今竟以差徭借口，希图推诿，以致众论不服。况现奉委员分赴各属，查办水利，无一不出自民力。四氏后裔到处皆有，倘一县邀免，他处更有所借口。设若纷纷效尤办理，益形棘手。卑职再四筹思，惟有仰恳俯准查照巨野定章，无论四氏屯户军民人等，遇有挑修河道，修理坝埝，此系各保身家之事，悉照公议出夫工作，免其再生观望之处。是否有当，理合稟请鉴核批示祇遵。等情到本部院。据此，除批据稟已悉，查民间摊修坝埝，原为预防水患，各自保卫身家，并非差徭可比，该民既系

元圣后裔，考诸周礼遗训，更当洞明大义，踊跃争先。须知河工兴废，利害均沾，无论四氏屯户军民人等，总当一律按亩出夫，通力合作。倘敢借辞推诿，即行传案讯究，以儆效尤。仰即遵照办理，并候咨会

衍圣公知照缴等因，印发外，相应咨会。为此合咨
贵爵府。请烦查照施行。须至咨者。

右 咨

袭封衍圣公府

光緒二十四年四月二十六日

奉祀生姬隆余等为地保违例苛派请移文彻究事

〔清朝时期元圣周公后裔请优免差徭（一五三〇）之四十五〕

具禀奉祀生姬隆余
姬隆昌 民人姬茂苓
姬庆章 等均住肥城县

为违例灭 圣架祸后裔恳 恩移文到县以凭传案彻究永免差徭事。窃生等姬姓，皆系 元圣 后裔，蒙

皇恩，凡一切货夫杂差尽行豁免， 恩例昭昭，历有年所。且康熙年间，曾蒙 爵府札文到县， 永免差徭，

文庙内立有碑记为凭。自后凡每完粮银一两，应出差钱八百文，亦即准予优免。但念地保遇有公事由城往返，难免稍有花费，生等公议，历年分春、秋二季按户大小各自遂（随）便赏给粮粒，以资费用，由来已久。兹有地保葛建文，因生族永免差徭，不能苛敛，挟恨在心，凡事妄行加亏。因此去冬伊与生族孙姬庆余挟嫌成讼。迨今岁二月蒙票差传之下，伊徒生奸计，暗自托人贖处息内竟注凡姬姓应完粮银一两者，须外拿差钱一千文，不惟不准豁免，反较之从前更加二百之多。其贖脱作弊，图财陷害，情理何堪。但息结后，生等始行闻知。伏思前

既蒙 恩永免差徭，立有碑志，后竟擅改定章，加添钱文。非蒙移文到县查卷彻究，不但生等姬姓受害无底，且觉大有忝于先圣在上之灵。为此具稟，叩乞

仁明公爷恩准，移文肥城县，以凭传案彻究，永免差徭，施行。

光緒二十六年四月 日

衍圣公 批

具稟已悉。仰候文移肥城县核办。六月十七日

四、颜氏

邹县移颜翰博为生员李子谦何年投充请造册移县事

〔邹县刘盛等姓生员求脱孟庙户籍与孟翰博结讼经过（三）（五二六八）之三〕

兖州府邹县为土官悖

旨私增庙丁剥害生民事。据生员李子谦呈前事呈称，全云等情，据此合移

贵院。烦查移文内事理，希将敝县人民李姓应充 复圣庙户，在于何年投充，抑系 钦拨，或奉何明文，因为历世按丁输纳丁艮，祈将碑文实据迅速清册移送过县，以凭转报。幸勿迟滞施行。须至移文者。

一 移

世袭翰林院五经博士颜

雍正六年十一月初九日

前事

正堂加一级张行

户人盛者行等稟为赴孟庙洒扫请免杂徭事

〔邹县刘盛等姓生员求脱孟庙户籍与孟翰博诉讼经过（三）（五二六八）之五〕

石里口盛家柚村盛者行等

稟为恪遵 宪批公议供役事。切盛姓一户盛更化前蒙 院批，嗣后洒扫之役应全，现在各户自行轮流派人承值，将封贴名色尽行革除，以免扰累，以光祀典可也。身等遵即公议本户盛朝河赴庙供役，以光祀典。至于盛守志原系绝支，并无承嗣之人，叩乞仁明老爷恩准施行

计开公议

盛朝河

雍正九年十月二十四日

盛朝栋
盛永海
盛之贞
盛者行
盛者茂
盛者让
盛者荣

公议人

盛朝栋
盛永海
盛之贞
盛者行
盛者茂
盛者让
盛者荣

已经详

究批定之案，若复滋讼，罪有所归。况尔盛姓在庙户中最多，应赴翰博稟明，不得违抗渎稟。

孟兴镐手本为有司擅派佃户孟肇岐牛车恳准免催事附优免碑文一纸

〔乾隆年间处理亚圣孟子后裔讼案(三)(三六九四)之二〕

兑三保举人孟兴镐手本

为恳恩优免事。切有举人孟兴镐于去年以叩恳优免，具禀案下。蒙批，果属圣贤后裔，准予优免可也。于今岁正月间，又蒙仁台宏恩准移优免勒碑，俾亚圣后裔均沾雨露。不意采办牛车，将身所佃承粮名字孟肇岐即孟兴任差催牛车。身不得不再为恳恩，叩乞

正堂仁明老父师恩准免催施行。

乾隆三十四年十月初七日

批。据呈孟肇岐即孟兴任，既系该绅佃户，与

亚圣嫡裔远甚，何能妄冀优免也。不准。

圣天子重道崇儒，軫念 先圣先贤隆礼有加，优恤圣贤子孙，恩赐特殊。自定鼎以来， 顺治十三年 户部行文通飭，凡孔、孟、颜、曾四氏后裔一切杂项差徭，俱行蠲免。 康熙二十三年 户

部行文转饬，仍照 顺治十三年旧例优免。再行六府一体出具遵依报部。乾隆五年抚宪硕行文，凡黄河料物等差，照例蠲免。乾隆二十年孔传是呈请 抚宪郭批，四氏后裔自应优免，仰布政司查明旧例，定义详报。业经布政司查明详准照例优免。窃按四氏优免之例，上奉 恩诏，又蒙部台宪台屡加申饬，恩至渥也。滕邑旧有上宫书院春秋禋祀，故我孟氏自顺治八年始自邹迁滕，以奉豆笾。至今虽百有余岁，而世系可考，均系亚圣嫡裔。兹有奉祀生孟兴群等呈请宗子行文滕邑，援例优免。蒙邑侯陈公上体崇重之至意，优恤圣贤之子孙，准移优免，俾亚圣苗裔与孔、颜、曾得以均沾恩例，奕禩而后沐皇仁者，孰不感邑侯之德泽于无既也。敬勒碑石，以志不朽。

世袭翰林院五经博士孟刊

文 铎 安 友 泃 敬 龙 善 法 柱
 绅 伦 显 纯 敬 清 瑞

乾隆三十四年五月谷旦

滕县亚圣裔孟尚烈

彩衍讲兴群

毓中传英

炼中颀华

伟万

经修

锺传

彦

绍

耀

执

耀

泗

文

会

松

荣

佩

任

春

义

柱

舜

直隶保定府新城县详请居住史家镇孟姓一族分别优异差徭详册

〔清朝时期亚圣孟子后裔请优免差徭（一）（一五三七）之十一〕

直隶保定府新城县为恳恩援例优免以广

皇仁事。嘉庆三年九月初六日蒙

袭封衍圣公府札付内开，本年五月十六日据增生孟师德呈前事，呈称，切生一支自前明永乐三年由邹县付村生祖得宽迁居直隶新城县史家镇，有碑记谱牒可凭。本年仲春恭逢

皇上临雍，生堂弟孟师琦业经选入

圣庙观礼，叨

恩赐监。伏查圣贤后裔散居各处，俱蒙循例优免，立石以存永久。即如河南陈州淮宁县曾氏一族，

归德府夏邑县卜氏一族，又顺天府属固安县霸州与新城接壤孔氏一族，俱蒙大宗主优异，等

情到本爵府。据此，当经批查去后，旋据世袭翰林院五经博士孟传榘申覆，职遵批确查族人

增生孟师德实系

亚圣嫡裔。自前明永乐年间，由邹北迁直隶新城居住。拟合具文申覆，伏乞转移前来。查增生孟

师德一支，既据该博士查明，实系

亚圣嫡裔，迁隶贵治。兹据前情，拟合移知。为此，札付贵县，烦为查照优异，实为公便，须至札付者。等因到县。蒙此，遵查卑县史家镇居住孟姓一族，向俱随办民差，历来从无异议。

嗣于嘉庆三年三月二十五日准 世袭翰林院五经博士孟 移开，据寄居贵治敝族孟师德、武举孟锋等呈称，窃生等一支自山东邹县迁居直隶新城县，有谱牒可验。本年仲春恭逢

皇上临雍讲学，

钦召各氏后裔入庙观光，仰承宗主垂念一本呈送观礼，邀沐

恩纶，已深感激。但查山东各氏后裔，除地亩正供之外，凡杂泛差徭概蒙蠲免，而生虽迁居新邑，

原系

亚圣苗裔，似应一体仰沐 恩例。为此呈请移请县主 援例优免，感戴无既矣。等情。据此，查山

东各氏后裔优免，于乾隆二十年蒙前

抚部院郭 遵照前奉

部文，通行山东勒石，以彰

皇仁，查照历奉

大部明文通飭各在案。今孟师德等居住贵治，实系

亚圣苗裔，由山东迁居，确有谱系可查，其呈请优免，于东省例案相符。拟合据情移会。为此恳 祈贵县，请烦查照文内事理，可否将孟师德等仿照东省之例，俯赐蠲免杂差，伏冀鉴核示遵。

望速施行，等因到县。卑职因查山东各氏苗裔，均系

先^圣之后，在籍居住，世守庐墓，恪遵先训，耕读传家，自与齐民有别。蠲免差徭，原所以遵崇

贤而优恤其后也。其迁居各省者，虽系

贤^圣后裔，既已经去其乡，弃故土如敝屣，随处入籍，自应随处办差，难与东省之各氏后裔一例并论。且直隶为

畿辅首善之区，差务络绎，甲于他省，而县属寄居孔、孟二姓人等甚多，均系数世于兹，因与东省原籍苗裔不同，向俱随众办差，由来已久。若皆纷纷请免，则别姓闻风效尤，不特差务掣肘，且恐冒姓影射，致生弊端，更非慎重差务之道。所有孟师德等数十户，自应照旧办差，未便蠲免。当经卑职具文移覆在案。兹蒙圣公檄飭优异，卑职遵覆细加确核。孟师德等一族自先明永乐年间迁居卑县，随办民差，已数百年于兹，原未便更张。但查县属有孔家码头村居住孔姓一族，内有举监生员，读书守训，向不等诸齐民，遇有

皇差、兵差、捕蝗、河工等差，仍一例办理，其余一切杂泛差徭，概予优免。其有肩挑负贩耕作营生者，虽系孔姓，向俱随办民差，历久遵循在案。今史家镇居住之孟师德等一族，既系亚圣后裔，与孔家码头居住之孔姓事一例，自应一体分别优异，以昭平允。所有孟师德等族内有举监生员不失

先训者，除

皇差、兵差、捕蝗、河工等差仍行办理外，其余一切杂泛差徭，概予优免。其有肩挑负贩耕作营生者，虽系孟姓，仍一体随办民差，以示区别。缘奉札付事理，拟合将遵奉分别优异缘由，

具文详请

衍圣公府立案，俯赐批示下县，以便永远遵行。为此，备由具呈，伏乞照详施行

嘉庆五年闰四月十七日知县胡永湛

恳恩等事

押

世袭翰博孟申为开州孟裔请免半差并报支谱未领事

〔清朝时期亚圣孟子后裔请优免差徭（一）（一五三七）之二十一〕

世袭翰林院五经博士孟 为遵飭详核申覆事。案蒙钧札内开，以寄居直隶开州之职族流寓族人孟广川呈恳咨会转飭免差一案，飭即查明孟广川是否贤裔，果否修有谱牒，有无弊混，据实详覆，以凭核办。等因。蒙此，遵查孟广川于道光三年来邹呈恳优免差徭，经职查明，实系职族流寓宗支，当经移会开州，援例优免。继因该本籍牌民以躲差指扳控，经委审拟以果无冒滥，减免杂泛差徭之半，详奉批飭移查，嗣准开州抄粘原详，看语移查，有无冒滥前来，复经职以孟广川实系流寓宗支，并无冒滥情弊，切实移覆在案。此历办之原委也。兹奉前因，查孟广川实系职族流寓宗支，是以前经据呈移会该原籍援例优免。惟是直省为

畿辅重地，差繁甲于天下，流寓族人虽世次井然，究与东省世列儒籍者有间。既经上控委审有司拟定详明减差一半，足徵直省有司於以差代赋之区曲加体恤贤裔，洵足以示区别而昭公允。若泥于东省成案，遽议全免，窃恐与直省原审详案不符，有司得以借口窒碍难行，牌民扳控不休，转非所以仰体邻省上宪体恤贤裔之初心也。所有遵飭详查拟议按照该原籍有司详定减

差一半之处，理合据实申覆。再孟广川之本支流寓支谱，前已按系纂修，尚未具领回籍，合并
声明。为此，备由具申。伏乞

大宗主鉴核示遵。须至申者。

右 申

袭封衍圣公府

道光五年四月十三日 申

押

监生孟毓兰呈为快役朦官勒索运漕车价事

〔清朝时期亚圣孟子后裔请优免差徭（二）（一五三八）之一〕

具呈监生孟毓兰寄居莘县

呈为恳恩移会优免杂派差徭事。切查顺治十三年、康熙口十二年两蒙

户部咨行山东巡抚大人，凡圣贤后裔一切杂派差徭概行蠲免，转行飭知遵照在案。生实系亚圣后裔，旧谱新谱于去年呈验，存于县署。詎料是年运漕明知生在优免之例，快役孙成章朦官破例劲索去京钱八千，诡托车价。似此违例乱派，情实难千（廿），不得不据实呈明。叩乞公爷大宗主人恩准移会优免杂差，以维恩例。感戴无既。

道光九年十月十四日

监生孟毓兰呈为书役混派米车请移文优免事

〔清朝时期亚圣孟子后裔请优免差徭（二）（一五三八）之三〕

具呈监生孟毓□□□八岁

为据断再陈恳恩移县优免以维典例事。情因生于十月间以优免等情禀案，业蒙文行县所，生不胜感激，理宜勿渎，但书役孙成章朦弊，声言你完的米理应你送，孔府文书何得遽请蠲免。生思 圣贤后裔自我朝定鼎以来，凡一切杂泛差徭概行蠲免，至于米车均系顾（雇）免，且生邑漕米除耗米之外，复加一五的耗米，以为车价之费。运米之车，原是差役顾（雇）免，于生毫无干涉。今书役混派滋扰，不惟欺生懦弱，是视 恩例明文直如故纸。无奈再恳恩准 飭差奉文到县。庶 圣门典例不氓，而生家米车得免。感戴无既矣。

公爷案下恩准施行。上呈。

道光九年十二月

日

莘县令邹淦禀为运漕米车非比杂差孟廷兰名与谱不符事

〔清朝时期亚圣孟子后裔请优免差徭（二）（一五三八）之四〕

敬禀者。窃卑职羁职阳平，未获仰瞻

光霁，依慕之忱，时萦五内。顷奉

钧函，以监生孟毓兰呈控书役勒派车辆运送漕米难保，无藉端需索情弊，

谕令严查免滋扰累，等因。遵查漕粮为

天庾正供帮船开行紧急，设经误兑，关系匪轻，非杂泛差徭可比。卑县地方偏僻，未有车行，向

用里车装运，水次交兑，例给食米脚价可无赔累，历久循照办理在案。监生孟廷兰前以系

亚圣嫡裔，呈送宗谱，请免差徭。因原名及三代核之宗谱，俱不相符，叠次移查

亚圣宗谱，迄今未复到，是以未经优免。除另开略节呈

电外，拟合禀复

公大人察核。恭请

崇安。敬缴

爵柬，伏惟

钧鉴。卑职淦谨禀

东昌府莘县知县邹淦

监生孟毓兰呈为请札催申复孟廷兰即孟毓兰事

〔清朝时期亚圣孟子后裔请优免差徭（二）（一五三八）之五〕

具呈监生孟毓兰

为具实再陈恳 恩札催移复事。窃凡 先贤后裔除丁地正贡之外，其余一切杂泛差徭概行优免，载在定例。前曾具稟蒙 恩行文到县二次，并未遵例。据县主回复监照列名孟廷兰，修谱刻名毓兰，其名不符，屡次行文赴生宗主处照验，亦未回复。为此，再叩鸿恩札催翰博申复孟廷兰即孟毓兰，内中毫无蒙弊，据情移复县主，自当照例优免。不惟生合族感戴，即 圣祖先天亦所幸耳。

道光十年三月 日

札付莘县为查明孟毓兰改名缘由请准免差事

〔清朝时期亚圣孟子后裔请优免差徭（二）（一五三八）之十三〕

袭封衍圣公府为具详移会照例优免事。案查流寓 贵治亚圣裔监生孟廷兰即孟毓兰呈恳移会优免杂派差徭一案，前经本爵府据情移会在案。

贵县以该生之名与谱载不符，又该生是否系亚圣嫡裔，行查孟氏翰博未准移复，所有孟廷兰派出运漕车辆未即准与优免。复经本爵府札飭孟氏翰博，查得监生孟廷兰是否即系谱载孟毓兰，该监生是否亚圣嫡裔，据实详复，以凭核办去后，兹据孟氏翰博详称云云等情到本爵府。据此，查孟毓兰纳监之时改名廷兰，未于谱内注明，以致混淆。今既据该翰博查明该生改名缘由，并取得该生本支族长房长切实甘结，具详前来，合再移会。为此，札付贵县，烦为查照文内事理，希即鉴核孟廷兰改名缘由，念其系亚圣嫡裔，照例免其一切杂泛差徭，以体

国家优崇 圣贤后裔之意，实为德便。须至札付者。

右札付莘县准此

道光十年闰四月初一日

圣公府

东抚咨为奉谕查明孟翰博欠纳粟米倚势妄为事

〔世袭翰林院五经博士孟广均向胜保大营捐输进攻高唐捻军军糈经过
(六〇四六)之三〕

兵部侍郎兼都察院右副都御史巡抚山东等处地方管理营田兼提督衔节制全省军务兼理盐政罗崇为

恭录咨会事。窃照本部院于咸丰九年七月十五日准

兵部火票递到

军机大臣字寄山东巡抚崇，咸丰九年七月十三日奉

上谕，有人奏翰林院五经博士孟广均于咸丰四年在高唐军营捐输谷米三千石，经保奏请赏戴蓝翎并赏加主事衔，迄今数年之久，尚欠缴谷米八百石。又闻该博士自恃贤裔，与本省官吏交结，徇庇匪徒，干予公事，本族讼案不候官办，私行出票，传人讯断。该省大吏及州县等官碍于情面，置之不理等语。该博士欠缴米谷至八百石之多，并结交官吏倚势营私，如果属实均干功令，著崇按照所参各节确切查明，据实具奏，毋稍徇隐。将此谕令知之。钦此。遵

旨寄信前来等因。承准此，查该博士欠缴粟八百五十石，前据票禀先备五十石，自赴军营交纳，下余八百石，具限五个月补交。经本部院咨准

钦差大臣胜 咨复，令其分运聊城、堂邑两县各四百石，听候拨用。后因日久，未据报解，其前禀先交五十石，胜营曾否收到，当经咨询并严催去后，迄今仍未报解，亦未准

胜帅咨复。现在

钦差大臣胜 督兵南省，或者前项米石已据大营交纳，亦未可知。昨又备文咨询，并行司飭县，一体查明催缴各在案。至于原参该博士结交官吏，倚势妄为，如果属实，尤属不法，亟应查明参办。除行司委员前往查办外，相应恭录咨会。为此，合咨

贵公府。烦请钦遵查照，一体详细访查咨复，核办施行。须至咨者。

右 咨

袭封衍圣公府

咸丰九年七月二十一日

移卫辉府为违例妄扳希飭延津县优免孟氏差徭事

〔光绪年间圣贤后裔暨四氏学生员等请优免差徭（一五二九）之二〕

袭封衍圣公府为据情移会飭县援案优免事。案据河南延津县 亚圣裔耆民孟传智、监生孟继居、生员孟广心、孟广文等禀称云云，等情到本爵。据此，查

先圣、先贤四氏后裔无论流寓何州县，凡一切差徭，概行优免，久经遵行在案。今据该孟氏后裔等所禀，有历代谱牒可凭。团长毋慎修等何得违例妄扳，殊属有违旧章。除禀批示外，相应备文移会。为此合移

贵府。烦为查照，希即檄飭延津县，将孟氏差徭援案优免，以别齐民，而示体恤，实为公便，施行。须至移者。

右 移

河南卫辉府正堂

光绪元年三月二十八日

卫辉府咨为延津孟氏仅派军需车等别无扰累事

〔光绪年间圣贤后裔暨四氏学生员等请优免差徭（一五二九）之三〕

钦加盐运使銜候补道河南卫辉府正堂加十级随带加一级记录二十次李 为
咨复事。光绪元年四月十四日准

贵爵府移开，为据情移会飭县援案优免事，据河南延津县

亚圣裔耆民孟传智、监生孟继居、生员孟广心、孟广文等稟称，为擅改旧章逼办差徭恳恩备文移
府飭县旧章优免以广

皇仁事。切生等自前明由邹迁居河南卫辉府延津县高家寨小布村等庄，有历代谱牒可考。凡遇一
切丁役差徭，概行蠲免，有左前县示纸可验，兼有存卷可查。不料团长毋慎修等捏稟在县，
遂至逼办差徭，言示纸存卷不足为凭。生等伏思既蒙准免，岂有更改之理。其于

圣朝恩例大相背违。为此敬恳备文移府飭县，照旧优免，则感德无既，等情到本爵府。据此，查
先圣、先贤四氏后裔，无论流寓何州县，凡一切差徭概行优免，久经遵行在案。今据该孟氏后裔
等所稟，有历代谱牒可凭，团长毋慎修何得违例妄扳。殊属有违旧章。除稟批示外，相应备

文移会。为此合移贵府，请烦查照，希即檄飭延津县，将孟氏后裔差徭援案优免，以别齐民，而示体恤，实为公便，施行。等因到府。敝府查孟裔得免差徭，乃

国朝崇道右文之典，然曲阜、邹县亦各有一定之额，余与齐民无异，初无尽天下孟姓普及之例。

盖孟氏德姓非自

亚圣一身始，四书所载，如孟子（之）反、孟公绰、孟贲、孟季子，不一而足，应皆有子孙衍居各省，人繁世远，莫可根追。而孟传智等究系

亚圣何派，传流何年，因何事迁居延邑，有无大谱、支谱及三迁志，溯其的实世系，即或曾邀优免，是否详咨奉部核准，不当仅凭县示以废力役之征，转增偏累之讼。其毋慎修等有无捏逼情事，亦宜质明。当飭延津县查办去后，兹据该县查明孟氏别无差徭，惟向支军需车、学使过境车两项。前件系左令故后，其劣丁舞弊，倒填日期出示，故示稿初未判行，应作罢论，等情详复前来。敝府思治天下不外情理两字，如军需、学使等车辆，攸关行军、重文要务，借资民力，四海同然。实为

国家之事，非一州一邑之事也。昔

亚圣对梁惠王曰，未有义而后其君者也。该生等读书明理，要当思

亚圣以道化天下之心，不当借荫以挠天下之政。自应俯如县详办理，除批飭遵照外，理合具文咨复。为此合咨

贵爵府。请烦查照施行。须至咨者。

右咨

袭封衍圣公府孔

光緒元年六月二十四日咨

盛京内务府咨为孟子后裔孟继惠等虽免杂差但应纳正银事

〔清朝时期亚圣孟子后裔请优免差徭（六）（一五四二）之十一〕

盛京总管内务府 为咨复事。 廂（鑲）黄旗牛录处案呈，据苑承銜骠骑校恩照等呈称，于光绪

元年七月二十六日准

袭封衍圣公府咨开，为据情咨请事。 案据

亚圣裔孟继惠等稟称，窃

圣贤后裔历朝定有恩例，除钱粮地亩正供外，凡一切杂派差徭，概行优免，迥与齐民有别，我朝屡禁令，俱有案卷可查。我始祖孟子封为亚圣，复蒙设翰林院

五经博士世袭，与孔、颜、曾特立四氏一学，

皇恩浩荡，有加无已，仰见我

朝崇儒重道之意。情缘身等祖居邹县，至五十九代祖彦举迁居登州府蓬莱县，递传二世六十一代祖弘春、弘义迁居奉天府带路屯，又二世，六十三代祖贞福、贞禄迁居兴京界浹河太子城，又一世，六十四代祖尚忠迁居奉天府辽阳州，遂以为家。 诂内务府廂（鑲）黄旗以为异乡可欺，

奇货可居，累年讹诈勒索钱文，多寡不等，渐久渐深，衍口口例每年派令身族出丁九十六名，每名口纳丁银二两口口口按口口每名纳制钱六十五文稍口口严加追比。自是先贤后裔不惟与齐民有（无）别，反下齐民一等。揆诸

皇上崇儒重道之恩，永付流水矣。似此派扰不堪，理合具禀，叩乞恩准移文援例优免。衔感无既，等情到本爵。据此，查

先圣、先贤四氏后裔一切杂徭，向准优免，历久奉行在案，今孟继惠等寄籍辽阳，究属

亚圣后裔，每年应纳内务府厢（镶）黄旗丁银，自应援照地方差徭之例，咨请查明核准，免其交纳，以示体恤，而别齐民。兹据前情，除批飭候示外，相应备文咨请，为此合咨

贵将军，请烦查明核办，并希见复施行。等因。传抄前来。本旗口据钱粮达张有呈称，身系管下东路钱粮达，所有册载各户人丁俱由星尼贝子门下，原自雍正三年间奉文拨交内务府厢（镶）黄旗代管，当将各户领名册地房间及牲畜器具等项造册，连人一并抄查入官交旗归为代管以来，此项房地亩不准售卖。嗣于雍正五年间复奉

钦差查丈红余，各地并同屯首堡左右邻，指出房产、牲畜各数目，均行注入清册，仍归代管。现有原抄查底册存旗可稽。每丁应交纳正数库银二两七钱及一两七钱不等，此差皆由各户抄产所出，每年依限呈交内库，不以丁力摊派。再每届三年一次比丁，每口出造册行京部费钱六十五文，实系正项差徭，此外毫无添派杂项别差，历经遵行已久，计今约有二百余年，从无异说。兹因身催下壮丁孟继惠等，借以亚圣后裔，请免交纳援照地方杂差等语。伏思孟继惠等与身系一项人丁，所应当纳库款正差银两，按年经身专催，依限汇总呈交内库，实非摊派差

徭，与地方添派杂项之差不同，碍难援照免其交纳。第恐库款亏空，身干罪戾，只得据实声叙，呈请转详驳飭，令其仍照项（向）章纳差，俾库款不致缺乏。伏祈转呈，实为公便，等情。据此，检查旗存底册所载，此项人丁原自雍正三年由星尼门下拨来，五年复经查丈各户红余地亩、房间，入官抄查，归旗代管，以为按年当纳库款正差，核与钱粮达张有所呈，均属实在情形。复查历年呈交库银数目，原有定额，丝毫不准缺少，并造册行京部费钱六十五文，均非与地方浮派杂差可比。若以拘定援免，将来库款势必有亏，所关匪轻。谨将查明确实缘由呈明，拟请将

衍圣公府咨，据孟继惠等稟请援免差徭飭驳，仍令其遵照向章，交纳库款正差银两，不得借此抗违，以昭（昭）慎重，并责成钱粮达张有，仍遵照旧制催办，以重库情。随同本旗佐领丰年呈明

堂宪批准，照所拟飭驳等谕奉此，除责令钱粮达张有遵照旧制催办差徭外，相应备文咨复衍圣公府，转飭

亚圣公府，查照本府飭驳各情，飭令该壮丁孟继惠等，仍遵照向章当纳库款正项差徭，勿稍借以抗违可也。须至咨者。

右 咨

衍圣公府

光緒二年三月初一日

江苏布政使咨为查无亳州孟氏优免差徭成案事

〔清朝时期亚圣孟子后裔请优免差徭（六）（一五四二）之二十五〕

署理漕运总督部堂江苏布政使司谭

咨复事案。准

为

贵府咨请飭查亳州卫户詹会一妄扳孟氏族人启事官孟广爵入卫一案。当查原咨内开，

亚圣后裔避乱迁亳，人无丁役，地无差徭，是地方衙门亦必有案据可稽，户籍可考，等因。即经札飭长淮卫，据实查明详复核办，并行安徽亳州，一体确查具复去后，兹据亳州知州沈庆立申称，遵查前据卑州宋家集牌民孟广爵呈称，伊本孟子裔孙，一切杂泛及军役大小差发，均蒙蠲免。忽有卫户詹会一硬行扳伊入卫，肆意栽诬等情，并据宿州二帮旗丁詹会一呈称，孟广爵即孟广秀，身为卫籍，历历可考，伊之胞伯孟继宣于咸丰元年帮丁祖詹永行修船，其兄广兴，曾帮丁办事。今陡生奸谋，妄意逃卫，各等情。节次互控，当查亳州自遭粤逆陷城，案卷户口册籍均已被焚无存，孟广爵究竟是民是卫，无从稽查。惟上届卫丁编审册籍，系由长淮卫查办，即经批飭，自行赴卫清理在案。至孟氏后裔人无丁役，地无差徭一款，卑州亦

无案据可考。前奉衍圣公府札飭孟氏优免差徭皖省寿州、凤台等县均有勒石之案，等因。随经卑职分别移请抄案复毫照办，兹准寿州、凤台移复检查档案，均无孟氏优免差徭成案，亦经具文申复。

衍圣公府查考各在案。奉札前因，除移知长淮卫查明洋办外，理合具文申复。仰祈鉴核，等情。据此，相应咨复。为此合咨贵爵府，请烦查照施行。须至咨者。

右 咨

衍圣公府

光緒六年八月二十五日

孟广福等稟为县役违例派差抢掠撕毁圣像乞移会提讯事

〔咸丰同治光绪年间处理亚圣孟子后裔讼案（三六九六）之五〕

具稟亚圣裔孟广福孟传玺孟昭雅

为差役借端吓诈抢掠圣像被毁叩恳 恩准移会提讯以伸冤诬而惩蠹役事。窃因广福等孟家堂方一支，前蒙宗官确查，的系 亚圣后裔，业于道光三年移会金乡县出示优免差徭，当有于文庙立有碑石在案。凡有差徭，历蒙前县主并无派办，即自咸丰四、五年来，虽有兵差络绎，皆未蒙派出丁役。且广福等实俱系寒儒，亦委无大车。凡沾 皇仁优待贤裔之典，皆出自圣朝恩例，有加无已。詎于五月间忽有本县差役田以伦、侯明瑞并地方李同居，朦官舞弊，派出大车，以图讹诈。广福等实系愚懦良民，以好言回复遵成例并不敢抗差，不料不遂其欲，竟捏稟人团总孟继藻撕票殴差。至后五月初二日，差役田以伦、侯明瑞并地方李同居竟率领凶徒二百余人，手执枪炮器械，突至孟家堂方，堵门抄辱，大肆抢掠，胆敢〔将〕世家谱内亚圣神像撕毁，糟辱罄家，所有衣物器具并京钱四十余千，全行抢去，并有孟继听腿受枪伤可验。更将孟继藻、孟继听、孟毓朝等十三人不分老幼拿梆（绑）回城。有邻右荆汉屏可证。

更且严押班房，百般逼索，情实难堪。似此蠢役凶横，残暴良懦，不法已极，被冤苦情，莫此为甚。万分情急，曾经奔叩

宗官，据情移会

济宁直隶州州宪。迄今未蒙提讯，叩恳恩准移会，迅赐提讯，以拯水火而恤良懦。焚顶上叩。

同治四年八月 日

示稟批执照各一件涉孟昭豫抗违运送灾民车辆事

〔清朝时期亚圣孟子后裔请优免差徭（六）（一五四二）之十四〕

定兴县告示一纸

为出示晓谕事。照得本县奉 督局宪札飭，遵

旨办理资遣西路保、正、深、奠等处灾民，所有递送车辆，均由绅富烧锅，并有车各户借用本县发给饭食喂养，业经通稟各宪在案。除庆丰号烧锅商户孟昭豫抗不遵办，现已稟请 督局宪派员来定查办，抑或解省审办外，合行出示晓谕。为此，示仰借车辆各绅富烧锅民户，务各遵照，预备齐全，听候牌示日期，分起拉送灾民。毋得临时贻误，致干重咎。各宜凛遵。特示。

戊寅四月二十八日发出

恳求定兴县免差稟稿一纸

具稟 亚圣裔廩膳生孟昭豫

为禀明实系无车马情由非敢抗违事。窃生家严孟文九在治下开设烧锅一座，立字号庆丰号，领有部照，按年纳课，并不欠少，有部照部收可凭。自遵 谕暂行停烧粮囤查封以后，因铺中无事，众伙计各自归家，以求生计，祇与一、二工人看守查封粮囤，以俟分派施行。斯时山东 亚圣府忽来提文催续修支谱，生家严奉本县县 父台移文，于四月十一日赴山东 亚圣府修续支谱。因家寒车马不便，遂将铺中车马装载行李，急赴山东 亚圣府。此铺中实系无车马之情由也。生岂敢抗违哉。况部照内并无分派差徭之条，即生系 绅士，亦属新城之籍，屢蒙优复，久荷

圣恩。唐免赋役，宋免差役，元免军役，明免大小差发，我

大清定鼎之初，顺治元年 谕诏，凡圣门典例，俱应相沿期于优渥，六年，又特 加恩

于 亚圣后裔，人无丁役，地无差徭，凡一切差徭概行蠲免。乾隆、嘉庆年间亦均 谕

优免一切差徭，后同治七年，定兴贵县因兵差拿车控蒙 府道宪札飭贵治，照优免

恩例一律办理，有案可稽。为此叩恳

仁明大老爷，格外鉴原铺中实系无车马之情由，仰遵

国家部照之条，体恤 圣朝优免圣裔之意。

定兴县禀批一纸

批查前禀 宪札遵

旨资遣西路灾民，令即备车护送前进等因。本县当以人数既众，需车较多，既为向来未有之

事，又与供应差使不同。且定邑并无车行，顾（雇）觅非易。是以邀集各绅商富户商酌备用，乃该商辄敢仗恃圣裔，抗不遵办，实属不顾体面。业经稟请督局宪委员查办，着静候 宪示祇遵，毋得渎辩。

抄录户部执照一纸

户部为给照事。咸丰三年七月二十一日 本部具奏裕课恤商酌除私烧之禁，每户发给执照，岁征课银等因。奉

旨准行在案。又于同治元年十二月十八日奏明烧锅税课，着加一倍。每年收银三十二两，自同治二年为始，等因。奉

旨依议。钦此。亦在案。今据商户孟文九呈报，庆丰字号烧锅一铺开设保定府定兴县城内。亲领票照，按年纳课银京二两，平三十二两，如有州县吏胥于额征外勒索并科派差徭等弊，许该商户随时呈告，以凭究办。相应填写执照，付给该商户收执可也。须至执照者。

右执照给孟文九准此

同治十一年八月初六日

部行

孟传文禀为亚圣宗主假造文稿诬骗银两乞准提讯事

〔咸丰、同治、光绪年间处理亚圣孟子后裔讼案（三六九六）之三十三〕

具禀亚圣府执事生孟传文年四十五岁居关东复州城岳社东山距城一百八十里

为诡计诬骗假造文稿叩 恩提讯以惩虚伪事。缘复州自始以来，买卖粮石（食）向无斗税。于光绪五年，复州知州爽良莅任以来，硬立斗税，致万民被累。生虽系东氏后裔，难免此项。于生无奈，于本年春间赴 亚圣府禀明宗主大人孟昭铨案下，求办 圣公府公文一角，移到盛京，飭令复州州主，以免杂差。生宗主允诺，向生要纹银六百两。生当即应允，眼同孟继灿、田九来交付孟昭铨之三子孟宪溍纹银三百两，下欠三百两，许俟来年春间送到 亚圣府。延至六月十七日，有孟继灿及亚圣府家人刘庆福、田九来等三人又向生索要纹银二十两。生当面交付伊等。伊三人均言生宗族主孟宪溍办理公文情实， 圣公府文书已发出多日，着生在邹县等候回文，于八月初三日孟宪溍忽言， 圣公府昨天将盛京回文稿送来，诸事办理妥协，着生回家。生视回文言语不符，恐其不实，即赴 圣公府查问，并无此事。生因移文、回文二稿俱系自造，现有孟继灿并假稿二纸为证。似此诡计诬骗，假造文稿，情实难甘。理合据

实禀明，叩乞

仁明公爷恩准提讯，以惩虚伪施行。

被禀孟宪溇

干证孟继灿，田九来

光緒九年八月初十日

袭封衍圣公府批

查复州抽收粮谷斗税，系属办理练饷之用，早经

盛京军督部堂

奏明有案，今该后裔妄生覬覦，希图优免，本属不安本分。惟据称孟宪溇辄敢捏造文稿，任意作财至三百两之多。如果属实，殊属藐法已极，姑候札飭孟博士查明禀复，再行核夺。文稿二纸附。八月十四日。

东抚咨为东阿县孟兴午等抗出堤工请转飭遵办事

〔光绪年间圣贤后裔暨四氏学生员等请优免差徭（一五二九）之十一〕

兵部侍郎兼都察院右副都御史巡抚山东等处地方督理营田兼提督衔节制全省军务兼理盐政刚勇巴图鲁□□□

移咨事。光绪十年四月十四日，据东阿县知县张养德禀称，窃蒙宪台札飭修筑黄河北岸长堤，并委候补府李守等督办，业将兴工日期会禀在案。查卑县民人颜、孟、卜、高等姓极多，因系

先贤后裔，向有免派差徭之例。现筑堤系按庄出夫，所有颜、卜、高三姓及孟姓居别村者，均情愿照办，惟有孟家村孟兴午、孟玉芹二人执为差徭，从中把持，不许该庄出夫修筑。而众人则谓此乃奉

旨发价，派夫修筑大堤为民人护卫田舍，非出自民资之应官署差徭者可比。且颁发告示内有飭首事按庄出夫，不准私行敛费之文，若伊庄因系

贤裔，即派别庄代办，设遇合县皆系

贤裔，岂能派别县民人代办乎。并查前宪丁

曾飭平原孔氏认挑驮骇河河工，前署宪李，曾飭本县卜、孟二姓认筑堤工有案等语，互相争执，以致不能踊跃从事。卑职当因工程浩大，限期急迫，未便任其借延，即禀商委办堤工李守等，将已经分认工段者，飭其赶紧兴修，以免贻误大局。一面卑职仍劝谕孟兴午等出夫兴工，并告以该族即向免差徭，受

恩深重，兹堤工为县境罕有之事，又不致摊赔钱文，当时事艰难，应即出夫帮办，速成要工，以报

圣朝优待贤裔之

恩，以副

先贤民溺已溺之念。至将来如再有修补之堤工、及别项差徭，仍一概优免等语。再三开导，而孟兴午等坚意不允，但此际正值农忙之时，若竟不令出夫，则不特此段工程无人代办，即已经出夫之颜、孟、卜、高等庄势必效尤退散，众民人亦不免因此延挨，所关实非浅鲜。卑职筹思乏策，焦灼殊深，谨将办理情形禀陈鉴核可否，仰恳批飭，孟兴午等遵照出夫并行孟翰博查照之处，伏候宪裁。等情到本部院。据此，除此（批）查堤系奉

旨修筑，非寻常差徭可比，无论是何绅民，均应一体出夫，孟兴午等何得抗违，且所出之夫，按方给予工价，并非全资民力。颜、卜、高三姓及孟姓之居别村者，既已照办，孟兴午又何得始终把持，致启他人效尤，实属不顾大局。仰即严催赶紧办理。倘再固执不从，定于重咎，等因。印发外，拟合咨会。为此合咨

贵公府。烦清查照，迅速转飭孟兴午出夫修筑，不得借口抗违，致误要工，望切施行。须至咨者。

右咨

袭封衍圣公府

光緒十年四月二十二日

孟府札仰孟昭时为飭其充执事生以勦亚圣庙祀典事

〔咸丰、同治、光绪年间处理亚圣孟子后裔讼案（三六九六）之二十九〕

亚圣裔世袭翰林院五经博士加一级孟 为礼仪事。

恭照

亚圣庙每届春秋丁祭，向设有执事生，以勦祀典，历由本院秉公选充，久经遵办在案。查现当执事乏人，兹选得奉天义州族绅孟昭时，青年俊秀，礼仪娴熟，堪以充膺。合行札飭。为此札飭，为此札仰该执事生前赴

庙庭演习礼仪，恭勦祭祀，□□迟误，致干未便。须至札者。

右札 执事生孟昭时准此

同治十年八月初一日

院 行 限 日 缴 销

孟府札飭阜宁族人为准予纂绪谱牒事

〔光绪年间处理先贤仲子路后裔讼案（三七〇七）之十四〕

钦加三品
顶戴世袭翰林院五经博士加二级纪录三次

孟札为

札飭晓谕事。阜宁族人知悉，兹据该族呈验支谱，恳请修绪前来，详查与本院共祖亚圣十三代嫡孙嘉公，既属一本，自应准与纂绪谱牒，以申

亚 敦睦之义，为查

叙外，合行札知。为此札仰该族等，即便遵照，仰遵

祖训，毋负

圣 国恩，是所厚望也夫凛之。此 札。

大关庄善夫

瓦房庄琴高

对河滩尧农

北沙镇受亭

府

光緒十二年十月初八日

院

孟廟孟府历代賜捐祭田佃廟戶世產例地道光間孟府興造記事碑

欽賜祭田記并載 會典

元泰定五年撥賜祭田三十頃，坐落野店，佃戶三十二戶

明景泰六年增給祭田二十四頃十五畝，坐落蔡莊，廟戶二十五戶

又賜廟宅基一頃三十畝七分五厘，坐落南關，門子五戶

又賜墓田七頃三十一畝四分，坐落四基山、馬鞍山賜捐世產記

明崇禎年魯藩王捐賜祭田七頃二十畝，坐落蔡莊

六十一代高祖弘譽捐絕產二頃八十畝，坐落王屈，世隨宗子朝廟公需

六十三代祖貞仁捐置地九十五畝四分，坐落付村，世隨宗子林墓祭掃

又族人孟貞友捐絕產三十三畝八分，坐落涼水泉，以資滕境^{上宮}書院祀事。

明撥給滕縣例地六頃，坐落薄家畝斗城二十里鋪，坐落涼水泉，^{性善}以資滕境^{上宮}書院祀事。

又撥滕縣糧地四頃六十畝，坐落涼水泉，坐落莊朱社

明萬曆三年欽賜孟府中、下例糧地九十頃，坐落莊朱社

道光二十年三月十二日興造

道光二十年五月十七日落成

儀門一間，大堂、東、西配房七間，共用京錢一千二百四十八千九百五十四文

故孟翰博妻孔氏呈为佃户怀仇放火乞提究事

〔乾隆年间处理亚圣孟子后裔讼案（三）（三六九四）之二十一〕

具呈已故翰林院五经博士孟毓瀚妻孔氏

呈为恳究夤夜放火烧人之巨恶以彰法律事。切蒙

钦赐

亚圣蒸尝祭田地，坐落蔡庄村，拨户人布种，岁收租麦无不干园洁净。氏每年按例征收，一、日即完。岂期近年花户狡猾，六七日尚不能清结。去年尤为更甚。自六月二十日开兑，高麦固有仅十之一、二，糠秕湿潮十有八、九。兼非腰装则尽盖顶。及至验驳，花户愤愤不息，无一厌其数次强纳者。氏随将悍户刘生金、张石梁、赵得宽等各责三、五板不等。詎是夜二更街市喊叫，齐称官柴园麦秸垛有人放火。闾村人飞至运水扑灭。嗣于是月二十六日半夜，楼东群房突又火起，仆妇惊觉喊叫，闾村人至扑灭。屋烧三间。又于九月二十八日归垛佃分秫秸，日暮垛完。半夜秫秸垛火起，村人奔至，正无术可救，麦秸、豆秸各垛 四、五处火起，众见火势猛烈，止救护麦秸垛，各豆秸、垛、秫秸二垛共三千四百七十余束焚烧已尽。

氏幸虽被害，而未及殃身。此时遂着地方张承劝取，具该户头刘永元、张廷枚禀供存案。又如本年票差原差飭知各直年户头张承元、张廷猷、张廷荣、张承富、刘成得、刘永柱、刘亭、党生亮、田朝景、田子东、邵天伦、邵廷珍等督催应管花户，于五月三十日赶仓输纳租麦。不料是夜三更场麦秸垛又被人放火，闾村人救灭。六月初一日复收，亦夜二更时场麦秸垛故火，又闾村人救灭。初二日亦然。因查去，今两年，数遭奸火，焚烧柴草，俱皆祭田所产。氏家贮恩赐

御赞书籍，尤不得不为之虑及者也。虽拨伴役巡查防御，未为常策。租粮亦未果复征，转想粮乃祭项，设或失备，责有攸归，复何敢较其高低耶。仅止备数收足花户仍交至六月二十一日方完。伏思祭田荷蒙

钦赐额征租粮，

亚圣血食例不容花户恣意搪塞延缓抗交也。况遇驳即怒，愤恨成仇乎。如火盗固均巨恶怀念不同，盗图财物，放火泄恨。氏因自问于心。即小儿，乞丐语未有犯，惟征收租粮有驳触花户之怒，回忆放火形期，情更显然。但未捉获其人，无凭指送，欲复吞忍，有身家性命攸关。欲扑究问实，非女职所能。除奸前（翦）恶，惟赖

大宗主执法。氏故不揣冒昧，匍匐而号诉也。哀叩恩准，缉提讯究。不惟放火者知有法律，而氏之身家亦得叨安，

亚圣血食永保无虞矣。哀哀上呈，伏乞
大宗主恩准施行。

乾隆三十七年七月初二日具

札孟孔氏为禁约佃户出示晓谕事

〔乾隆年间处理亚圣孟子后裔讼案（三）（三六九四）之二十一〕

札孟孔氏知悉。据禀已阅，查该佃因催租驳飭逐（遂）肆毒放火，甚属不法。现经本爵府出示晓谕，严行禁约。冀切痛改，以观后效。倘敢仍前不遂约束，该氏立即具禀前来，以凭严拿重惩。以警凶恶。此谕。

告示为佃户屡次放火焚烧官麦不得再犯事

〔乾隆年间处理亚圣孟子后裔讼案（三）（三六九四）之二十一〕

告示

衙门口为愚究夤夜放火以彰法律事。本年七月初二日据孟庄袭五经博士孟传捷母孔氏呈前事，词称。亚圣祭田坐落邹县蔡庄，皆系佃种，岁输租麦，每年照例征收，向系急公完纳。近年以来，人情狡猾，去年六月二十日开仓完纳迟迟，且多糠秕潮湿。一经驳飭，皆愤愤不遵。是夜二更，官柴园林秸失火，村邻扑灭。二十六日公廨楼东群房突然火起，焚烧房屋三间。至九月二十八日，林秸垛又被火烧。共烧柴三千四百七十余束。此去年被火之〔情〕形也。今年于五月三十日开仓征收租麦，即于是夜三更麦秸垛失火，六月初二日二更亦然失火。一年之内五次被火，闾村邻人扑救可证。窃思祭田租麦理应干园洁净，依期完纳，今顽户以糠秕湿麦混交，并有逾期抗纳。若稍加驳飭差催，即祸起焚烧。因租被焚，惨毒非常。苦氏女流不能当场捉获，以致凶风日炽，徬徨日甚，不得不泣诉于大宗主。伏乞恩准严捕，按律治罪，等情。据此，查律载，放火故烧官民房屋及公廨仓库积聚之物者，不分首从皆斩，等

语。查佃户众多，其中奸良不一，果有挟驳飭催纳之嫌，即敢放火毒害，似此忘（亡）命凶从（徒），岂容漏网。兹据孟孔氏具稟前情，除选差干役密访查拿，并移会地方官外，合亟出示晓谕。为此示仰佃户人等知悉，尔等既种孟庙祀田，理应遵守旧规，急公完纳。倘因驳飭差催，辄起凶念，王章俱在。且杀人放火，非一人所能为，安有不破之理。一经访实拿获，照律问罪，悔无及矣。各宜凛遵，毋得以身试法。毋违。须至告示者。

翰博孟贞仁申为再陈成例恳乞移咨以全大典事

〔邹县刘盛等姓生员求脱孟庙户籍与孟翰博结讼经过（一）（五二六六）之八〕

接

老先生来札俱悉。在京简褻，甚是抱歉。遵

命赴户部查编审一事。九卿会议五十年编审人丁，将新增人丁补足，开除丁数，永为定例。

丁民不增不减，仍将多出新增人丁，据实造册，具题为盛世户口册，不纳丁民

旨意。因湖广、陕西、广东等省编审人丁册未到，俟具题到日定夺。再三位官长文凭，五月十五

日内外，自邮中必寄去。孟庙佃户刘、张、盛三姓者并无信息。今因使旋，揣此复候

近安。其余 诸位老爷不及另札，均乞致意为感。余不宣。

弟之佐顿首

东抚咨为求脱孟庙户籍议令照旧供役不必纷更事

〔邹县刘盛等姓生员求脱孟庙户籍与翰博结讼经过（二）（五二六七）〕

巡抚山东等处地方督理营田兼理军务都察院右副都御史加四级蒋 为遵法奉公恳恩入丁等事。康熙五十二年四月初十日口布政司呈称，据兖州府详称，康熙五十年九月初六日蒙布政司宪票，康熙五十年八月二十日蒙巡抚都院蒋

批。据邹县申详，生员刘来溥等乞准编入民丁，求脱庙役缘由。蒙批，仰布政司查议报夺缴。蒙此，合行抄详查议。为此，仰兖州府官吏查照批详票内事理，即将邹县生员刘来溥等乞准编入民丁，求脱庙役情由，是否可准入丁，有无妨碍

亚圣祀典，作速确议妥详报司，以凭核转批夺，毋违。计粘抄详一路同前事。据双村社生员刘来溥呈前事呈称。切惟居王土者，均为王民，受国恩者，当赋国役。此一定之理，不易之法。断未有身生

盛朝，自外版籍者也。生族自沛徙邹，世为邹民，系双村社五甲版籍。缘前明差赋繁重，有生曾祖大伦一时短见，希图滥免，充入孟府庙户，历祖及父，相延二世。生幼习诗书，长列官

墙，久知投充滥免为不宜，漏丁逃差为获罪，因于康熙四十五年九月十八日有前任滋阳县王署理邹事，在石墙集编审，生将子刘运艾上丁入册，复还民籍。不口孟府把持，竟将生子刘运艾丁名朱笔打逃，捏为

钦拨户人。窃思勿为生本非

钦拨，即以

钦拨而论，

钦拨原有定数，佃户每户止以五丁，庙户每户止以三丁，足供庙内之用已耳，宁得为世世子孙及十丁、百丁、千万丁亦皆

钦拨乎。况生之同族固系佃户。佃户者，佃耕祭田之用也。佃地者为佃户，而未佃地者，亦可谓佃户乎。生等既未尝佃夫祭田，名又不列于有司，不将谓

朝廷游民乎。欺君罔上，罪何容道。幸值天台明并日月，法比山岳，今当编审之日，正生奉公去私之时也。叩乞恩准入丁，编入民籍，永脱庙役，世世焚顶，上呈。计开新丁刘运艾、刘运如、刘运芹。据此，同日又据双村社生员张其纪禀为叩天恩准入丁以免欺君罪累事。切照生族原系孟庙佃户，但佃户自有定制。旧例

钦拨祭田五十顷，佃户十户，每户佃种祭田五顷，每丁授祭田百亩，以供春秋祭祀之用。所以佃户每户止以五丁为额，上不病

国，下不病民，此旧例也。及后人丁藩衍，即就生一户而论，不下数百余丁。佃种祭田者，固属佃户，未佃种祭田者，即难以充应佃户。又不获编人民册，明系游民，口口孰甚。生忝在学

宫，欺君不敢也。恳乞恩准上丁编入民籍，世世焚顶，上呈。计开新丁张可训、张可范。据此。又准

世袭翰林院五经博士加三级孟 为移明情由恩准查豁事。切照

钦拨户人原为洒扫庙庭，佃种祭田，看守庙宇设也。载在家乘，历历可考。宣和四年诏有司拨庙户二十五户，专洒扫邹国公庙。元顺帝至正二十六年三月十一日宗子孟思谅言，请给门子户五户。明景泰六年二月初八日增给祭田二十顷，拨佃户十户佃种祭田。成化六年十一月十三日拨佃户七户，以备看守。成化十八年十二月二十八日复赐二十五户以充洒扫。历朝恩典，井井可按。我

皇清遵照旧例，数百年来各户供事从无异言。缘因去岁户口簿为地亩成嫌，勾通伊本姓刘户、并张家户，盛家户窥值编审之时，私投册籍，愿入民丁，抑思庙庭谁为洒扫，祭田谁为佃种。供事无人，而祭祀不致湮没乎。为此，拟合移文，希烦軫念亚圣隆重祀典，将投送册名查豁（核）案验，彻底清理，无使变乱。不惟敝院戴德，即先祖在天之灵亦冥感无既矣。赐复施行，等因到县。准此。又据生员刘来溥、张其纪、盛朝书等呈为乞恩遵旨编丁力清户籍免致宦霸事，词称。生等遵守

国法，惧干匿罪，于昨编审时，各将子弟具呈入丁，业蒙准发。不意孟翰博屡次移文天台，定欲霸返。词称宣和、至正、景泰、成化四朝共

钦拨庙丁七十五户，谎云载在家乘。夫

钦拨大典，理宜勒石垂志。生等遍查庙碑，止有至正年间

钦赐祭田三十余顷，于景泰年间增赐二十顷，共五十顷余。从未见有

钦拨庙户名目。生姑勿谓其

钦拨有无，而但即伊词云四朝

钦拨七十五户，是所赐何户，某户何姓，某姓何名，生等之□□何代

钦拨，生等之祖系何名，何不一一书明，而但为糊涂朦混，以希图赖。如来溥之始祖，固住江南

沛邑也。生之曾祖大伦自沛徙邹，在于嘉靖之初年。既非四朝所赐，而伊碑阴有佃户刘灏者，

目今在庙佃地□□四十丁，自为灏之后裔，于生族何涉。如其纪之始祖温也，而伊景泰碑阴

有张信者，目今在庙佃地，共有八十丁，自为信之后裔，于生族又何涉。如朝书名未附于碑

阴，执事不知列于何业，而但为伊接年催银五两。有远支之叔祖名曰泉者，于故明时见人皆

以投充庙户为荣，故凑银五两附名孟府。遂以五两为常例，至今未改。日今输银五两者，自

有泉之后裔，于生族又何涉。各有家谱，井井可案，而伊动以

钦拨户人压人，是伊之

钦拨户人毫无可凭，而生等之假冒投充为实而有据也。前闾学所具公呈内有云，大户五丁，小户

三丁。今之投充假冒，不啻盈千累百。据闾学所称五丁、三丁之例，则生族之已列庙丁者，

已逾制十倍有奇。生等姑将余丁列入民籍，为国赋役，亦不为□□。而伊必欲霸返，意欲何

为。且新奉抚院大老爷通飭，凡一切投充滥免，包揽诡寄，着令严查革除。生等正犯此衍。

昨生等入丁投首亦自免罪累，而伊敢与

朝廷争户口，知有君乎，知有宪乎。恳乞仰遵宪令，依碑清□□力作主。据呈入丁，统详上宪，

免致子罪，

国户日滋矣。上呈等情。据此，该邹县知县娄一均查看得，从前
钦拨祭田，以供

亚圣祀事，则自有佃户耕种之人，又有庙丁以供洒扫庙庭。此历来遵（尊）贤重道之盛典，何敢少议纷更。第传世久远，子孙蕃盛，其投充之户，更日益众庶。如生员刘来溥、张其纪、盛朝书等，皆力辨其祖父并非

钦拨佃户，实系投充之户，情愿将子弟编入丁册行差，无论其

钦拨与投充，皆世远难稽。惟是率土王臣，除现在佃地服役之佃户、庙丁俱应免其入册上丁外，

其余托名冒免之人，似宜遵奉宪行，一体编入民丁，免其脱漏。卑职未敢擅便，合无详情本都院批示，□□行，等因。抄详到府。蒙此，又蒙本司宪票，为申报户人朋谋判（叛）主等事。

康熙五十年九月初二日蒙巡抚都院蒋 案验，康熙五十年八月二十七日准

衍圣公府咨开。据孟博士申称，刘来溥等原系□□庙洒扫，承种祭田佃户，人应仍归孟庙，以光旧典。缘由到司。准此，同日又准世袭翰林院五经博士加三级 孟 移同前事，各等因，移司。合行抄发确议。为此，票仰兖州府官吏查照咨文票内事理，即将刘来溥等应否仍归孟庙供役免入民丁情由，作速查明，确议妥详，星驰报司，以凭转报批夺。毋迟。计粘抄咨文二张。

太子小（少）师袭封衍圣公府为申报户人朋谋叛主违制入丁叩恳除奸以全旧典事。据世袭翰林

院五经博士加三级孟贞仁申前事，申称。本年七月准邹县移文，为乞天遵

旨编丁力清户籍免致宦霸事。据生员刘来溥、张其纪、盛朝书呈前事呈称，生等遵守

国法，惧口口罪。于昨编审时，各将于弟具呈入册。业蒙准发，不意孟翰博屡次移文天台，定欲

霸返。词称宣和、至正、景泰、成化四朝共

钦拨庙丁六十五户，谎云载在家乘。夫

钦拨大典，理应勒碑乘志。生等编查庙碑，止有至正

钦赐祭田三十余顷，于景泰年间增

钦赐二十顷，共五十顷余。从未见有

钦拨庙户名目。生姑勿谓其

钦拨有无，而但即伊词，四朝

钦拨六十五户，是所赐何户，某户何姓，某姓何名。生等之户，系何代

钦拨，生等之祖系何名，何不一一书明，而但为糊涂混朦，以希图赖。如来溥之始祖，固住江南

沛邑也。生之曾祖大伦自沛徙邹，在于嘉靖之初年。既非回朝所赐，而伊景泰碑阴有佃户刘

灏者，目今在庙佃地共有四十丁，自为灏之后裔，于生族何涉。如其纪始祖温也，而伊景泰

碑阴有

张信者，目今在庙佃地共有八十丁，自为信之后裔，于生族何涉。如朝书名未附于碑阴，执

事不知口口何业，而但为伊接年催良五两。有远支叔祖名曰泉者，于故明时见人皆以投充庙

户为荣，故凑良五两，附名孟府。遂以五两为常例，至今未改。目今输良五两者，自有泉之

后裔，于生族又何涉。各有家谱，井井可按。伊动以
钦拨户人压人，是伊之

钦拨户人毫无可凭，而生等之假冒投充为实而有据也。前闾学所具公呈内有云，大户五丁，小户三丁。今之投充假冒，不啻盈千累百。据闾学所称，五丁、三丁之例，则生族之已列庙者，已□□□倍有奇。生等故（姑）将余丁列入民籍，为国服役，亦不为过举。而伊必欲霸返，意欲何为。况明代之丁列版籍者三万三千八百四十八丁，今代之丁列版籍者，仅一万三千五百四十三丁。即此可知，闾学呈内所云投充假□□言信不啻盈千累百矣。而伊之包揽诡寄夫复何辞。且新奉

抚宪通飭在案，凡一切投充滥免，包揽诡寄，着令严查革除。生等正犯此愆，不知伊亦罹罪否。昨生入丁投首，亦自免罪戾，而伊则愆不畏法，敢与

朝廷争户口。知有君乎，知有宪乎。恳乞仰遵宪令，依碑清籍，极力作主。据呈入丁，统详上宪，免致干罪，国户日滋矣。上呈等情。据此，合行移会，为此合移贵府。烦查文内事理，希查贵庙

钦拨户人碑志，有无刘来溥等祖父姓名。今刘来溥、张其纪、盛朝书等，皆系何人后裔，应否编入民丁行差，免其哓哓。希即赐覆过县，以凭酌详，幸无迟滞。望速，望速。等因到院。□□案查得刘来溥系刘灏之裔孙，张其纪系张信之裔孙，自景泰六年二月初八日增给祭田二十顷，拨佃户刘灏、张信等十户佃种祭田，有天顺元年碑志可凭。又查盛朝书系盛更化之裔孙，自成化十八年十二月复赐二十五户以充洒扫，盛更化实在数内，有万历三十七年碑志可凭。

且来溥之父刘邦宁，自幼在敝院门下答应四十余年，伊奶兄刘佩，现应本户户头，又有伴当一名刘运全合户帮贴。而来溥乃诬捏假词，自沛徙邹，投充应役，是一户分为两家，置始祖而不认也，尚得为人类乎。张其纪书香继世，正照丁佃种祭田，现伴当一名张可为合乎帮贴。至于盛朝书祖虽未与灏、信同附于碑阴，而职实专于洒扫，载在于万历碑志，现有伴当一名盛朝仕，门子一名盛其佑，长夫一名无人应役，愿纳银六两，自捏有远支叔祖名泉投充，而置盛更化之始祖于何地乎。为此，拟合移复贵县。烦照家乘碑志，裁夺清楚，庶逆生不敢肆恶，而真伪有攸分矣。已经备移去后，据此，案查

钦拨户人原为供力役守庙，廷载志籍，镌石碑阴。前

圣驾幸临阙里，曾经进呈

御览。自宣和以及元顺，咸有颁赐，所以尊先贤，隆祀典，恩圣渥也。昭著策中，非一己之私语。

今来溥等以口角微嫌，哓哓具呈，投入有司版籍。即据来溥云，止有至正等年间共

钦赐祭田五十顷，从未见

钦拨庙佃户名目等语。查景泰碑阴十户内有刘灏、张信者，乃

钦拨佃户也。相延数百年，从未更易。今来溥假捏伊祖大伦投充入户，不认为灏之后，张其纪又在庙之户人，不认为信之后，朝书名虽未附于碑阴，而执事实专于洒扫。万历三十七年碑有盛更化、盛守志者，即其始祖也。此三人私相串通，捏词背祖，欲变成例。岂知来溥之父名邦宁，兄刘佩，侄运全，现在户内承役，其纪之侄张可为，朝书之弟之侄朝仕，其佑，现在同班执事。此系前代定例，历经数百余年，在洒扫者每遇朔望以及春秋祀事，专司备办香

酒烛帛。在佃户者，每遇祀事，备办牺牲粢盛。伊云五两之说，系伊等于

钦拨地亩内额输以供此祭品者也。此皆遵旧奉行，并非户族多寡，何得以行贿污蔑乎。伊又云，

同学公呈大户五丁，小户三丁，今之投充假冒，不啻盈千累百，五丁、三丁之说，亦未知起于何人。前朝

钦拨计户，并未计丁，何得擅为悬定五丁、三丁之额，捏为口词耶。且职户内自不乏人，又奚必自借投充，以自干

功令，而且隶籍版图者，除

钦拨之外，不敢令其服役，以其民户各有专辖，无致紊乱故也。又云，明代列版籍者三万三千八百四十余丁，今代列版籍者一万三千五百四十余丁，更属荒谬。自明末之时，饥谨兵燹，逃亡过半，岂尽投充滥免者乎。今现在

钦拨尚欲归入民籍，岂有现居民籍而投充户人者也。明系捏词，欲盖弥彰矣。且我

朝定鼎之初，圣贤庙庭典仪，悉照前朝旧制，煌煌天语，炳若星月。迄今七十余年，毫无纷更。

溥等一列宫墙，即欲变成章，反扬祖父之非，以坏数百年之成例，私相朋谋，首先倡恶。若不严加究惩，供洒扫者无人，备粢盛者无人，势必

钦赐典仪尽为乌有。然人孰不读圣贤之书，忍其毁污，断其血食，有不恻焉心痛者乎。当今崇儒重道，亘古罕遇，幸逢盛世，犹有奸恶丧心若辈者，且其刁恶之状，不过因

抚宪通查，恐有假充滥免，包揽诡寄之行，特借此假为奉公之奸险耳。今因本县不辨真伪，通详宪台，理合申请立赐斧断，勒令归户，或咨移院司，按律剪（剪）恶惩暴，以彰

国法，庶庙廷专司供役，俎豆有光，亚圣在天之灵亦可少慰矣。为此，理合备由具申。伏乞照详施行。计申刘来溥、张其纪、盛朝书、刘运艾、刘运茹、刘运芹、张可训、张可范、张承琉、张锐、张可纘、张承兰、张承惠、张承典、张铉、盛者弼、盛朝宰、盛朝需、盛朝聘、盛永太、盛者瑚、盛朝坤、盛朝珍、盛其书、盛者良、盛朝儒、盛朝俭、盛者立、盛大来、盛之秀、盛之孔、盛养民、盛朝玉、盛者福、盛者辉、盛三让、盛永安、盛朝干、盛朝铨。干证祖志一部，碑文二纸，刘佩、刘运全、张可为、盛朝士、盛其佑，等情到府。据此，照得家国一体，家有叛仆，犹国有叛臣，均所不原。况来溥等各户供事孟庙，乃

亚圣孟子洒扫承种祭田人户，非该博士私役也。若各颺去，事必供事一空。非

朝廷重道崇儒意矣。且查刘来溥嫡兄如刘珮者，现为本户户头，其非投充可知。何得乘贵司清查诡挂之会，驾词以冀幸脱籍乎。今据申文前事，拟合移会。为此，合咨贵司。烦清查照咨内事理，希将刘来溥、张其纪、盛朝书等檄行邹县，仍归孟庙供事，以光旧典。并希移复过府存案，斯文幸甚。须至咨者。又准世袭翰林院五经博士加三级孟 移文同前事，等因。抄咨并行到府。蒙此，随行邹县查议去后。嗣据该县详称，蒙此，查议间据生员刘来溥、张其纪、盛朝书呈为再恳上丁入册登记，以充

国课以服万姓以慰圣贤事。切照春秋一书，欺君罔上，昭然天壤。七篇之作，爱君泽民，炳若日星。即起先圣、先贤于今日，断未有不切公而忘私，国而忘家之念者也。生等忝厕胶庠，既读圣贤遗书，敢不深佩圣贤遗教。故昨于编审时，生等各将子弟求列民籍，亦不过遵法奉公，以免影射欺君之罪已耳。不意孟府屡用移文，必欲掣回，幸天台矢公矢慎，不肯党护，通详

上宪。伊自知无理，遂央托公府，咨文申行抚宪大老爷。蒙批，照依咨文内事理，查照毋违。以故天台将生等呈内五丁朱笔抹去。此属宪令，天台固宜遵行，但在抚宪大老爷意，以孟庙户人寥寥无几，即在公府，或以孟庙户人落落可数，不足以供庙役，恐有碍于亚圣祀典，故

公府直咨抚宪，而抚宪直行邹县也。嗣后，抚宪又批孟府移文，照依申文内事理清查确议详报。今天台遵行，查得真正佃田赋役者二百余名，投充假冒者二千余名，则是生等前词盈千累百之言，信不虚矣。生等子弟数名列在假冒之中，既非佃田之人，又非洒扫之役，编入民籍，正自宜然。而伊必欲掣回，真属欺

朝廷而负前人之意矣。叩乞天台，仍将生等子弟新丁编入册内，并将庙户丁口册籍及前各呈词，统详上宪酌裁，需人几何，勒为定式。既不碍于亚圣祀典，亦不有妨于国课。生等固得免欺君罔上之罪，而天台及各上宪亦得遂为国为民之心，即先圣、先贤亦得慰公而忘私、国而忘家之念矣。罔邹万姓有不心服者乎。上呈等

情。据此，该邹县知县娄一均查议得生员刘来溥等情愿将子弟编入民丁求脱庙役一案，蒙宪檄行，令卑县作速确议妥详，是否可准入丁，有无妨碍

亚圣祀典。窃念

亚圣功并大禹，祀典綦重。今刘来溥等即世应庙役，自不宜一旦脱去。但卑县据各社里书造报，孟府佃户、庙户已多至两千余丁，其中向有曾经编入民丁纳粮者，俱有花名细册造送存案。即刘来溥等三户求入民丁不过数十人耳。脱役者无几，供役者甚多，并无妨碍

亚圣祀典，且系孟府素有之事。卑职未敢擅便，伏候宪台裁转施行。等情申详到府。据此，该兖州府知府加三级吴颐查看得邹县生员刘来溥等情〔愿〕将子弟编入民丁求脱庙户一案。先据邹县通详，蒙宪批飭查议，嗣因

衍圣公、孟博士俱有咨申到

院节蒙宪缴，以有无妨碍

亚圣祀典，行令妥详报夺等因。遵行该县去后，今据详称，

亚圣功并大禹，祀典綦重，刘来溥等既世应庙役，自不宜一旦脱去。但据各社里书造报，孟府庙户、佃户已多至二千余丁，其中向有曾经编丁入册纳粮者，俱有花名细册造送在案。即刘来溥三户求入民丁不过数十人，并无妨碍

亚圣祀典，且系素有之事。详请转详，请示前来。拟合转详，将刘来溥等准入民丁。伏候宪台裁转，等情。于康熙五十年十一月初一日申详。蒙批，查详内止据刘来溥等呈词议复。仰即查明衍、孟二府咨移情由，再加确议，妥详报司，以凭核转缴，等因批府。蒙此，随行邹县确议去后。复据详称，案查康熙五十年九月十五日蒙本府火票，康熙五十年九月十二日蒙布政司宪票，康熙五十年八月二十五日准

衍圣公府咨开。据孟博士申称，刘来溥等原系孟庙洒扫承种祭田佃户人，应仍归孟庙，以光旧典。缘由到司。准此，又准

世袭翰林院五经博士加三级孟 移同前事，等因移司。合行抄发确议。为此，票仰兖州府官

吏，照票事理，即将刘来溥等应否仍归孟庙供役，免入民丁情由，作速查明，确议妥详，呈驰报司，以凭转报，批夺，毋违。等因到府。蒙此，合行抄发确议。为此，票仰该县官吏查照，抄咨票内事理，即将刘来溥等应否仍归孟庙供役，免入民丁，作速查明，确议妥详，呈驰报府，以凭核转，批夺。毋得迟滞，致干咎戾未便。计粘抄咨文二张。内开太子少师袭封衍圣公府咨为申报户人朋谋叛主违制入丁叩恳除奸以全旧典事。又开，世袭翰林院五经博上加三级孟移会布政司同前事，俱无庸重叙外，各等因到县。蒙此，该邹县知县娄一均查议得生员刘来溥等呈清愿入民丁求脱庙役一案，先奉宪行，是否可入民丁，有无妨碍

亚圣祀典，作速确议妥详。卑职查得孟府佃户已多至二千余丁，如秦生铜、冯信民、刘国脉、冯捍邦、秦东、冯国杰、尹钦如、周树子、周世灿、刘多印、王化付、兰明宽、刘之奇、朴秀、石德、贾国贞、刘世德等十七人，皆系孟府庙户，礼生，从前丁册有名，此庙户入丁乃孟府素有之事。今刘来溥等愿入民丁，并无妨碍

亚圣祀典，等情详覆。蒙藩宪批飭，仰即查明

衍、孟二府咨移情由，再加确议妥详。卑职遵查孟府移称刘来溥系

钦拨佃户刘灏之裔孙，张其纪系

钦拨佃户张信之裔孙，有天顺元年碑志可凭。又查得盛朝书系洒扫户盛更化之裔孙，有万历三十

七年碑志可凭，等语。据刘来溥等呈称，来溥之曾祖大伦自沛徙邹，在于嘉靖初年，并非四庙所赐，而景泰碑阴有佃户刘灏者，目今在庙佃地共有四十丁，自为灏之后裔，子来溥无涉。如其纪之始祖名温，而景泰碑阴有张信者，目今在庙佃地共有八十丁，自为信之后裔，与其

纪无涉。如朝书名未附于碑阴，执事不知列于何业，而但接年为孟府催良五两等语。卑职再查孟府移送天顺元年大学士徐有贞所撰碑记内云，有贞以治山东河水告成，请复颜、孟二府祭田，加赐至百顷。所以供祭贍族，各置佃户十家，择于邹、滕、宁阳之籍，得上户二十，分隶乎二庙，以供佃事。其碑阴有张信、刘颢之名。又查万历三十七年为恳恩照例优免等事。奉前抚院黄批准，勒石碑记，内开洒扫户人盛更化等二十五户，佃户刘颢等六户，门役三户，礼生六十名。其碑刻内之佃户姓刘，姓张，姓盛者，不一其人。今世远人湮，难执刘未溥、张其纪、盛朝书为刘颢、张信、盛更化等之后裔。但其祖父以来，世为孟庙供役纳良，其为孟府户人久矣。惟是户人与家仆不同，仆为价买服役之奴，户人乃供圣庙祭祀洒扫之用。故各皆耕读传家，书香继世。不然，未闻以奴仆得厕青衿之籍，入于师弟之班者。然先王制礼，不敢过，不敢不及。前明徐阁部之请置佃户，颜、孟二庙各以十家为率，即前抚院黄批准孟府优免杂差者，其佃户止于六户，洒扫止于二十户，礼生止六十户，门役不过三户而止。目前孟府佃户、庙户已多至两千余名之外，子孙日繁，尽不入编审丁册。使

亚圣复起，当在所损乎，在所益乎。使刘来溥等更投托势要，躲避差徭，谓之叛主可也。今愿入民丁，为

朝廷行差，则不可谓之叛。此以私家之役，奉入版图耳。且历朝赐有祭田，系奉

旨钦拨，而佃户、庙户则遂孟府自置，非由钦拨某人某名定其子孙世世为佃户、庙户也。使以执经讲艺之士，必强之负耒耕耘，以供粢盛，又使之荷锄芟刈，以任洒扫，当亦圣贤所不许，况其原不在佃田洒扫之列者乎。如孟府既从无佃户入丁之例，而秦生铜等何以向年入丁行差。

以卑职管见，刘来溥宜准其增入民丁，以增盛朝之户口，复使庙丁不得越制滥免，而孟府亦有宽大之德，

亚圣在天之灵必欣然慰者。卑职未敢擅便，伏候宪裁核转，批示遵行。等情申详到府。据此，该兖州府加三级吴颐查议得邹县生员刘来溥等愿入民丁求脱庙户一案。蒙宪批飭，仰即查明衍、孟二府移知情由，再加确议报核遵行。又据该县覆称遵查孟府移称刘来溥等系

钦拨佃户刘灏之裔孙，张其纪系张信之裔孙，盛朝书系洒扫户盛更化之裔孙，俱有碑志等语。据刘来溥等呈称，溥之曾祖大伦自嘉靖初年始自沛徙邹，并非

钦拨。其刘灏之后，现在庙佃地有丁，与溥无涉。张其纪祖名温，其张信自有后裔在庙佃地，亦各有丁，又与其纪无涉。即前抚宪勒石，虽有盛更化，但事远年湮，无由稽查。朝书为更化后裔，况彼各有后人，为孟庙供役，则刘来溥等自应编入版图，以增

国家户口。等情详议前来，卑府复核无异，相应详请宪台俯赐核转，等情。于康熙五十年十二月初七日申详。蒙批，刘来溥等祖父既充庙役，其子弟果否不应编入民丁，仰府查照，檄抄圣公府，咨移情由，确查妥议，加具切看详夺缴等因批府。蒙此，随行邹县确议去后，嗣于康熙五十一年正月二十六日据该县详称，康熙五十年十二月二十八日蒙本府帖文，为再陈成例恳乞移咨以全旧典事。康熙五十年十二月二十四日蒙布政司札付，康熙五十年十二月十二日准

衍圣公府咨。据世袭翰林院五经博士加三级孟

申前事，申称刘来溥等求脱户役一案，前蒙移咨各宪，嗣蒙藩宪两次批驳，有无妨碍

亚圣祀典，再加确议妥详，具（足）见慎重祀典，主持名教之至意。今据该县申详，难容缄默。若不剖明，关系匪轻。详称秦生铜等十七人皆系庙户，从前丁册有名，庙户入丁，乃孟府素有之事等语。查所开秦生铜、冯信民、刘国脉、冯捍邦、刘多印、王化付、刘之奇、贾国贞等八人，系赞礼生，定例供事。礼生准免纳丁良，以为往来盘费之用。非若庙户输良，以供祭祀也。此八人者，久不供事，已经黜退，岂容影射。故仍纳丁行差，其石德、冯国杰二人，系私雇种地之人，不同

钦拨，理应纳丁。其秦束、尹钦如、周树子、周世灿、兰明宽、朴秀、刘世德并非

钦拨，亦从无此七人姓名，何得指为素有耶。又称世远年湮，难执刘来溥等为刘灏等之后裔。但其祖父以来，世为孟庙供役、纳粮。其为孟庙户人久矣。即此一语，其非役充可知。而曰先王制礼，不敢过，不敢不及。庙户子孙日蕃，不入编审丁册，使

亚圣复起，当在所损乎，在所益乎。此踵彭更疑秦之遗意也。独不思食报之多寡，惟视功德之大小，何得以藩衍为辞也。昔先祖孟子以鲁地过制，故有是论。使俭于百里，则亦当损乎。且明告之曰，不百里不足以守宗庙之典籍。今各庙祭田户役，皆系

钦拨，酌量功德，而立为定额，犹之百里之制也。盖非此则无以供粢盛，是尚可损乎。又称祭田系

钦拨，而佃户、庙户则随孟府自置，则又不知何所据。历朝典例俱在，方策姑置不论。兹据周公之世职，乃系甲于我

皇上幸鲁之特恩，照四世例，于祭田之外，另有拨给户口隶在邹邑，亦可谓之自置乎。此又不待

辨而自明者。又以为来溥等若投托势要，则为叛主。今愿入民丁，为朝廷行差，则不可谓之叛。此以私家之役，奉入版图耳。读之使人惊骇汗下。夫率土之滨，莫非

王臣。如若所云，则是与

天家争户口。凡系圣裔皆为叛逆之人矣。均属

朝廷赤子，岂向在版图之外，而忽欲入之。既奉

旨钦拨，何为私役乎。复称以执经讲艺之士，必强之负耒耕耘，荷锄芟刈，当亦圣贤所不许等语。

盖每户之中有君子焉，有野人焉，或输良以供粢盛，或执艺以供洒扫，非使青衿之士身亲野人之事也。诚如此言，则后此孰敢使之读书，势必锢其上进之阶，又岂优恤户丁之意乎。在该县读圣贤之书，岂不欲持平之论，顾末之深思耳。所称素有之事，本属乌有，然此论一出，窃恐有则自此始矣。岁朶月削，何所底止。先圣之血食不由斯而斩乎。此而不关祀典，尚有何关子祀典耶。若忍废先祖之蒸尝，而博宽大之虚誉，则职为千古之罪人矣。伏乞移咨各宪，电察施行。等因前来。看得

钦拨户人，从无改入民丁之例。该县以人丁藩衍为疑。查四氏

钦拨各户之内，亦有子孙藩衍者，亦有死亡逃散者。绝长补短，仅足以供祭祀。一开脱役之端，势必至于不足，恐非

圣天子崇儒重道之意也。今据申详前事，拟合移咨贵司，烦请查照施行。等因移司。准此，拟合就行。为此札仰该府官吏查照咨文札内事理，即速查议妥详呈司，毋得迟违，等因到府。蒙此，拟合就行。为此帖仰该县官吏，查照咨文帖内事理，即速查议妥详报府，以凭核转批

夺，毋得违延。须至帖者。等因到县。蒙此，该邹县知县娄一均查议得生员刘来溥等求编入民丁一案，自上届审丁控告，阅今五载，晓晓不休。去冬投具卑县，各呈词甚激切，内有头可断庙户不可应之语。卑职屡次详请入丁，欲地方相安于无事耳。乃翰博孟坚执己见，屡移宪案，必不肯令其入丁。夫以一翰博之家，佃、庙户至二千丁以外，不使一丁入册行差，必咨请

部示定为章程，方无后虑。不然，向奉宪行，有盈千累百之确查，卑职何敢隐匿不报。又查律载，里长失于取勘至有脱漏户口者，罪加笞杖。本县提调正官首领官吏知情者与犯人同罪。卑职身在地方，有清查户口之责。既经详明，使日后别有告发，卑职期得免于无过耳。至于刘来溥等应否准其编入民丁，卑职位卑言轻，未敢定议。使再置一议，孟翰博之辨驳，益凡徒扰案牍，统候宪裁核转。等情申详到府。据此，该兖州府知府加三级吴颐查议得邹县生员刘来溥等呈请编入民丁一案，遵奉批飭，复行该县查议前来。卑府复核之下，查该县有户口之责，来溥等即以应入民丁为请，似应准其编入民户。但据孟翰博以来溥等实为供庙之人，不便更入民丁。各具所见，是以未能归于画一。夫民户为

朝廷之户口，而庙户又关圣贤之禋祀，与其徒恃目前之纷争，究难定其实在之去就。不若俯照县议，咨请

部示，定为成例。则后言可杜，而民户、庙户各井井矣。是否可行，卑府未敢擅便，伏候宪台裁夺。等情，于康熙五十一年二月初一日申详。蒙批，仰候核转缴。等因批府。蒙此，于康熙五十一年三月初八日蒙本司宪票，康熙五十一年二月二十九日蒙巡抚都院蒋 批，据

本司呈详前事，看得邹县申详，将孟翰博庙户刘来溥等子弟编入民丁，永脱庙役。衍圣公咨称，

钦拨户人从无改入民丁之例，俱蒙宪案行司查议，随檄飭兖州府，确查刘来溥等子弟编入民丁，有无妨碍

亚圣祀典，妥议详报去后，复经屡次驳查。今该府据该县详请咨部请示，定为成例。又蒙宪准

衍圣公府咨开。该县势必将庙户、人丁编入民丁，尽坏成例。等因行司。查编审丁册，已经送部，势难更张。今刘来溥等子弟应否应充民户，似不便遽为呈详咨

部请示，应俟下届编审之年予期申详请示可也。缘奉批飭查议事理，本司未敢擅便，合无呈请宪台，俯赐查夺批飭遵行。等因具呈。蒙批，具详刘来溥等求入民丁，永脱庙役，细绎衍圣公咨送昔年碑记，内载来溥等之祖刘颢等俱系

钦拨庙户。既系

钦拨，自与包揽诡挂者不同。仰司再行确议详报缴。蒙此，合行飭议。为此，票仰兖州府官吏查照批详票内事理，立即查议妥详，切看呈司，以凭核转抚都院批夺，毋得含混率详干咎未便。等因到府，蒙批随行邹县查议去后。今据详称，蒙此，随即查议间，又据生员盛朝书禀为详陈移咨情由叩天细查转详事禀称，为遵行入丁一案，据孟府移文云，

钦赐祭田碑阴并无盛姓，而优免碑有盛更化者，移文之所谓优免者，即

部文之所谓豁免也。奉行严查，理应入丁。况盛更化又非生之祖。生祖盛东洋，合县称为善

人，邹志有名。生父盛芝兰系辛酉年岁贡生，子者隆系廪生，生胞弟盛朝典、堂弟盛朝瑞系文生，乃诗礼传家，既不在佃种祭田之数，又不居洒扫庙庭之列。遵行入丁，理所宜然。生族虽有投充应役二名，实系远族以图优免耳。生近族人等不图优免，已随民籍行差，止未入丁册。况孟府生族原无一丁，而抚院批详内称

钦拨与包揽诡挂不同。生明明投充，即孟府亦无可议。故移文、咨文内未曾议及生父子兄弟等事，而生之子弟近族入民丁，固无碍于亚圣祀典也。生此时行差，已随民籍，候下届编审绪入红册，合族焚顶。否则生断不甘以碑志无姓与碑志有姓者同一议也。信乎头可断，而庙户必不可当矣。叩乞恩准入详。庶生无滥免之罪，而宪行以遵，民心已服矣。上禀等情到县。据此，该邹县知县娄一均查议得生员刘来溥等求编入民丁一案，今蒙宪行开，蒙藩宪详议，奉有抚宪批饬，前因卑职细绎宪批，盖以

衍圣公咨送昔年碑记，内载来溥等之祖刘灏等俱系

钦拨佃户，等因。但前据刘来溥、张其纪、盛朝书叠呈力辨并非刘灏等裔孙，各有家谱可验。

其祖父皆非佃户，实系避赋投充。今世远年湮，如必以来溥等强为刘灏等之后裔，势必起刘灏等于九原而问之矣。在孟府仁义流传，非不欲行宽大之恩，特以庙户供役，相沿已久，不肯开端，此所以反复置论也。抑知卑职有清查户口之责，未便扶同隐匿，是以叠议具详。且近阅邸抄，奉有

上谕，逐户挨查人丁，则刘来溥等自应准其增入，以益户口，应俟议复奉

旨通行之日，再为详情究裁。缘奉宪行饬议，相应详复，伏候裁转。等情到府。据此，该兖州府

知府加三级吴颐复查得邹县生员刘来溥等求编入民丁一案，蒙宪详奉院批，以来溥等之祖刘灏等俱系

钦拨庙户，自与包揽诡挂者不同，令再妥议详报。等因转檄到府，遵行到县，查议去后。今据详称，前据刘来溥等呈辨，并非刘灏等裔孙。今奉有

上谕，逐户挨查人丁，则刘来溥等应准其增入，以益户口。等情前来。拟合转详，应否将刘来溥等造入民丁册内，统候宪台裁夺等情。于康熙五十一年五月十八日申详，蒙批，刘来溥等果否并非刘灏等裔孙，仰俯遵照院批，确查碑记，加具妥切府看详报，毋再游移率转缴，等因批府。蒙此，随行邹县确议去后。今据详称，蒙此，又据生员刘来溥、张其纪、盛朝书稟为遵行入丁叩天细查碑记转详事稟称。切生来溥祖自沛来时，在

钦拨祭田之后，其纪祖父书香继世，并不在佃种祭田之列。朝书碑记并无其姓，而优免碑之盛更化即濫免之碑。况更化又非其祖。即据

钦拨之说，已皆非

钦赐，况碑记止有

钦拨祭田，并无

钦拨户人世子孙为应役也。今蒙宪批，确查碑记，加具妥切详看。生等明系避赋投充，此时已公而忘私，不归孟府，因而忘家，随行民差。止候下届编审绪入红册，则生等世世感戴。为此再稟，等情。据此，该邹县知县娄一均查议得刘来溥等求入民丁一案，蒙宪行确查碑记，卑职遵查孟府移送碑内载刘灏、张信之名，而盛更化则开列于优免碑内。今据刘来溥稟称，

伊祖自沛来邹，时在

钦拨之后，张其纪祖父不在佃种之列，盛朝书则碑记无姓，而优免碑之盛更化又非其祖，等语。

反复力辨其为投充，但刘灏等久经物化，来溥等是否刘灏等裔孙，世远难稽，而佃户、庙户相沿已久，不便遽为纷更者也。相应备录原详，伏候宪核详转批示遵行。等情到府。据此蒙批，刘来溥等前据该县屡详，坚欲编入民丁，今又忽称庙佃相沿已久，不便纷更，何前后顿异。且来溥等果否情愿，亦未讯明，仰再确查妥议，另详报转缴。复又严催去后，今据详称，查议得刘来溥等求入民丁一案，先奉行确查碑记，卑职查得孟府移送碑内开列刘灏等之名，其庙佃相沿已久，不便遽为纷更等情，详蒙宪批，来溥等果否情愿，确查妥议，另详，遵查刘来溥等屡奉宪檄飭查坚以投充为词，其果否刘灏等裔孙，世远人亡，卑职何敢悬拟，惟劝谕来溥等仍前供役纳银，无复哓哓，致烦宪牒。缘蒙批查事理，卑职未敢擅便，伏候宪台详转。等情申详到府。据此，该兖州府知府加三级吴颐查得邹邑刘来溥等求入民丁一案，历据该县查议，由府转详，乃以有关

亚圣祀典，屡奉宪驳。兹复详蒙院批，以刘来溥之祖刘灏等俱系

钦拨庙户，自与包揽诡挂者不同。蒙宪转檄妥议，仰见各宪尊崇

圣贤祀事之盛（诚）心，卑府等敢不仰承德意。今行据该县复称，刘来溥等虽坚以投充为词，但其祖父以来，相沿已久，卑职惟劝谕来溥等仍前供役纳银，无复哓哓，致烦案牒。等情到府。查刘来溥等虽称碑内开列之刘灏等不系伊祖等语，但系本身见系庙户，则其祖先亦系庙户，可知相沿已久，应仍令照旧供役，不必纷更可也。是否允协，伏候宪夺。等情详查到司。

据此，该本司查看得邹县申详刘来溥等求入民丁永脱庙役一案，前蒙宪台批司查报行据兖州府查议，刘来溥等应入民丁，业经呈详本都院。蒙批，据详刘来溥等求入民丁，永脱庙役，

细绎

衍圣公咨送昔年碑记内载，来溥等之祖刘灏等俱系

钦拨庙户，既系

钦拨，自与包揽诡挂者不同，仰司再行妥议详报等因，复行该府确查碑记，妥议切看详报去后。

今据该府县议称，刘来溥等见系庙户，则其祖先亦系庙户，可知相沿已久，应仍令照旧供役，不必纷更。等情详复前来，相应呈祈宪台核夺批示，以便转飭遵照。等情到院。据此，除批刘来溥等见系庙户，其祖亦系庙户，相沿日久，况庙丁非家丁之比。来溥既列宫墙，再有志进取，乌得而禁之，仍令照旧供役，不必纷更外，拟合移咨。为此，合咨贵府。烦清查照施行。须至咨者。

右 咨

太子少师袭封衍圣公府

康熙五十二年五月初六日

移邹县儒学正堂为孟翰博控生员盛朝书严加杜究事

〔邹县刘、盛等姓生员求脱孟庙户籍与孟翰博结讼经过（三）〕

（五二六八之一）

世袭翰林院五经博士孟 为移复事。准

贵学移开准本县批，据生员盛朝书呈为陈明投充遵旨入丁事。希查朝书或系额设，或系投充，移复过学，以凭转复。等因到院。准此，查得

亚圣始祖庙，自宋宣和四年以及明成化十八年，历蒙 钦拨庙佃人户，家乘碑志，昭昭可凭，历世相沿，已非一日。盛朝书等实系

钦赐庙户盛更化之裔孙。更化之名现在万历三十七年优免碑内。若非 钦拨庙户，何得在呈请优免之例。且载之

人清会典。煌煌功令，万目共睹。伊安得云仅载之孟府二门下私置之碑内乎。况此碑实系敝院六十代祖呈请京抚 黄公祖，恳免庙佃人户杂差，批仰邹县查报。据邹令 胡公查明转详，照例优免。蒙 都院黄批准，如议行缴，刻石以垂久远。此系 究行，并非敝院私立，盛更化

等其非投充无疑矣。前康熙五十年编审时，盛朝书老奸巨猾，背圣欺主，朋谋妄控。本县，并控。各宪台，希入民丁，晓晓二载。蒙

抚宪蒋公祖查明，盛姓委系历代。钦拨。蒙批，照旧供役，不必纷更。子康熙五十二年五月内行县，现有原案可稽，则朝书一户非投充愈可知矣。今值编审，盛朝书抗违。宪断，妄称原系投充，朦朧具禀，呈中夸扬其祖父子侄绅衿之荣耀，而以。钦拨庙户为卑辱。殊不知庙户中列宫墙者多人，即盛姓一户列宫墙者亦有人，敝院俱以师生之礼待之，庙户有何卑辱乎。伊呈一己之私嫌，乃至不认更化为祖先，是不孝也。变乱。钦拨之章程，是不忠也。真衣冠禽兽，名教罪人。尚敢晓晓言忠孝诗书乎。伊又云敝院祖巧计钻谋，逼令。上宪屡驳，不使脱籍。试思。上宪位高望重，铁面冰心，岂治下所敢逼。不惟污主，兼污上宪。即此刁恶，其肆无忌惮，更可见矣。若听其飞颺，不严加杜究，势必一唱百和，供事无人，将祀典废弛，先祖在天之灵，能无恫恐。为此，据实移复。贵学。烦为从实转复。须至移复者。

右

移

兖州府邹县儒学付堂署理正堂印务李

雍正肆年柒月拾贰日移

前事

移押

邹县移孟翰博为盛朝书等陈明投充请造册移县事

〔邹县刘盛等姓生员求脱孟庙户籍与孟翰博结讼经过（三）〕
（五二六八）之二〕

雍正六年十一月初九日

盛朝书

呈词移文缘由稿

李子谦

兖州府邹县为陈明投充遵

旨入丁以免躲避差徭事。据生员盛朝书呈前事呈称，云云等情据此，合移贵院，烦查移文内事理，希将盛朝书呈内所开 钦拨户丁姓名，抑或投充庙丁，共有若干户，某户共有若干丁，每丁每年催纳若干银。若系 钦拨户丁，或当应留在庙供役洒扫者，照旧存留。或系投充庙丁，应行裁革入里当差者，祈迅赐革除。仍祈分晰开造清册，移送过县，备案存查。幸勿迟滞，施行。须至移文者。

一 移

世袭翰林院五经博士孟

雍正六年十一月初九日

前事

正堂加一级张行

邹县详鲁臬司为生员盛朝书等匿户逃差请予究办事及供词

〔邹县刘盛等姓生员求脱孟庙户籍与孟翰博结讼经过（三）
（五二六八）之四〕

兖州府邹县为违 旨霸丁私征良粮欺国殃民事。雍正六年十二月 日蒙

山东等处提刑按察使司批，据生员盛朝书呈词前事呈称。切生族因避差投入孟庙户，于康熙五十二年编审，奉 部文，蒙 宪批到县，清查豁免。生具呈本县 娄县主，查 钦赐二碑无盛姓投充。优免一碑有一名盛更化，已申详七次，准入民籍。奈止系 部文，孟庙巧计钻营，不使生脱籍，以故迁延至于今。及雍正二年又奉 旨清查庙户、佃户，有借名影射躲避差徭者，严加致罪。生恐犯此条，昨于编审之期，又具呈署印 惠县主，蒙批 儒学确查。遵查孟庙回文云生等一户系 钦赐，而 钦赐碑又无其姓。又云，盛更化在优免碑内，既系钦赐，何必另立优免之碑，则盛更化其为投充无疑矣。文内又云，恐一唱百和，无非恐优免碑尽出为民。情弊显然，明系违 旨霸丁。且霸丁如同世仆，百有余年。今又奉天台文到访查，生不得不叩 天严查三碑。或

立于孟庙之内，或置于私门之下，则 钦赐投充，凭据昭然，而生等随民兴差，庶为王民，得报国恩，而不致有影射躲避之罪。合族世世顶戴，则 皇家之乐民永无私室之苦累矣。激切上呈。计开，邹邑有三十三社，九十六地方，七十二屯厂，共有四万余千户，载在纳赋解丁粮者，不足一万。其余丁粮，尽系翰博吞霸，现有邹志可凭。至正二十六年 钦拨五户，其碑在孟庙内更衣堂后。其姓名系李成、杜宽甫、戴聚、杜山、张义，并无盛姓。天顺元年钦拨十户，其碑在大殿迤东，其姓名系张信、党全、邵忠、李祥、马荣、李楸、李荣、吴英、田增、刘浩，亦无盛姓。万历三十七年投充优免碑六、七十余户，内有盛更化，其碑在孟庙内宅二门下，字面靠墙，甚非体。此时不惟霸丁，而且重催丁良。孟庙催丁良原差刘振海等，生一户每年费二十四两，起自万历三十七年，共霸万有余丁，每年征丁良六、七百两不止。等情赴

署理山东等处按察使司大老爷告准。蒙批，仰邹县查报。等因批行到县，蒙此。又蒙 按察司批。据五经博士孟衍泰呈为叛户滕控吁宪电察以惩刁劣以重 皇恩以培祀典事。呈称，切职情长格短，不能尽述。

为此，抄粘原词，叩乞

宪天电察情由，恩准批审，查照旧例，严为究治，以惩刁劣。庶叛户知儆，冤抑得伸，而祀典可培矣。激切上呈，等情。蒙批查仰邹县并查报并发原词一纸，具诉呈世袭翰林院五经博士加一级孟衍泰抱呈族人 孟闻书诉为叛户滕控吁 宪电察，以惩刁劣以重 皇恩以培祀典事。切有叛户盛朝书以违 旨霸丁等语，妄控 宪天。蒙批，仰邹县查报，

合将历代颠末，据实详陈。职始祖 亚圣庙于宋宣和四年、元至正二十六年、明成化十八年三次共蒙 钦拨庙户五十五户，看守庙庭，以供洒扫。缘历年久远，死绝逃亡者，遗去大半，现存一十九户。其该户中有人亲供洒扫者，自有应领本户工食。其无人亲供者，愿输帮贴，雇人供役。而现存十九户中共帮贴供役工食良九十六两二钱，以为庙庭洒扫各役工食之需。即该户亦有滋生，并未多添一丁，而帮贴仍旧。现有守庙人役可讯。明景泰六年、成化六年，钦拨佃户十七户，亦因久远，止现存六户布种祭田，并无帮贴之费。俱载大清会典、县志、碑文，班班可考。不意叛户盛朝书素行奸宄，信恃劣衿，前于康熙五十一年陡生异变，希图出户，妄控本县娄公任内，申明详报。蒙 前院蒋批，刘来溥、盛朝书等，见系庙户，其祖先亦系庙户，相沿日久。况庙丁非家丁之比，既列宫墙，再有志进取，乌得而禁之。仍令照旧供役，不必纷更。遵行在案，原卷可查。至雍正四年编审时，朝书又行控告。蒙藩 宪张 严飭州县，遵照成例，使庙户不得混入民户。申复遵依 宪卷，炳据 各宪，莫非慎重祀典，不容 钦拨之庙户任意逃出，以坏成例耳。今朝书又以陈明投充，妄控本县，复以违 旨霸丁，捏告 宪天，批仰邹县查报。独不思 钦赐庙户原有定数，至今帮贴工食尚不满百。伊乃贿买腹心，布散流言，捏称霸丁三万余口，征良六、七百两。信口胡言，何据何凭。其为诬捏昭然矣。伊且借口云庙内至正、天顺二碑阴并无盛姓。殊不知伊祖更化，实在成化十八年 钦拨数内。至正、天顺二碑尚在，成化之前何得便有盛姓耶。自宋及今，俱依 钦拨供役，至万历三十七年，因里下扳扰庙户民差，职六十世祖具呈 前院黄，蒙准批免，将更化等俱列于碑，以杜后扰。更化若非 钦拨，何得在呈请优免之例。且现有在庙供役伊本

族盛者纯等可讯。竟敢借口投充，希脱户役，横肆极矣。更可怪者，康熙五十一年朝书妄控时，并不认更化为伊祖。今忽代为更化辨投充。何以昔非今是，前后自相背谬耶。总之，朝书豺狼成性，借投充出户之名，为科敛本户之计，百千充囊，肆行无忌，故为此欺。天之举耶。况职世受 国恩，恪遵祖训，户口未增，良数未添，何为违 旨，何为霸丁。似此叛户藐法妄控，光天化日之下难逃秦镜。伏乞

按察司宪天大老爷电查情由，恩准批审，查验前案旧例，严为究治，以惩刁劣，庶叛户知儆，冤抑得伸，而祀典可培矣。激切上訴。被訴盛朝书，干证大清会典、县志、碑文，各宪批词。盛者纯系伊族侄，盛朝士系伊族弟，盛其佑系伊堂弟。以上三人俱现看守庙庭人役。刘振海系催帮贴工食良人。各等因批行到县。蒙此，遵将一千原被人等拘唤，当堂逐一秉公研讯。审问刘振海，你是庙户里催丁良的差人，盛家户共有多少人丁？每年共催多少丁良？一一供来。据供，小的也是庙户，盛家户内的人丁小的不知。小的不知数目，他合户里一年止输二十四两良子。有人供役的，就把他的良子做他的工食，着本人在本户打讨。催不上来，才差人去催，小的也催过。盛其佑吃六两工食，盛朝士吃六两，盛者纯吃六两，还催一名长夫伺候，也与他六两。又问，据盛朝书告称，孟庙催了一万余丁，每年征良六、七百两。你既催过，每年实催多少良子？自然知道，为何隐瞒呢。又供，盛家户实止出良子二十四两，并没多催的事。小的不敢隐瞒。现有盛朝士在这里，问他就明白了。审问盛朝士，你盛家户内共有多少人丁？每年与孟庙里多少良子？你这一户是钦拨的？是投充的？据实供来。据供，小的与盛朝书是远支，小的户内有六七百人，盛更化是小的老祖，不记得是钦拨，是投充。只

记得是庙户，合户内一年该出良二十四两。小的在大门吃工食六两，盛者纯是书办，吃工食良六两，盛其佑在庙内吃工食良六两，还觅一名常夫伺候，也吃工食六两。催上这良子来，也不往里交，就与他们盘费了。又问（问），你催良子的票子呢？又供，单子催完就丢了。审问盛其佑，你吃的工食是催的丁良？是合户帮贴呢？据供，小的合户内共帮贴良子二十四两，谁应役就吃六两工食。小的在庙里伺候，也吃六两良子，就是合户帮贴的良子。

审问盛者纯，你知道孟庙户人共有几户？每户多少人丁？一丁催多少良子？共催了多少呢？据供，小的是盛朝书的族侄，现在孟庙里应书办，也吃合族帮贴良六两。庙户共有十九户，不征丁良，量户大小帮贴。小的盛家户算大户，一户算两户。盛更化一户，盛守志一户，二户共每年帮贴良二十四两，周家户八两四钱，陈家户三两四钱，寄寨张家户六两，新兴王家户四两二钱，刘家户四两二钱，江村张家户四两二钱，大束王家户一两二钱，戴家户二两二钱，桃园张家户一两，孙家户一两五钱，单家户八两四钱，席家户八两，武家户七两六钱，万家户九钱，田家户二两六钱，兰谷村程家户二两四钱，庄朱葛家户陆两。这是实情。

审问盛朝书，你祖盛更化充应庙户，现在前朝奉文载在会典、志书、碑记凿凿，如何院里告示投充的呢？据供，优免碑上盛更化不是生员的始祖，他是西门的始祖。原是希图优免差徭，不是 钦拨。生员所以在院告是投充。又问，盛更化既非你始祖，你祖是何年月日投充？甚么名字？一一供来。又供，相传已久，不知何年月日投充的，亦不知是甚么名字。又问，盛朝仕等是你一家么？供，盛朝仕与生员没出五服的。又问，你在院里告孟博士家投充庙丁有一万余丁，每年征良六、七百两，你将那一万余丁是那些人户？一一开来。又供，盛家一户

就有六、七百丁，纳艮二十四两，孟博士有百余户，料想也有一万余丁，也有六、七百两。生员也不知别的户纳艮的数目，他催头差人知道。又问，你告万历三十七年优免碑上俱是投充，共有百余户。今查碑内连门役、佃户只有四十二户，大清会典上只有六十二户，你为何告这样谎状呢？供，他的祀生六十名，佃户三十二户，庙户二十五户，生员所以告他百余户。诘问，礼生佃户算不得庙户，明是你妄告了，无庸再究。他的差人催丁去，有朱票没有呢？供，生员没见他的朱票。昨他又呈生员是叛户，生员是遵雍正二年的旨，不许借名影射，滥免差徭，才要入民籍。五十二年叫照旧供役，是奉院文，雍正二年是奉的旨，出户愿入民籍。他依着翰博，霸占这些丁户，他是与皇家争户口，他是叛官，还是生员，是叛户呢？求想（详）情。

审问孟文书，你是孟翰博的什么人呢。据供，圣裔是孟翰博的叔祖。又问盛朝书，钦拨始自何年呢？供，成化十八年钦拨的。那时原没碑文，至万历三十七年，因里下扳扰社差，曾祖做翰博时，呈请黄巡抚，题请准入优免，随勒碑垂后，以免后日扳扰。又问，盛朝书告霸占一万余丁，催艮六、七百两，这原委一一说来。供，盛朝书家是大户，两户并一户，合户中共摊二十四两帮贴艮子，并不是丁艮。如今现在有三个人在里答应。盛者纯是书办，盛朝士是门役，盛其佑是庙役洒扫，还有一名夫役，无人答应，户中帮贴工食六两，雇觅一人。以上四人共领这二十四两作工食口粮。又问，各户共摊多少银子呢？供，共有九十六两二钱。盛朝书二十四两也在其内。又问，盛朝书告着孟翰博霸丁一万余丁，征银六、七百两，怎么只有九十六两二钱呢？供，邹志上载纳赋解丁粮者，止有一万三千六百五十一丁。他告孟庙

户有一万余丁，出在何处？催银六、七百两，何凭何据？帮贴工食银止有九十六两二钱，尚不满百，庙户不足原额，何为违旨，何为霸丁私征。且此项银子孟翰博并未经手，盛朝书正刁歪诬告。又问，三迁志上至正二十六年 钦赐庙户五户，邹志上成化十八年复赐二十五户，大清会典内佃户三十二户，庙户二十五户，门子五户，万历三十七年优免碑上连庙户、门役、佃户所载人名只有四十二户。今日盛者纯又供庙户只十九户，全不相符，这是怎么说呢？又供，年远日久，死亡逃绝，所以庙户只有十九户丁。这数目虽然不同，俱是奉 旨 钦拨的。他供蒋、塞二 抚都院批示，照旧供役，是院文不是奉 旨。雍正二年的 旨是查投充的庙户，也不是更张 钦拨庙户。盛朝书实系额内 钦拨的，并不投充的。屡屡妄呈，明是他违 旨了。又问，盛更化名下子孙现在滋生有多少人丁呢？供，因他这户人多，故每年帮贴供役工食二十四两，至于实在有多少人丁，不晓得。问，盛朝书们知道了各等情，审供在案。据此，该邹县知县张 查看得亚圣庙户，自宋宣和四年 钦拨二十五户，元至正二十六年 钦拨五户，因历岁久远，逃亡无存。至明成化十八年复 钦拨二十五户，以充庙庭洒扫。当时因被里下扳扰差徭，经前博士孟 于万历三十七年呈请 抚院黄批准勒石，盛更化一户即成化年 钦拨之户也。布载 大清会典、县志，昭然可考。迄今尚存一十九户，每年共帮贴银九十六两二钱，独盛姓户大丁多，在庙供役者三人，其不供役之人，岁输工食银二十四两。历世输供，向无异议。至康熙五十一年，有生员刘来溥、张其纪、盛朝书，始称避差投充，并非 钦拨，欲求改人民籍，群相呈控前知县娄一均通详令批查讯。而娄令复以年岁久远，无凭稽考，仍令供输详复。蒙 前院蒋批准，照旧供役在案。今盛朝书又以违 旨霸丁等事控 本司博士孟衍泰以叛户朦控等事具诉。蒙批查讯。卑职遵即当堂确加研讯，

查考会典、志书，合之优免碑文，则盛更化之户委系 钦拨，实非投充。今朝书以更化惟优免碑内有名，并无钦拨碑记，故为晓晓致辨。殊不知成化年 钦拨庙户，虽无碑记，而大清会典原开载庙户二十五户，查万历三十七年优免碑内庙户仍是二十五户。由此而推，则更化其为钦拨，而非投充矣。又据朝书供称，并非更化子孙，及讯其祖系何名，何年投充。乃云，相传年久，不知祖名，亦不知何年投充。试思朝书果非更化子孙，既非钦拨，其祖之名，投充之年，尚且不知，宁独知更化非其祖耶。又何以独能记忆为投充非 钦拨耶。况朝书供称，与盛朝士未出五服，盛朝士供，更化是老祖，朝书系近支。则朝书尚得谓非更化子孙乎。至查讯盛户内现在滋生已有六、七百丁，盛朝士、盛其佑、盛者纯在庙供役，合户帮贴工食二十口两。咸供确凿，殆无虚假。至朝书所控，谓非 钦拨，霸有一万余丁，岁征银六、七百两之处，并无凭据可考。惟盛姓户内，现今滋生六、七百丁，在庙供役实有三人，其余族众，岁输二十四两，似属浮多。应否作何损益， 宪台自有主裁，非卑末下吏所敢妄议也。将查明确情，连人详解备由，信册具详。伏乞

照详施行。

一 详

按 察 使

雍正七年 月 日户房冯子占承

前事

正堂加一级张

金乡令张泰来具册为颜懋衡诡辩诬告抄录原词逐款注明事

〔咨行河督鲁抚优免孔颜曾孟四裔地亩摊派河工帮贴一应杂差（一）
（一四五〇）之十五〕

兖州府金乡县为泐陈势绅诡寄田粮隐蔽户口乞 天严飭以申 国宪事。

抄录颜懋衡告词，理合逐款注明开列于后。

博士颜懋衡，

名曰懋衡，而诡立户名，又曰茂恒，即式字之中亦互相影射。

为贪令纵蠹霸产横征殃民噬及世绅事。

令，何所据而指之为贪，未有令纵蠹而第霸人之产者。居官霸人产，将安用之。征，何所据而指之为横。未有横征殃民而仅噬及世绅者。未吏噬世绅意欲何为。即壹注语纰缪不通，其余可知矣。

切职肆拾代先祖唐正义大夫颜允南，原封金乡县男。素有承粮庄地伍拾顷，坐落金乡县马河汇、罗家庄周围。

按金乡县志，宋封澹台天明为金乡侯。颜允南封金乡县男，无考。况封乃国爵，安得有承粮庄地。

历五代、宋、元至明天启、崇祯年间，陆拾柒代先祖管业犹存。

自五代至明启、祯，盖已千有余年。世事沧桑，不知凡几，未有承粮庄地独管业如故者。试问附郭之田今安在乎。

嗣因改革兵燹，佃逃地荒，

按

皇清定鼎，山左全省传檄而定。至金乡壹邑，亘古未罹兵燹，颜博士止知有五代，有宋元，有明，至

本朝龙飞，竟不称扬

大清国号，祇云嗣因改革，其胸中忿忿不平，若千年庄地历代如故，至我朝方罹兵燹，以致佃逃地荒，俨然自恃明季世绅，胸怀叵测，诽谤朝廷，溷乱信史，罪固不容于诛矣。

迨顺治拾貳、叁年间，先父拨佃续垦屯荒地拾余顷，

查颜博士在金乡白垞社玖甲诡寄民地壹佰壹拾余家，立复圣府壹户，又立颜茂恒壹户。本户并无寸土，亦无庄舍。自康熙柒年以前，已挂地式拾貳顷有余，逐年开收不等。有诡寄花名册可据。

康熙拾叁、肆年间，升任金乡县傅知县，用牛力籽种开垦玖顷柒拾亩，职缴价银壹佰玖拾柒两伍

钱赎回。有印信式纸存证。

查康熙拾貳年至拾伍年，复圣府挂地止存拾壹顷，至拾叁、肆年既赎回开垦地玖顷柒拾亩，即当照地归入本户，因何并无半亩过割，此玖顷柒拾亩地，又诡寄在何人名下。国课丝毫为重，博士任意隐匿、飞洒，若此可谓慙不畏死者矣。有历年开收册炳证。

岂意贪令听伊长子与腹蠢张天如、张显、郭九坤、赵鸣珂等表里朋奸，

怨毒于人甚矣哉。诬父可也，而并及其子。凡居官有子者，人人自危矣。倾险若此，恐博士从此不复血食也。

教唆霸占任所内民田百拾余顷作为官庄，恐纳加增银两，不立户名，捏为卜居集、鸡黍集等名色。

金乡原有送屯荒地，自康熙陆年王知县开垦陆拾余顷，立为官庄，纳粮当差，与百姓无异。自王知县离任，侵那（挪）库银壹仟余两。接任傅知县受庄地代为赔补。自傅知县离任，拖欠草豆删减银捌佰余两。接任牟知县受庄地代为赔补。自牟知县离任，那（挪）借库银貳仟余两。

本府奉

宪谕，将庄地陆拾玖顷玖分壹厘柒毫陆丝，作价壹仟叁佰两。勒令张知县赴府，凭邹县知县黄得焜、城守守备周绪为中，同牟知县面立库收，代为赔补。原籍家产，变卖一空，而纳粮当差，与民无异。有牟知县文契并原丈量清册纳粮赤历可据。

纵总庄头徐国彦等，小庄头王献甫，佃户王承宣等，吞职所赎傅公地柒拾亩，因争地成嫌，除不归地。

查旧案，傅知县开垦卜居集荒地玖顷柒拾亩，离任之日，庄头张化鸣、周三畏等投入复圣府，

挂名买中地肆顷。又将下地伍顷柒拾亩作为中地，转卖于李友德等拾壹户。自牟知县承接官庄，丈量开垦荒地，傅知县所卖地玖顷柒拾亩外，丈出隐匿地式顷陆拾柒亩玖分伍厘式毫。

业已具文申报，懋衡肉袒伏辜，认还牟知县地肆拾亩，又令买地拾壹户，开单自首，愿纳税银式拾陆两叁钱。其丈出地，尚隐匿懋衡户内，有丈册朱单原呈可据。

复令张天如揽河夫壹名，除工食银外，派贴夫地伍拾式顷内，派敞庄地玖顷，每亩摊派夫银肆厘，已照数付给。又加倍苛索，每亩照壹分要。张国祯等证。

金乡金点两河夫役，凛遵

河台宪谕内称，奉

旨除钦赐祭田外，凡绅衿兵役，悉照地亩编派。每浅夫壹名，贴地捌拾式顷。地多者夫头，地少者帮贴。颜博士挂地式拾余顷，因圣裔不坐夫头，张天如地止肆顷，既金夫头，因于博士挂地式拾余顷内，止拨玖顷帮贴，亦因圣裔起见也。而博士即以此为开衅之端，以怨报德，复将何以报怨乎。

乘敞庄头杨灿持打印粮银式两，已交收役给票矣。竟强夺去，并收役李珂审证。

查本年流水白字壹佰式拾壹号，复圣府纳银式两，随给印票。焉有强夺拒银之事。外有民户贴地肆拾肆亩，每亩有诈银柒、捌分，壹、贰钱不等。王孟秋、杨灿证。

查系庄头杨灿，在本甲另立壹户，诡挂周三畏地叁拾陆亩，赵奇地拾亩捌分，有开收册可据。又指派船夫式仟柒佰余名，每名折钱壹佰叁拾文，委李县丞代比，见今有周珣具呈 台下。原案证并比簿红册，薛经承可审。

查船夫壹案，奉 本府火票照地亩编派，协济鱼台，准鱼台县陆次关催，奉 部文照夫折给，经收者里长胡腾蛟、张彬也。本县官吏止掣批回折给者兑算本年丁地条银。有里老甘结可据。

又指狐皮、牛角每顷地派银肆分，指粮银添搭每两肆分，指河道银添搭每两捌分，供委李县丞代比。新旧里长朱明、李裔、李大用、曹其贞等并李县丞证。

查金邑起解杂项钱粮，俱系本县同阁邑绅衿公议，拾社里长均收齐赴明伦堂眼同拆封，本县差役起解，并无添搭名色。

又节年钱粮每两顷销打印加耗，共加叁。里长朱明、李裔、李大用、曹其贞等证。康熙式拾贰年叁月，新奉

明文，严禁火耗，张天如等拨官，阳奉阴违，仍照旧拆封称收，除民户仍照旧加耗外，士宦有照加壹者，立拿户头责赔短少，谁敢不照旧封纳。

本县节年条银，俱令士民自封投柜，并无火耗，亦无责赔短少。上自各宪，下至山左诸郡士民，无不通知。

又拿刘挞子、白存指为盗贼，并无口供，竟不报上，私自打死，霸走骡一头，见在骑用。有白存胞弟证。

查旧案，康熙拾捌年柒月间，有常镇集地保王见祥等禀为举首匪类事。切有白存素性凶恶，招摇匪类，酗酒赌博，谋为不测，若不预禀，恐致贻累，等情到县。据此，随拘白存研审有据，责承（惩）叁拾板，严督保甲缉拿余党，从此一方宁谧，并无刘挞子之事。

又生员荀夫尧父，于康熙式拾壹年肆月被人刺死，呈明，至今不究。本人证。

查荀夫尧即生员寻一鹏，字扶摇，于康熙式拾壹年陆月已经亡故，并无刺死父命之事。有两邻甘结可证。

又金乡县官宅内有高楼壹座，本官父子窥宅后美女王氏，与腹蠹张天如计谋入宅，后因哄动闾县，

方暗送出。张知县长子并张天如可审，李县丞证。

此灭绝天理之言也，陆载县令，欲加之罪，何患无辞。奚必诬捏至此，真禽兽不食其余矣。

又纵张天如指永丰麦米，使虎子张擎率恶皂张显、张圣如、毛腾云，诈王心印银壹佰式拾两，牛式只，杂粮捌石。有魏成轩、孙汉冲、王加兆、张云从并本人证。

查永丰麦米壹顷，系拾社里长李肃等公呈本县送儒学会同绅衿公议，后准儒学绅衿公议牒文依议完解。王心印系方丘社里长，领麦米伍拾壹石玖斗伍升零，赴德州上纳讫。

又拆庙社内瓦屋叁间，修益私宅。社首张望云证。

本县自莅任以来，并未尝子私宅内益壹瓦，添壹椽，罔邑通知。

又张天如夥伊种地人，将伊族张启天胞兄夫妇害命，佰地式顷余。有张启天证。

又使刘芳指押差诈靳永银叁两，胡广陆两。本人证。

又使郭九坤指押差诈张美华、王心印银拾陆两。本人证。

又使周廷献诈胡广钱肆千肆百文。本人证。

此四件不知所指何事，嗣查明补入。

况敞庄地膏者租种每亩租银陆、柒分不等，薄者分收，每亩得粒斗升不等。更有不获升合者，有

粮银杂项每亩费至捌、玖分，苦累何堪。杨灿等证。

此博士诡寄实录也，情见乎词矣。据杨灿单开诡挂地亩，每亩纳银壹钱。除完粮米之外，入懋衡私囊者不过陆、柒分而止。计地式拾余顷，壹岁所得约百拾余金。若又派当河夫筑柳军需草豆，则复圣府诡寄地亩竟成鸡肋矣。苦累或亦有之。读

大清律条例，一、功臣之家，除朝廷拨赐公田免纳粮当差外，但有自置田土从管庄尽数报官入籍纳粮当差，违者坐罪。一、宗室置买田产恃强不纳差粮者，将管庄人等问罪。一、将田地移丘换段诡寄洒派等项事发到官家，全家抄没。若不如此，靠损小民，博士侵吞无儿，而犯抄没极刑，宜其有不平之鸣也。

似此劣令翼蠹，伯产横征，贪酷淫滥，黎民士宦胥坐汤火。

泰来官箴优劣，

各宪自有定评，士民自有舆论，懋衡虽千口何益乎。

职于康熙式拾壹年拾壹月间呈，为朋蠹违例派诈无厌事呈明台下，批送兖州府查，已经半载。提审不赴，因转批城武、金乡两县会勘。奈金乡官役合谋，将一千张国祯、张美华、王孟秋等拘至后堂私审。其真证者，喝令大板重责，放起改供。他证闻风逃遁，官役造计朦混具中，希图展脱。合县寒胆，万民切齿。

两县未会，两造未具，私审者何事，具中者何衙门，病狂丧心，一至于此。

理合备呈，仰祈

老公祖高悬秦镜，为国削蠹，为民除害，亲提严究正法施行。

细读博士全词，虽市井完棍，不屑为此，岂心斋坐忘之子孙所宜有乎。
充法如山，断非圣裔式字所能摇动，即复圣在天之灵，亦心殄灭此而后安也。

右具册

康熙式拾貳年柒月 日知县张泰来

典吏 胡浚

金乡县申为博士颜懋衡在乡诡寄民地结党行凶事

〔咨行河督鲁抚优免孔颜曾孟四裔地亩摊派河工帮贴一应杂差（一）
（一四五〇）之十三〕

兖州府金乡县为沥陈势绅诡寄田粮隐蔽户口乞天严飭以伸国宪事。切照博士颜懋衡，在金乡白垆社玖甲立复圣府壹户，诡寄民地式拾余顷，隐蔽民户壹佰壹拾捌家，结党行凶，变生叵测，为金邑第壹大害。缘于康熙式拾壹年拾壹月内，金点河夫，复圣府庄头杨灿应贴拾甲夫头张天如地玖顷壹拾叁亩。此系钦工大差，罔县照地协应，岂巨慝杨灿因天如索取帮贴，触犯虎威，随飞报懋衡架捏朋蠹违例等词，赴^{东兖}济宁两道管准俱批本府提审。卑职遵将壹干人犯解府，各供出懋衡诡寄隐匿等弊，杨灿即手持博士名帖，当堂咆哮。前任赵知府见势宦挟制，不服审理，遂未结案，随批发城武、金乡两县会勘。詎意懋衡知奸弊昭著，理屈词穷，意图反噬，遂大逞势恶，捏款架诬，遍控司道各衙门。第卑职壹介寒员，惟知守法奉公，况官箴贤否，皆在

天台照临之下，惟是懋衡世受国恩，罔顾行检，夥奸结党，侵国嚼民，赋税敛入私囊，版籍

任为脱漏，视么麽小吏可以生杀唯命，值此法纪森严之日，而懋衡犹肆恶横行若此，目中宁知有三尺乎。卑职既确查有据，谨将懋衡抗审反噬情由，开造辩明冤枉清册壹本，同懋衡诡寄田粮册壹本，隐蔽户口册壹本，拟合哀祈

天台，大振威灵，秉公处分。庶国宪得伸，不独救全末员阖家生命，俾势绅巨慝亦知诡寄隐蔽之罪，难逃法网矣。为此备由呈详，理合开册具申。伏乞照详施行。须至申者。

右 申

太子少师袭封衍圣公府

康熙貳拾貳年柒月初拾 日 知县张泰来

县丞范台铉管粮

典史潘宏迪巡捕

沂陈势绅诡寄田粮等事

世袭翰林博颜懋衡呈为行查复圣府庙人役据情申覆事

〔康熙年间圣贤后裔暨四氏学生员等请优免差徭（一）（一五二五）之十五〕

世袭翰林院五经博士加三级颜懋衡为下邑力役宜均等事。蒙太子少师袭封衍圣公府札付前事，
准

兖州府手本前事内开，案蒙

布政司札付前事，蒙此随转行确查及屡催在案。今据邹县申送

钦赐例地及续置民田数目，并各庙庙户、礼生、乐舞姓名地数编簿邹邑□□□造报等情申送到府。据此，拟合移会，为此合用手本前诣贵府。烦将移去册内姓名，希即查明果否尽系供事之人，查明过府，以便汇转，仍乞转移各庙一并查覆。切口。等因到府，准此，拟合行查。

为此札仰五经博士颜懋衡，遵照札内事理，并发去姓名册编簿邹邑者，逐一清查果否尽系供事之人，星速造册报府，以凭移送等因。□□□□册内所开复圣府即卑职所开颜懋全系监生，颜伯倬系拔贡外，颜光然等四名系布衣族人，其地粮照寄庄户一例派徵者也。又查邹邑册所开庙户二百二十三名，内□□在庙轮流看□□□有祭期赴庙供役者，有摊输祭资置办祭

品者，外有原系庙户年老死亡一百四十三名不系供事之人而粮册仍有名者，又有见系供事而两社有□□一人者，又有庙户入学者，又查邹邑册内礼生之名除照班赴庙供事外，有巩成金等五名，久旷不赴庙供事，已经革黜者，拟合开造花名册除豁。伏乞

□□□□□□

右具

呈

康熙叁拾年捌月二十九日

籍隶湖北颜氏族入禀为请移会晓谕优免土费等差事

〔清朝时期复圣颜子后裔请优免差徭（二）（一五三三）之七〕

具禀颜氏族人生员颜怀瑛 生员颜怀坦 颜崇贵 监生颜裕堂 颜崇陟 住湖北安陆府潜
廩生颜永申 副贡颜如丹 颜永廉 颜其铤 住湖北荆州府江
住湖北荆州松

江陵县 为再求移会申详优免以广 恩例以昭祖泽事。切生等于本年六月间，蒙颜氏宗主查明
滋县

宗谱，实系颜氏后裔，并非冒宗，申详 爵宪，援例优免，蒙 恩移咨。生合族感戴。文到之日，所有文内声明保甲、圩长、土长、垌总勒捐派买仓谷等差徭，均蒙优免。奈生处尚有土费局首、圩正收头、院亩夫费、捐写乐输、船铺行户、脚夫码头、水陆关卡、买卖厘税、百工手艺等差，未奉明文，不能概行豁免。为此奔轅再恳，给咨移省。将所有一切杂派差徭，声序明白，概行优免。并乞分移潜江、江陵、松滋等县，出示晓谕，援例给牌，一体优免。庶 恩泽普被，雨露均沾。叩乞

仁明宮保天宗主 恩准移會施行。

咸丰八年十二月 日

署鄂抚咨为准沔阳州颜子后裔免差给示勒石事

〔清朝时期复圣颜子后裔请优免差徭（一一）（一五三二）之九〕

太子少保头品顶戴署理湖北巡抚部院胡 为

详覆事。据湖北布政使罗遵殿详称，案查前奉阁督部堂官 札开，咸丰八年二月十五日准衍圣公孔咨开，案据世袭翰林院五经博士颜振吉详称，据汉阳府沔阳州族人职员颜宗勋、颜邦兰、监生颜宗瑚、颜怀瑛等禀称，为呈恳鉴核援例优免以广

皇恩以培道脉事。职等原籍山东曲阜县，

复圣祖七十六代孙，鲁公真卿祖三十六代孙。缘鲁公于唐永泰间，谪江西吉州司马时，游禾山，大书龙溪二字于悬崖，至今犹光争日月。四传至我伯祖翊公，令永新，览遗迹不忍去，遂与我祖台州招讨使翊公及叔祖鄞州刺史翔公同卜居双乳峰下。迨至十六代希仁祖，授湖广襄阳司理，致仕未归，入籍沔阳，厥后子孙蕃昌，散处各邑，皆宗 鲁公而祖

复圣也。嘉庆二十年，湖南湘潭县我祖翊公裔孙祀生怀宝等援例呈请优免杂派差徭，颁示勒石署前。道光七年，湖南甯乡、清泉、零陵等县我祖翊公裔孙邦域等，亦援例呈请，已蒙盖印申

详公府，咨请飭县允准。除置买田产正供自修堤埝外，凡遇保甲、圩长、土长、垵总、勒捐、派买、仓谷及一切杂派差徭，概行蠲免，勒石亦在案。今职等实系东鲁一脉相传，均为

复圣嫡裔，自应雨露均沾，理合捧谱敬呈宗主赏赐查对盖印，申请公府核盖紫印，咨会湖北督宪飭州一体优免，庶

恩泽普被，支子顶祝无既矣。等情到职。查颜宗勋等所呈族谱，实与湘潭、甯乡等县颜氏，俱系

鲁公之后，同出一祖，并无紊乱冒宗情事。除将族谱铃盖印记外，理合申请爵宪，移咨湖北督宪，札飭沔阳州，援照湖南湘潭颜氏之例，一体优免，俾得雨露均沾。再查湖广两省，颜氏繁多，不无同姓不宗，伪造谱牒滥邀者，均未可定，俟后凡遇颜氏呈请优免者，先将族谱呈送到职，查对明确，加以铃记，申详爵宪，查核办理。如无爵宪明示与职铃盖印记者，即系伪造，概不准其优免，以杜假冒，而清支派。理合将谱牒详请俯赐铃印，并祈咨请湖北督宪飭州，援例优免，实为恩便，伏乞照详施行。等情到本爵。据此查

先圣先贤后裔，除大差不准优免外，凡有一切杂派差徭，例准优免，历久奉行在案。今既据该翰博查明颜宗勋等实系

复圣嫡裔，迁居湖北，并无冒宗情事，核与优免之案相符，应准其所请，咨会核办。兹据前情，除详批示并将所呈族谱铃记飭发给领外，拟合咨会。请烦查照文内事理，希即檄飭沔阳州，将颜宗勋等族人凡有一切杂泛差徭援例优免，以示体恤，而别齐民，实为公便施行。等因到本部堂。准此，合就札行，备札行司，即便查照例案，转飭沔阳州，将颜宗勋等族人一切杂泛差徭即援优免之例办理，仍将遵办缘由通报，毋稍延迟，切切。又奉抚院札同前由各等因。奉此，

当经转飭去后，兹据沔阳州详。据职员颜宗勋、监生颜宗瑚、职员颜宗焘、颜邦兰、颜宗旭造具应免差徭名目清册，检同印谱呈请核对示谕给牌等情，除分别给牌示谕外，相应照册详请查核给示勒石等情。据此，本司遵查

先圣

先贤后裔，一切杂派差徭例应准其优免，除正供事务不计，历经遵办在案。今颜宗勋等，既据该州查明，实系

复圣嫡裔，即请照例优免杂泛差徭，自应俯如所请，准予给示勒石，相应详覆，伏候查阅批示，以便转飭遵照勒石，并请咨覆

衍圣公查照。等情到本署部院。据此，除批飭遵照勒石外，相应咨覆。为此合咨贵府，请烦查照施行。须至咨者。

右 咨

衍 圣 公 府

咸丰九年正月 二十八

本署部院公出委藩司 代印

翰博颜出示晓谕会人等为起会修工不滋事搅乱偷漏课税

〔圣贤后裔世袭翰博等稟请维护原有集市征税权益（四八六四）之三十五〕

世袭翰林院五经博士加四级颜 为出示晓谕事。据太平桥会首稟称，窃本村旧有天齐庙一座，系府中香火院。向于每年三月二十八日设有盘香古会，届期牙行所输税务，系本村会首经理收存，以备修葺庙宇，由来久矣。嗣因南捻窜扰，教匪猖獗，每逢会期，虽有如无。今贼匪荡平，东省一律肃清，况且庙宇坍塌，神象暴露，村民目击情伤，理应捐资重修。乃工程□□意欲起会照口抽收，以备修工，恐有无知棍徒从中阻挠，借端滋扰，不敢自专，理合稟明，叩乞恩准出示晓谕，以免骚扰，感德无既。等情到院（职）。除飭差巡查外，合行出示晓谕。为此仰会□人等知悉。自示之后，如有无赖棍徒酗酒赌博打架滋事搅乱会场以及讹诈等情，立即扭稟，以凭口照例究惩，决不宽贷。尔等凡卖买牛驴牲畜，务各公平交易，不得私相授受偷漏课税，致干并究，各宜凜遵毋违。特示。

圣公府存卷

同治八年五月十八日到

都察院副都御史巡抚山东丁咨为颜翰博于会场与官争税

邹县上请确实查究办

〔圣贤后裔世袭翰博等稟请维护原有集市征税权益（四八六四）之三六六〕

太子少保赏戴兵部侍郎兼都察院右副都御史巡抚山东等处地方督理营田兼□督□□□□□盐政丁 为

据稟移咨事。同治八年四月初四日据邹县知县韩文和稟称，窃卑职奉布政司委署邹县篆务，随于本月初四日接印任事，通禀宪台查考，奉批飭将地方事宜认真经理等因在案。卑职一面办理考试，一面将地方事宜挨次稽核，本年上忙钱粮，前已征解正银二千两，养廉银二百八十两，并将征杂税一项一律催征，以期源源报解，接济饷需，始查悉县属各集经纪，向多悬额未补，以致税项短绌，完者寥寥。诚恐其中或有顶冒朋充以及刁徒把持等弊，现在分别严查。本月二十八日正值城西浔桥即徐镇桥，又名太平桥会场，牛马骡驴照例均应抽税报解，当即签派妥练丁役于该处庙旁设立棚厂稽查偷漏。卑职考试已竣，亦即亲身前往弹压稽查，正在商贾云集之时，忽有世袭五经博士颜承裔带领家丁耿春芳等突如其来，口称此地会场向

应颜姓收税，前因匪扰不靖，无暇顾及，权让县官征收，现仍应伊办理等语。卑职当谕以各处税项皆系上关

国课，从无应归绅民征收之理。该博士又称入税归县收应赴别处设厂，此地应归伊管，不能在此办理云云。卑职闻听之下，不胜骇异。普天之下，莫非

王土，三尺之童亦明此理，该博士身属

先贤后裔，何出此言。且先前卑职正在考试之时，该博士前来求见，首称浔桥会税近年甚形寥落，必须示谕商贾广为招徕，卑职询以会场坐落地面是否邻近祀田。该博士复称该处并无祀田，又询以此地钱粮向来是否赴

衍圣公府完纳，抑系赴县完纳。该博士又称向系赴县完粮。卑职当晓以该处既非有关

先贤祀田，向来又系完粮，是此地与博士一无牵涉，不应干预。该博士语塞而去。卑职随即示谕商贾，照旧完税，不准偷漏。今该博士竟于会场之上大张告示，盖用铃记，大略谓抽收行税以备该博士香火庙宇之用。并且私搭税棚，多人保护，经营汛典史向前弹压，温言开导，该博士口称山东只应有一驴行头，其余行户皆不应有。似此妄诞无知，明系仗势袭职任意妄为，伏思究郡为

先圣贤乡梓之邦，袭职者非仅颜氏一人，如均似此无知干预公事，以后地方官办公诸多掣肘，此风断不可长。除将该博士家丁耿春芳等带县看管，听候查办，一面稟报

衍圣公外，理合驰稟鉴核，俯赐委员来县照例讯办，以示惩儆。兹将该博士告示照抄恭呈宪览，并祈一体咨会

衍圣公知照，等情到本部院。据此，除批司委员前往确查究办外，相应移咨。为此合咨
贵公府，烦请查照施行。须至咨者。

计粘抄告示一纸

右 咨

袭封衍圣公府

同治八年五月十六日

嘉祥颜锡广稟为堤工不均情愿自备自负事

〔清朝时期复圣颜子后裔请优免差徭（二）（一五三三）之二十五〕

具稟颜氏族人颜锡广住嘉祥县

为摊派堤工有防（妨）恩例叩恳移咨查办事。切黄水汎溢，曹府郛，距（钜）一带打筑长堤，以防水患。夫头摊派堤工据言县主示谕，闾境均按地出夫，派身等出夫九名，开年起工。身践土食毛，自应遵行无违，第念优复恩例，

国朝二百余年叠奉

恩诏，凡先圣先贤后裔，一切杂派差徭概行蠲免，示别齐民，遵奉在案已久，则属在圣贤裔孙不敢违例，而亦不忍忘恩。但嘉境寄居者，身一家耳，今虽析而为三，而地仅顷馀，人止数丁，九夫从何而得。如果堤工人不符合，身等亦乐于赴公，情愿自备自负，无论二丁、三丁夫价分毫不敢承领，至与齐民无别，以坏一朝

盛典。为此叩恳

鸿慈，念斯文一脉，移咨县主，查照恩例体恤格外，庶祖德不至就湮，而

君恩得以永垂矣。上叩

仁明公爷宗主大人台下施行。

同治十三年十二月 日

札翰博顏景埉为严禁该翰博擅自行文外省及采购物料事

〔查究伪造公文及借名招摇各案（二）（六三三三）之十七〕

袭封衍圣公府札应袭翰林院五经博士顏景埉知悉。案查光绪六年八月初七日，准

抚部院咨开，准 湖北抚部院咨。据复圣府典籍官曾广荃稟称。奉复圣裔世袭翰林院五经博士顏派委，赴鄂采办修庙木植，曾经行文

两江总督，请札飭各局卡，免抽厘税，合并稟请札飭各处，一体免收，嗣据通省牙厘总局详覆，业经查例酌办在案，各等因到本爵。准此，查孔、顏、曾、孟各

先圣庙，均系

钦工，至应修时，例由本爵咨准 抚部院请

旨遵办，在本爵且不得擅自派员行文外省，采办物料，今该翰博不查向章，亦不详明本爵，公然派员赴鄂采办木植，且擅自行文外省督抚，札飭各处，免抽厘税，殊属谬妄。合行严札申斥，除抄粘原咨外，为此札飭，札到该翰博宜即遵照，嗣后不得擅自行文外省及派员采办物料。若再蹈前辙，定当立与参处，决不宽贷。凜之慎之。勿违。切切，此札。

计抄粘原咨一纸

光绪六年八月二十九日

圣公府行

东抚咨为筑堤自卫身家非同官差请飭颜怀先照办事

〔光绪年间圣贤后裔暨四氏学生员等请优免差徭（一五二九）之三十七〕

头品顶戴兵部尚书衔兼都察院右副都御史巡抚山东等处地方督理营田兼提督衔节制全省军务兼理盐政监督临清钞关一等轻车督尉兼云骑尉世职霍钦巴图鲁张 为

咨清事。据署齐河县知县曹和浚禀称。窃卑县光绪十年创修大堤，加培民埝，工程浩大，均系按地摊工。年来增倍各工亦皆照此办理，四氏后裔之籍隶卑职境者，均照齐民一律修工。本年五月间，卑职禀奉宪台批飭，加培五里堡等处临河民埝，其五里堡埝工二百三丈，取土较远，并蒙恩准，优给方价。卑职复因该处工不易派办，调六里民夫，通力合作，所以体恤闾阎者，实已不遗余力。兴工旬日，将次告竣，卑职昨往催工，查有马坊里之颜庄摊修段落尚未动工。据承修首事徐天元禀，颜怀先仗恃贤裔，抗不认修。颜怀先等亦以徐天元违例擅派等情互禀前来。卑职查四氏后裔例得优免差徭。然所谓差徭者，系指何应官差而言，至于修培堤埝，系属自卫自家，颜怀先等应体圣贤饥溺由己之心，踊跃从公，不得混指修埝为差徭，以为抗工地步也。查同治六年宁阳县北境修石梁口堤工以御汶水，四氏后裔尚照齐民一

律按地摊资，当经职员孔广濂等控蒙卢藩司批示，四氏后裔优免杂项差徭，本有例案可稽，但此次修筑石梁口堤工，既经该县议禀按亩出资有案，诚如本府所批，不当与差徭相提并论。等因。是堤埝为保卫民生，与伺应官长之差徭绝不相涉也。且黄河之害，修工之急，百倍於汶河，民间摊工赔累情形久在，宪台洞鉴，倘任颜怀先等借词推诿，则一朝幸免摊派，此后即援为成案，将民粮之诡寄於四氏名下，日益加多，尤不得不力防其弊。兼之卑县工段险要且长，无论抢护修培，全恃百姓用命，方免疏失。閤境民

卫六十七里，四氏后裔所在皆有，若皆如颜怀先等以摊修堤埝误会差徭，任意抗延，贻误堤防，所关匪细，再四思维，惟有仰恳

宪台明定章程，四氏后裔遇有应修堤埝，不得视同差徭，希冀优免，实於河防大有裨益。愚昧之见，是否有当，理合稟请

大人鉴核，速赐示遵等情到本部院。据此，查河工筑堤修埝，均为閤閤保护身家，非寻常差徭可比，且按土方给予工价，并非派累。四氏裔应一体出夫，以顾大局，前因东阿、章邱、惠民等县稟经移咨贵公府转饬遵照在案，今该县事同一律，未便任其抗违，致误要工。除批饬妥为劝谕外，为此咨会

贵公府，请烦查照，飭令该博士传谕颜怀先遵照，望速施行。须至咨者。

右

咨

裘封衍圣公府

光緒十三年六月十四日

五、曾氏

嘉祥曾氏后裔请优免河工杂役差徭事

〔咨行河督鲁抚优免孔颜曾孟四裔地亩摊派河工帮贴一应杂差（一）
（一四五〇）之七〕

内弘文院世袭五经博士加一级曾贞豫为恩准咨会以全四氏成例以杜本县扳口俾国典不坏圣裔庶无异同事。窃照孔、颜、曾、孟久荷 历朝优崇，承袭世职，除

钦赐祭田庙户不入地粮丁差外，所有续置民田并族人庙户地亩册报该县，止输正供，豁口口差，盖非一代为然，更非一处为然也。至我

清朝，恩加宠隆，兼以 部文二次申飭，照例遵依通行在案，今虽奉 新例，绅衿不准优免，而四氏仍照旧例豁免民差者。因^职等原不与绅衿同列，固不在一品以至九品之例也。今有嘉祥生员秦维亨等，谬称 新例绅衿不准优免，扳派黄河夫草口口曲阜孔颜遵例除豁河工杂役无

庸关会外，陈知县详会济宁州批称仲庙地亩照全书例免，再关邹县回称，查五经博士孟本身并族人庙户地亩，凡系河工口役等差，例有优免，今柳穰等项，亦无摊派，卷案见存。岂意三五生员刺刺不休，仍将

职

职仰体

本身地亩并族人庙户按数扳派，催逼赴工。钦工急务，无论应否摊派，即将夫草照数雇运河干矣。抑有请者四氏世袭圣裔原非口各州县科第乡绅也，四氏豁免民差，原不同一品以至九品之粮石优免也。借曰绅衿不免系属新例，不知绅衿亦有

钦赐屯地庙丁，亦有历朝恩崇，亦有部文申飭否耶。倘此例一坏，不止曾氏千百世之

国典不

存，恐四氏之恩例因今日之异同，竟为他年之口实矣。事关圣贤后裔同沐皇恩盛典，不得不痛陈颠末，以全一视同仁之成例也。恳乞

大宗主恩准，咨会河台，查复旧例，永禁扳扰，庶

皇恩不至空悬，而圣裔亦得安守林庙矣。须至申者。

右 申

袭封衍圣公府

康熙九年九月 日 申

恩准咨会等事

准咨

署长沙府为勒石优免该地曾氏一切杂差不得混派滋扰事

〔武城曾氏重修族谱（一）（一二四一）之二〕

署湖南长沙府事。宝庆府正堂加十级纪录十次玛为援例恳详优免差徭勒石晓諭事。案据宁乡县谢攀云通详生员曾衍咏禀称，咏氏族众原籍山东，分居楚宁，实系

宗圣曾子嫡裔，请照孔、言（颜）氏例优免差徭采买一案，奉各宪批飭如详准其优免在案，本府查曾衍咏支传，一贯迹寄三湘，

宗圣后裔派系昭然可考。溯源流之有自，当共沐夫

殊恩，自应照孔、言（颜）二氏之例，于正供外一律优免杂派差徭。俾道隆贤胄，既有别于齐民，而礼恤

皇仁，使无征于力役。除行宁乡知照外，合行勒石晓諭，为此示仰属

军民人等知悉。该曾氏子孙

除正供外，凡遇甲保区首、团总社长、运丁夫役行铺船户、采买仓谷及一切杂派差徭，毋得任派曾氏子孙承办，以仰副

圣朝崇儒重道

令典。倘有仍行混派滋扰者，许该族人等指名禀究。各宜凛遵毋违。特示

嘉庆十二年 四月 日勒石署前

世袭翰博曾纪连申为请将两会俱捐宗圣祠内事

〔圣贤后裔世袭翰博等稟请维护原有集市徵税权益（四八六四）之七〕

宗圣裔世袭翰林院五经博士曾纪连为恳恩转行以培祠宇事。据城武县文亭山宗圣祠奉祀生曾传习稟称，切照城武县文亭山久建宗圣祠一所，于雍正二年蒙礼部准设曾氏奉祀生一名，以奉祀典。生现充本祠生。祠宇久建，殿宇倾颓，今已栖神无所，径城武绅士张凤鸣、张曰连、张天枢、张从质等捐修，招张本诚看守，现已兴工，而工费浩大，募告不足，大工不就，因思本山有会场三次，二月初六日一次，已经前任程县主李县主捐入祠内之资。尚有三月一次及十月初一日一次，均非报上官行。请将二会行税归入祠内，以供工作等情，呈报到职。据此拟合据情上请爵宪鸿慈，俯赐移行城武县主，将三月、十月两会俱捐祠内，以资兴作，俾祠宇完竣，实为两便。为此各由具申，伏乞照验施行。须至申者。

右 申

袭封衍圣公府

嘉庆貳拾伍年玖月十九日

札付城武县为因曾纪连申称再请复赐转行以维祠宇事

〔圣贤后裔世袭翰博等稟请维护原有集市徵税权益（四八六四）之十〕

袭封衍圣公府为再请宪恩复赐转行以维祠宇事。

道光元年正月二十五日，据世袭翰林院五经博士曾纪连申前事申称云云等情到本爵府。据此拟合移会。为此，札付

贵县，烦为查照，希即捐施，以维祠宇，移覆备案，望速施行。须至札付者。

右札付城武县准此

道光元年正月二十五日

湘抚咨为详查南派宗圣后裔真伪以便优免事

〔清朝时期宗圣曾子后裔请优免差徭（二）（一五三四）之四〕

兵部侍郎兼都察院右付都御史巡抚湖南等处地方提督军务兼理粮饷左为

详请咨查事。据湖南布政使钱臻呈详，案查嘉庆十九年，据攸县通详曾广新呈系

宗圣后裔请优免杂派差徭一案，奉院批司核议详夺。当经转飭确查详办去后，嗣奉前抚宪吴

札准

山东衍圣公咨。嗣后曾姓呈请优免杂派差徭，必须绘具宗图，同谱本呈报，移送宁乡县学，

协同南宗核对老谱。如果派系相符，即咨送东省翰博处复加详核，由衍圣公府咨覆到日再

行办理等因，通飭遵办在案。兹据攸县知县赵勳申据宁乡县学申称，嘉庆十七年十二月初一日，

案据山东奉祀生曾兴棧、四氏生员曾传巨等呈前事呈称，生祖

宗圣曾子所有嫡裔谱本，历系山东宁乡两大宗子联修，并查攸县曾传乐、曾广新等，实为

宗圣嫡裔，历与两大宗子联共谱本，今照旧修宗主翰博衙门业已移发伊等印谱在案，伊等既

系嫡裔，例应优免，现已准行在案。但吊（调）核

衍圣公府暨翰博盖印谱本查详，照依宁乡碑免保甲区首、团总社长、斗级公正、船纲行铺、运丁夫役、百工手艺、派买谷物及一切杂派差徭等事，为此恳恩赏移谱图，以便查免，实为德便，等情到学。查此案前准山东

宗圣裔世袭翰林五经博士曾移为存真杜冒等事移称，切查典例，四氏圣裔所蒙优免一切地面杂派差徭，其散居各处者，俱令所在有司加意优恤，顺治元年钦奉

恩诏内一款，凡圣门典例，俱应相沿，期于优渥。钦此。后因各州县奉行不善，顺治十三年、康熙十三年、四十年，先后屡奉

户部严飭，如有复行派扰者，详报究处等语在案。乾隆间，蒙各宪遵照

部文，业已勒石。嘉庆十年，南派宗子衍咏稟请优免族众，又立碑。案查得优免盛典，必须嫡裔，甄别真伪，必须印谱，无印谱假，无谱族假。

皇恩优恤，岂容冒滥，因溯敝院嫡祖

宗圣曾子十五传关内侯，据家吉阳子阐十八传尚书丞生珪、旧、略。珪生宽、綽、丰、晖、隐。宽

三传御史庆，生二子，长伟，次骈。嘉靖间，骈后归山东，授翰博，即敝院之祖。天顺中，

伟后徙宁乡，即现请袭翰博南宗之祖，是

宗圣嫡裔，一在山东，尚属次房，一在宁乡，实为长房矣。凡海内嫡裔谱本历系山东、宁乡两大

宗子，先人手尊。近因续修，要必历共谱系，又必历共谱系，又必一切字样恭避

功令，方准联修，惟恐同姓不宗，夥串梓工捏造新老谱本，紊宗逃差，敝院铃记 呈明

衍圣公府暨移嘉祥、宁乡两处宗子所在地方官长，互核盖印。又因子臣官印，祇可另页卷首，

不敢加于圣朝诰封宗族名上，恭将雍正三年

世宗宪皇帝钦赐省身念祖四字龙文图章，逐页戳盖，防拆印谱，串弊添闻，并查嫡裔造具名册，随存台案。更烦移明各县，凡已详准优免之处，除立碑外，请印免牌飭南宗子，盖已省身念祖四字图章，查对印谱，按户给发，一杜混领素宗逃差，一广

圣训省身奉发。如敝族等故意违藐，结会联盟，听信邪教，闹漕抗粮，聚众控官，嫖赌抢劫私宰，渎伦罔上，一切犯法事件，有一于此，玷辱圣裔，有关宗子户首之责，自应出族。该南宗子着各户首稟请该地官长，追缴免牌，不许优恤，如实守法，亦该南宗查确，既盖龙章，又造名册，呈请移送，一体优恤，于此严密，方足贵重。兹查南派宗子属在贵学，相应备文移请查照文内事理，飭严杜冒，并移送印谱名册各等因到学。准此，当传曾氏户首，覆加查讯，兹据曾兴槎、曾传巨、曾衍训、曾繁盛、曾祥吉供称，曾传乐等实系嫡裔，与生等共祖，一脉相传，例应优免等供。据此，敝学覆加确查曾广新等与南宗曾衍咏实系一脉。所有印谱宗图，已于嘉庆十七年十二月内移送在案，兹准移查，合行备文移覆，等因过县。准此，卑职查此案，已于嘉庆十九年七月内，将印谱宗图并甘结亲供加具印结通详在案，兹奉前因，合将查明缘由申覆查核等情到司，据此相应将咨到宗图印谱，详请咨送

山东衍圣公府，详加查核，是否派系相符，有无假冒，覆南办理等情到本部院，据此相应咨明。为此咨

贵爵府，请烦查核，是否派系相符，有无假冒，迅赐覆南，办理施行。须至咨者。

计咨送谱一部 宗图一纸

右 咨

衍圣公府

道光元年十月二十五日

东抚咨为转咨查照堤工采买非比杂差例不优免事

〔清朝时期宗圣曾子后裔请优免差徭（二）（一五三四）之九〕

兵部侍郎兼都察院右副都御史巡抚山东等处地方督理营田兼提督衔节制全省军务琦为札飭事。道光二年九月初十日准

湖南抚院左 咨，据湖南布政使钱臻呈详，奉宪台札开，照得

宗圣曾子后裔分居湖南，于嘉庆十年起，据宁乡县曾衍咏呈请优免杂派差徭采买，迨后各属相继详请，均经由司核覆批允，续据前司议详各属皆有应供营协兵糈动碾仓谷，例子秋收后按照时价，子有谷之家发银采买，以实仓储，与正供无异，原非杂派差徭可比，所有采买一项应请毋庸优免等情，当经如详批示通飭遵照在案。上年接准

衍圣公府移咨，据翰博申据湖南武陵县曾纪桥、醴陵县曾庆椒等呈请优免保甲区首、团总社长、斗级公正、运丁夫役、堤圩戥弓、船网行铺、百工手艺派买谷物及一切杂派差徭，除正供外概行优免等因，当经行司查办亦在案，因思

朝廷设兵所以卫民，采买谷石供放兵糈，系

奏明之事，非杂派差徭可比，前据司详酌议，嗣后遇有曾姓优免之案，不准并免采买，业经前部院批飭遵照，自应奉为成例，乃曾纪桥等于

衍圣公府朦混具禀，致来咨内载有优免谷物字样致与原议详案不符，自应将湖南原议章程咨明东省转移查照办理，以杜朦混，合行札飭。为此仰司该吏即便查照，将原议不免采买章程及修理堤垸情形，叙具妥详，以凭咨明山东抚部院，转咨

衍圣公府查照办理。仍于详咨后通飭各属一体遵办毋迟等因。奉此，本司查嘉庆十一年内，据长沙府详，据宁乡县生员曾衍咏系

宗圣曾子后裔，请优免差徭采买，以隆贤胄等情，经前司据情详奉批允飭遵，迨后各属援案详请优免者，均经查照详案办理。嗣于嘉庆十六年，经前司查采买谷石，原系地方官向有谷之家用价发买，以实仓储，供放兵糈，并非杂派差徭可比，不得借词免买。所有前已详准优免各案，应一体更正，止准优免杂派差徭，不准免采买等因，详奉前宪批允通飭遵照各在案。今武陵县曾纪桥等于衍圣公府朦混具禀，致来咨内载有优免派买谷物字样，殊与原议详案不符。至修理堤垸，凡堤垸内有田之家，应令并力修理，以期内谷有收，更非杂派差徭可比，尤不在优免之例。所称优免堤垸字样，亦属意存取巧，未便准行，除再通飭各属一体遵办外，相应详请咨明山东抚部院，转咨

衍圣公府，查照办理。等情到本部院，据此相应咨明，烦请转咨衍圣公府，查照办理施行等因到本部院。准此，除行藩司查照外，拟合移咨。为此合咨贵公府，烦请查照办理施行。须至咨者。

右 咨

袭封衍圣公府

道光二年九月二十二日

上饶县曾氏族人曾忠诚等恳为验谱铃印移府飭县概免杂差事

〔铃印曾氏族谱（一二四〇）之六〕

具稟曾氏族人

太学生曾忠誠
太学生曾意誠
曾代佩
翰林郎曾玉阶
曾代瑞等住江西广信府上饶县
太学生曾素誠
曾代培
庠生曾德意
曾代洸

为援例优免恳 恩移府飭县以安苗裔事。恭照生等始祖 宗圣十五传汉关内侯曾据由东迁南，十九传尚书丞，生三子，曾珪、曾旧、曾略。珪四传御史曾庆，生二子，长伟、次骈。明嘉靖间，骈二十二传曾质粹，奉诏归山东，袭翰林博士，世为东宗。曾伟后知州曾芝徙甯乡，世为南宗。凡南方曾氏族谱，例由南宗谱局查核明确，盖以省身念祖图章，东宗咨请爵宪验谱铃印，方为嫡派，始准优免，前奉各大宪批准通飭在案。兹生等重修族谱，南宗核对明确，系曾略公后三十一传昭盛、昭隆、昭灏，由南丰迁上饶，为生等居上饶之初祖，与东南两宗均 宗圣嫡派，并无冒宗等蔽（弊），例应优免。为此匍匐来东，恭恳

人宗主爵宪大人验谱铃印备文移会广信府，即飭上饶县。凡遇保甲里正、练总夫役、区首团总、庙头社长、乡约斗级、长造公正、运丁催头夫马、杂粮花布、船网行铺、屠谷（沽）草木、百工手艺、派买谷物，一切杂派差徭，除正供外，概行蠲免。希出示晓諭印记免牌，竖立碑记，以垂永久。庶恩泽普被，苗族（裔）得安。焚顶上叩。

光绪貳年正月 日

浦城县曾氏族人曾用九等为查验谱印移府飭县概免杂差事

〔铃印曾氏族谱（一二四〇）之七〕

曾用九 曾举忠

具禀曾氏族人

曾养志

曾述堂

曾焕之等住福建建甯府浦城县

曾述九

曾仲扬

为稟请照例优免移府飭县以安苗裔事。恭照裔等始祖 宗圣十五传汉关内侯曾据，不事新室，絮族南迁，十九传曾丞，生三子，曾珪、曾旧、曾略。旧徙云，盖珪五子，曾宽、曾绰、曾丰、曾晖、曾隐。宽三传御史曾庆，生二子，长伟、次骈。及明嘉靖间，骈二十二传曾质粹奉诏归山东，袭翰林博士，世为东宗。伟后知州曾芝徙甯乡，世为南宗。曾隐徙河南固始，子延祚，徙晋江。又二十九传曾衡，徙蒲城。为裔等初祖。与南、东两宗俱曾丞嫡孙，实 宗圣一脉，并无冒宗等蔽（弊），业经南宗核对明确，将族谱逐页戳盖省身念祖图章，既属渊源之有自，愿沾祖泽以无疆。为此捧谱来东，恭恳

大宗主爵宪大人验谱铃印备文移会建甯府，即飭浦城县。凡遇保甲区首、团总练总、社长夫役、斗

級、公正、船網行鋪、百工手藝、揀買谷物，除正供外，一切雜派差徭概行蠲免。希出示曉諭
印給免牌，豎立碑記，以垂永久。庶恩澤普被，苗裔得安。焚頂上叩。

光緒貳年正月 日

移广信府及建宁府为饬县遵例优免曾氏族入杂差事

〔铃印曾氏族谱（一二四〇）之八〕

袭封衍圣公府为据情移会事。案据江西上饶县监生

思诚

德义

曾意诚

代佩

素诚

代洸

庠生曾代瑞

等稟称。窃生等恭照族谱载

宗圣十五代嫡孙汉关内侯据公云云等情到本爵。据此查

先圣先贤四氏后裔，凡有一切杂泛差徭向邀准免，历久遵办在案。今上饶县曾氏稟请优免杂泛差

徭，核与历办成案相符，惟所开连保里长、夫役区首、团总社长、乡约斗级、长造公正、运

丁夫马、花布杂粮、船网行铺、屠沽草木、百工手艺、派卖谷物及一切杂泛差徭，应否一律

优免之处，自应据情移会。饬县查照办理，以示优异，而别齐民。兹据各情，除径札付上饶县

外，相应备文移会。为此合移

贵府，烦为查照文内事理，希即札饬上饶县，将曾氏应行优免一切杂泛差徭，援照核办，实

为公便施行。须至移者。

右 移

江西广信府正堂

为据情移会事。案据福建浦城县曾养志曾举忠述堂等禀称，窃族等恭照族谱载

用九 渔之 述九 仲扬

宗圣十五代嫡孙汉关内侯据公云云，同前。

右 移

福建建宁府正堂

光緒二年正月二十七日

圣公府

移饶州府为绅役攀差索诈请准提讯并立优免碑事

〔铃印曾氏族谱（一二四〇）之十三〕

袭封衍圣公府为据情移会事。案据江西浮梁县宗圣裔启事曾纪台、知印曾广英、曾传信、曾传兰、曾传生、曾纪麒等来曲禀称云。计呈浮梁县盖印告示优免牌各一纸，等情到本爵，据此查此案，前据该后裔等呈验谱牒，当经本爵核准铃印颁发，并移请转飭浮梁县，给发牌示准免，已由

贵府转行查明准免，给发牌示，并申报

布政司衙门查考各在案。案已照准，自应永远奉行。今生员程文浚、书办吴尚德辄敢将曾纪伦、曾宪玉私押班馆，举人吴舰等捏词妄扳地保，勾串门役赵克明，冒充委员，将童生曾子淦锁拿到局，坐堂责打，逼令承充地保，勒去洋银二十元。复将曾茂春、曾华林锁去勒令具结承充，逼写洋银票约三十一元，始行先后释放。如果属实，殊属不合。案关勾串门丁书差，冒充委员，私设法堂，非刑责打，勒索钱财，虚实均应提案鞠讯究办。兹据前情，除将浮梁县原发盖印告示优免牌发还批令临审呈验外，相应据情移会。为此合移

贵府，烦为查照。希即亲提全案人证，秉公鞫讯究办。并希查明铅山、弋阳等县，圣贤后裔，是否另有贤甲贤都名目，分别核办。此后除正供外，仍飭按照免牌告示，准予优免，树立碑石，以垂永远，而免扰累，实为公便。望速施行。须至移者。

右 移

江西饶州府正堂

光緒十四年十一月三十日

圣公府

启事官曾纪台等禀为大户攀差捏控恳恩移究并准立优免碑事

〔铃印曾氏族谱（一二四〇）之十二〕

具禀 启事官曾纪台 传信 传兰
知印官曾广英 民人曾传生 纪麒 等居江西饶州府浮梁县叩

公爷台前，敬禀者。窃职等于本年正月来曲，恭将族谱呈验，蒙赏铃印，并蒙移咨江西饶州府转饬浮梁县，除正供外，优免一切杂派差徭。职等于三月二十日捧谱呈县，禀请照例优免，给牌出示，蒙县主任批准，又蒙印给免牌出示晓谕。迨有生员程文浚、书办吴尚德穿通衙役，将职族曾纪伦、宪玉私押班笼二月有余，又诿本都举人吴觥、监生程际昌、黄德周、杨金彩、吴富万、吴道祥、郑仁筠等捏词联名控阻，违例妄攀，职族充当地保，将同治七年伊等逼勒职族曾文行顶充七甲绝户程姓门户地保差役，又勒索大钱二十四千之事，诬称职等央人说合，情愿充当。伊等手眼通灵，外持衙门，内蒙县主，不容职等分说，于五月十二日即批令充当地保不误。职等分诉具禀，数月未见批示。伊等又串通门役赵克明，离城二十里设局冒充委员，于八月初一日锁拿职族文童曾子淦到局。伊等坐堂如官，将童生打至血淋，逼令承充地保差役，当勒洋

银二十元始得释放。又于十一日复锁曾茂春曾华林到局，逼令具结承充。又多方吓诈，逼令写给洋银票约三十一元，始得释放。伏思地保由来已久，职祖迁居浮梁已有二百余年，岂有至同治七年将钱托人说合始谋充当之理。况职省如铅山、弋阳等县凡有圣贤后裔之处，皆称为贤甲贤都，优免一切杂派差徭，原与齐民有别。职等同为圣贤后裔，岂有分为两歧甘当差役之理。盖此事总由职族人单势弱，素日惟都中大户欺凌。遇有差徭，格外苛派。职等势力不敌，只得暂为隐忍，今既蒙铃印移文，名正言顺，又蒙府宪申报藩宪转飭浮梁县印给示牌，伊辈等胆敢捏词种种妄攀，殊为貌圣玩法。为此万分无奈，奔辕再叩

仁明公爷，恩准移咨饶州府宪，亲提程文浚、吴舰、赵克明等，按例面谕，不得滥行捏词攀扰。并请札飭浮梁县，援照旧例优免，于曾氏别为贤甲贤都，一体应试，除当堂自行完纳正供外，凡遇保长、甲长、社长、练总、里长、夫役斗级、伙食公正、运丁夫马、花布杂粮、船网行铺、屠沽柴木、百工手艺、彩（采）买谷物及一切杂派差徭，概行蠲免。并准立碑于浮梁县大堂之下，以垂永久，以隆圣泽，而别齐民。则职等永荷大德于无既矣。顶祝上叩，计呈浮梁县给发盖印告示免牌各一纸。

光緒十四年十一月 日 跪稟

六、仲氏

札付仲翰博为自置地亩应摊河夫帮贴以免偏累事

〔清朝时期先贤仲子路后裔请优免差徭（一）（一五五〇）之三〕

袭封衍圣公府为详请均摊河夫帮贴以免偏累事。

据世袭翰林院五经博士仲蕴锦呈覆前事缘由到府，据此查河夫帮贴一项，现在藩司奉 督院行查摊入大粮。 圣贤子孙除

钦赐祭田例地外，一切自置民田，因买卖无常，不便豁免，屡准司咨在案，今该翰博呈称

钦赐免例一则地六十四顷，二则地四十顷，是否

钦赐祭田，抑系自置之地。再族姓一则地、二则地并无数目，是否

钦赐例地，抑系自置之地，俱未开明，殊属率混。合再札付该翰博速行详查呈覆，立等覆司，毋得稽延。须至札付者。

一 立案
仲 翰 博

雍正十二年九月二十五日

裘封衍圣公押

移济宁州为贤裔仲民自置地亩应均摊河夫帮贴以免偏累事

〔清朝时期先贤仲子路后裔请优免差徭（一）（一五五〇）之十三〕

袭封衍圣公府为请洋均摊河夫帮贴以免偏累事。案准 布政司咨前事内开，据 济宁州详称，查得卑州大挑之年额徵河夫帮贴银二千六百三十四两四分，小挑之年额徵河夫帮贴银一千八百五十七两四分。旧例原于大粮地亩内另派徵解，以济河工急需。但查罔州百姓行差原额一亩地五千一百一十顷六十三亩七分一厘五毫三忽，百姓行差原额二亩地六千六百一十九顷九十一亩一分五厘九毫五纤。无论绅衿士民俱系一例摊派外，有 卫公宗圣仲庙

钦赐免例一亩地六十四顷，又有寄庄一亩地一百五十三顷。除正项在于原额内派徵外，每亩多徵银一分。二亩地一百九十三顷，除正项在于原额内派徵外，多徵银五厘。是差色粮内以上二项地亩例不摊派河夫帮贴银两。再查有仲氏子孙及端、闵各贤裔，有自置一亩地、二亩地，从前俱免夫银，相沿已久。今蒙檄飭，一例摊派。伏查仲氏子孙、端、闵各贤裔自置地亩，应否一例均派，或照旧例免徵，理合申请批示，以便遵行等因，详司。据此，除详批兖州府查议外，所有卫公、宗圣、仲庙 钦赐地亩，应否免派之处，拟合咨询。为此合咨贵府，烦

将 卫公宗圣仲庙 钦赐免例一则地并寄庄一则二则地，应否免派河夫帮贴之处，希速确查妥议移司，以凭详夺，幸勿迟滞施行等因到府。准此，随经札付仲翰博，速行查覆叠准 司催转去后，今于本月二十一日据该翰博申覆前事称，蒙札查河夫帮贴一项，圣贤子孙除

钦赐祭田例地外，一切自置民田，因买卖无常，不便豁免。职随备查全书内开载 卫公宗圣仲庙 恩免一则地六十四顷，每亩比百姓免派银九厘，二则地四十顷，每亩比百姓免派银四厘五毫，载在济宁志。当年原不足额，今止存免例一则地八顷二十一亩，二则地二十一顷五十亩，其余仲氏闾族地亩俱系统置民田，从前亦俱免河夫，相沿已久。今蒙行查，合即据实呈明，应否仍照旧例恩免，亦或止存例地免派，但恩渥出自 上宪，伏乞大宗府恩准转咨施行等情到府，据此查该翰博申开数目与

贵州原详数目大不相同。即据申开一则地八顷二十一亩，二则地二十一顷五十亩之处，亦无确据可凭。现今河夫帮贴议入大粮，必须确有可据，从无买卖之例地，并有实在数目方可咨覆免派。为此相应移文

贵州。烦为查照文内事理，希即确查

卫公宗圣仲庙

钦赐例地实在确据，画一数目，移覆过府，以凭咨覆。此系 藩司立等转详之案，希于封篆内查明移覆，幸勿迟滞施行。须至移文者。

一 立案

济 宁 州

雍正十二年十二月二十二日

袭封衍圣公押

兖州府济宁州移为仲翰博之祭田应均摊河夫帮贴事

〔清朝时期先贤仲子路后裔请优免差徭（一）（一五五〇）之五〕

兖州府济宁州为详请均摊河夫帮贴以免偏累事。准

袭封衍圣公府移前事内开，希即确查卫公宗圣仲庙 钦赐例地实在确据，画一数目，移覆过府，以凭咨覆。此系 藩司立等转详之案，希于封篆内查明移覆，幸勿迟滞施行等因到州。

准此，随备文移查去后，嗣准翰博仲移称，查 钦拨祭田系无粮地亩，坐落泗水县济宁二处，载入

大清会典无庸置议外，恩免例地载在济宁州志并赋役全书。内开 卫公宗圣仲庙成熟一则地六十四顷，每亩免派银九厘，二则地四十顷，每亩免派银四厘五毫。例在仲氏合族及众庙户地亩内，得沾九分四厘五毫之恩。查当年原系自置民田，与钦拨无粮祭田不同。其在仲氏者有免，过遇异姓者，即无免，成例已久。后因仲氏买卖无常，故不得尽援旧例恩免。至雍正六年间，众庙户以丁归地亩，不应寄在仲庙免例地粮之下，具控

抚督院岳 蒙批 藩县，令过割于本户本名下承粮，不得仍寄仲庙名下，已于雍正七年间移

州清查，过割本人名下承粮，各自照地完粮。故例地更不足额委无擅卖祀产情弊，且敝院名下现派一则地四顷八十七亩五分五厘八毫，二则地八十七亩二分九厘七毫一丝。庄一则地一亩，庄二则地二十五亩五分五厘。又仲氏历年免例，仲淑彭、仲汉津、仲尚鉴、仲弘源、仲鹤年、仲弘烈、仲弘勋等七户，现派一则地二顷四十一亩九分九厘，二则地二十三顷四十五亩二分二厘四毫九丝九忽八微。其余仲氏阖族地亩，实系买卖无常，故久不沾恩免之例，相沿已久。从前各上宪崇贤重道，因仲氏子孙同系贤裔，故亦免派河夫银两，但实系买卖无常，现今河夫帮贴议入大粮，应否一例均派，或照旧例免征，恩渥出自上宪，今准移查，理合据实移覆。烦为查照转详，等因准此。该敝州查得仲庙地亩，应否摊派河夫帮贴一案。前经敝州具详各宪请示在案，蒙本府批。祭田何得擅行出售，速查擅卖并有无完粮等因，当即移查仲博士去后，兹据覆称，祭田系无粮地亩，坐落泗水、济宁二处，载在会典，毋庸置议。至恩免例地载入全书，原系自置民田，与无粮祭田不同，后因仲氏买卖无常，故不得尽援旧例恩免等语，是此宗例地与现在承粮之民地无异，卖与仲氏子孙管业，则归入例地邀免。若一经推过别户，即不得援例恩免。所以该博士与仲淑彭等七户现在承粮地亩合计仅有三十余顷，与额编之例地不符，但仲氏系先贤后裔，应否仍循旧例，将伊等承粮管业地亩免其摊派，抑或一例均派之处，敝州备文详请府宪核转外，拟合备文移覆。为此合移贵府。烦请照转施行。须至移者。

右 移

袭封衍圣公府

雍正十三年正月三十日 典史缺

移押

世袭翰博仲为众庙户抗不供役烦请大宗府究治事

〔乾隆嘉庆年间处理先贤仲子路后裔讼案（三七〇三）之一〕

具申世袭翰林院五经博士加一级仲蕴锦 为庙户藐 宪灭典抗不供役事。本年五月初一日蒙

大宗府移咨 巡抚部院法批定 仲子庙于四十六户内每户各派一人，分作上、下两班，每班八

名常川伺候，一遇祭祀日期，再添十五名，听该博士自行调取，赴庙供役，祭毕仍将议添之十五名放回，止留八名常川供役等情，蒙批在案。职遂遵批于四十六户内各派一人，分作上、下班次，每班八名，如遇祭祀日期，再行调取。不意庙户仍行抗拒，八名之中有止来一、二人者，有一班之中全不到庙者。藐

宪灭典，深属不法。业于本年闰九月二十八日申请

大宗府差拘严谕，不意庙户傅士奇等仍敢抗拒，并不遵唤，藐视王章，殊干 国典，拟合仍具申文，
详请

大宗府恩准移会济宁州严拿，移送

大宗府按律究治。以儆刁风，以全祀典。伏乞查照施行。须至申者。

计申送

庙户傅士奇 住小流店地方 王尔涌 朱秀德 王自富 以上住潭口集地方 张朝佐 住谢家城

地方 李起先 住安兴集地方 李承先 住傅家庄 朱 缙 住河清口地方

右 申

袭封衍圣公府

乾隆二年十一月

前事

系抄稿

候开印日关提可也

朱纘等稟为无力同时应承本州仲庙两项差徭乞准豁免事

〔乾隆嘉庆年间处理先贤仲子路后裔讼案（三七〇三）之八〕

具哀怜陈情
朱纘 李成先 傅士起
张朝佐 王尔诵 王自富系济宁州民

稟为一人两应差徭民不堪命恳 恩超免共颂 尧天事。照仲庙口户以供洒扫，旧有 钦设 庙户人等常川伺候，由来已久。至身等于雍正七年未奉文清查地亩人丁之前，身等在仲庙寄 挂地粮输纳人丁，自应伺候。及于雍正七年，奉 院司明文，将身等地亩俱送本州入册承 粮输纳当差。是前为仲庙之庙户，今为朝廷之贫民。仲庙乏人驱使，理应差唤自投仲庙司永 漠等口伺候，今将身等复行差拘押禁多日。身等欲供仲庙之驱使，复当本州之差徭，民力几何， 不堪重应。叩乞

公老爷开好生之德，发恺悌之仁，垂怜贫民，恩准金批豁免，而身等生生世世永沐洪慈于无既矣。上

稟

自投仲庙应役人

司永漠

李纯斋

王之平

刘乙丙

乾隆三年四月

| | |
|-------|-------|
| 辛行刘一户 | 石付张一户 |
| 李世往 | 石付刘一户 |

林庙守卫百户官申为回禀仲庙庙户服役情形事

〔乾隆嘉庆年间处理先贤仲子路后裔讼案（三七〇三）之七〕

至圣林庙守卫百户官食守备奉加三级陈曰训申为一人两应差口口不堪命恳恩超免共颂尧天事。据朱纘、傅士起等稟前事蒙 发卑职询问，卑职遵即讯问傅士起。你们是仲老爷家户人，为什么不遵理法呢？傅士起供，有老的小的口口口口烦重投在仲庙寄挂田地粮银伺候是实。因仲老爷家丁银太重，一个人纳三丁，要七钱四分银子。又问，一个人怎的纳三丁呢？又供，一个老丁纳二钱四分，两个帮丁是五钱，共银七钱四分。又问，是你投到仲庙挂地来么？又供，是小的老的做的事，小的不知。至雍正七年前，有费大老爷明文，仲老爷差人送到济宁州入了册，现有州上刊的石碑文案可凭。问王尔诵，你说你为什么出户呢？王尔诵供，雍正七年有

皇恩有费大老爷明文，仲老爷着文送到州上，小的焉敢出户。彼时仲老爷送的，如今又要小的洒扫伺候。问王自富，不到。有自富之孙王业供，雍正七年丁归地亩，至今有十几年了。并没要丁，也没叫伺候，如今又要叫小的们洒扫，州上有存的案。问张朝佐，你不遵仲庙口不是户人么？张朝佐供，小的怎么不是户人，当日寄挂过地亩钱粮，雍正七年前上仲老爷愿意送到

州上，小的敢说不是户人。王文经告状，有明文行到州上，有存的案。问李起先，李起先到，有起先之孙李振供，有小的老爷自顺治年间投仲庙挂地纳粮，因折银六钱四分，至雍正七年奉

旨丁归地亩钱粮，送济宁州入册，仲庙原有八户洒扫，并没找我洒扫，如今又叫口洒扫伺候。问朱纘，你为什么出户不遵？从实说上来。朱纘供，有小的老爷名是朱道普，自顺治年间挂地于仲庙，后仲庙与宋姓打官司，叫每丁外帮助二丁银五钱，后以为长（常）例，口丁七钱四分，是一人三丁了。至康熙年间，因丁银苦累，递调陈免去一钱，仲庙吩咐每丁六钱四分，外赔纳死亡逃遗等丁，每丁六钱四分，

公爷家户人每丁一钱二分，仲庙户人每丁七钱四分，递过调陈告状，蒙

公爷吩咐，照

公爷家户人例子，于今仲老爷还照六钱四分，并没照这例子。又问，仲庙也审户不口口老添幼么。

又供，审户添的新丁，是二钱，无帮丁。老丁有帮丁，二丁帮银五钱，各等供在案。缘系奉发事理，卑职拟合备录各供并碑文详报，伏候

府宪公爷电阅施行。须至申者。

右 申

袭封 衍圣公 府

乾隆三年四月 日 申

照 详

世袭翰博仲貽熙呈为刘钿等伙吞借款乞予核咨事

〔嘉庆道光年间处理先贤仲子路后裔讼案呈文（三七〇四）之八〕

世袭翰林院五经博士仲貽熙为忘亲夥仇坑累九载恳祈咨请亲提以清积案事。切职岳父刘勃园，向在济宁开信义烟店，于嘉庆十二年揭职公项京钱四千七百串，一分三厘行息，旋因奸夥刘钿、刘锐诡谋鲸吞，亏累三十余万串，债主王鹏州强拆房产，大肆威逼，职岳自尽，伊子刘培等奇冤不伸，职曾呈明州主，伊亦不请验讯，反受王鹏州主持，将欠囊之账贱买作本霸占自开，刘培等利其月支，甘忘大仇，职家公项高搁不理，职不甘，呈州仅还京钱二千串，其余硬抗不还。职因其辜恩昧良，历呈州主

道藩宪俱批讯追，无如伊等同谋一局，贿嘱差役柴应奇压搁多载，未到一人，职万出无奈，始于嘉庆十七年呈控

抚宪，批交

本道提追，伊恃富贿差，延挨不办。更可恨者，将职抱呈仲绪珙勾串入局，贿给月支，使职有冤难诉。职随将勾串确情呈明

前道宪熊，批飭济宁州讯究。柴应奇代为捺按，亦未办理。嘉庆十九年王鹏洲病毙，刘培

等竟与旧夥刘允度、刘振华等仍用信义旧号，复开贸易，得利自肥。职因伊昧良辜恩，坑职公项，于嘉庆二十年稟请

爵宪鉴核，蒙咨

本道宪委 兖州府提讯，职投府候质，伊抗提不到，职因祀典暂回，伊反以延案肆诬。职将前后确情叙具亲供，请咨送案矣。案内如刘钿、刘锐系经手揭钱人，刘圭系财东，仲绪玕系被勾入夥，柴应奇系受贿差役，均未到案。惟刘埴一人诣府，故不输服。此乃伊等串通柴应奇故施神术，安心贖累无底耳。府主即再移催平官行提，终归无益。职先受坑撇，现遭拖累，情实难甘。理合再清爵宪鸿慈，俯念九年未结之件，咨请

抚部院恩赐查照原控旧案，提辕亲讯，则感戴无既矣。为此具呈，伏乞爵宪恩准核咨施行。须至呈者。

计呈开

刘钿 刘锐系经手揭项人刘埴 刘圭系财东

刘允度 刘振华系分股夥计

仲绪玕系被勾入局图受月支之人

柴应奇系州差乃得脏之人

右 呈

袭封衍圣公府

嘉庆式拾年捌月十一日

翰博仲貽熙申为佃户王进修抗欠柴租请移府提究事

〔道光年间处理先贤仲子路后裔讼案（三七〇五）之二十四〕

申文

世袭翰林院五经博士仲貽熙为据实陈明清咨府宪查卷会审事。切于本月十四日接准济宁州票开，准兖州府移开，蒙

藩宪札飭，转奉

抚宪案验准

衍圣公府咨，五经博士仲貽熙因佃户王进修等抗欠祭祖，请委大员，会同兖州府审办缘繇到院行司委员到府。除委员前往泗水县守提王进修等到府会审外，移会将原告仲貽熙迅速传唤赴案等因，到职。伏查此案自道光二十年，将该佃完银旧卷申请移咨。前府宪阅卷讯断，职即随文赴案，当蒙断结飭令该佃照旧完银。王进修等供称完纳银豆不便，情愿按年每亩共折纳京钱二百四十文。复恳免其诬控之咎，当堂具结详报，乃王进修等违断不遵，即于二十年七月、九月，二次申请

爵宪移咨 前府宪，札知泗水县，飭令遵照详断完纳各在案，王进修仍恃符勾佃，节年违断，抗欠不清，故于本年六月复申请移咨

抚宪，改委大员，查照前详会同讯办。兹蒙委员到充，请将王进修等提案讯究，其违断抗租，罪有应得。至唐永让、唐永谦、齐君法、马文明等前据泗水县详销声称俱已身故。如果唐永让等既经身故，本名下所欠祭租，自应传追其子孙完纳。不能因其已故，任听抗欠，种种情节，似无庸职到充候断，理合备繇俱申。伏乞

爵宪电核，移咨

府宪，会同委员查照前卷，将王进修等提案讯究。若王进修不服其罪，须有质证之处，即祈移覆

爵宪札知到职，再行遵照赴案。须至申者。

右 申

袭封衍圣公府

道光二十七年八月十九日申

兖州府移为佃户王进修抗欠租银一案催仲博士到案对质事

〔道光年间处理先贤仲子路后裔讼案（三七〇五）之二十六〕

移文

署理兖州府正堂加九级纪录十八次汪 为移会事。道光二十七年九月十六日准

贵爵府移开，本年八月二十二日据世袭翰林院五经博士仲贻熙申前事声称，切于本月十四日接准济宁州票开，准兖州府移开，蒙

藩宪札飭，转奉

抚宪案验准衍圣公府咨五经博士仲贻熙，因佃户王进修等抗欠祭祖，请委大员会同兖州府审办缘繇到院行司委员到府，除委员前往泗水县守提王进修等到府会审外，移会将原告仲贻熙迅速传唤赴案等因到职，覆查此案自道光二十年将该佃完银旧卷申请移咨 前府宪阅卷讯断，职即随文赴案，当蒙断结，飭令该佃照旧完银。王进修等供称完纳银豆不便，情愿按年每亩共折纳京钱二百四十文，复恳免其诬控之咎，当堂具结详报。乃王进修等违断不遵，即于二十七年七月、九月二次申请爵宪移咨 前府宪，札知泗水县，飭令遵照详断完纳各在案。王进修

仍待符勾佃，节年违断，抗欠不清，故于本年六月复申请移咨

抚宪，改委大员，查照前详，会同讯办。兹蒙委员到究，请将王进修等提案讯究，其违断抗租，罪有应得。至唐永让、唐永谦、齐君法、马文明等，前据泗水县详销声称俱已身故。如果唐永让等既经身故，本名下所欠祭祖租自应传追其子孙完纳。不能因其已故，任听抗欠，种种情节，似无庸职到究候断，理合备繇俱申。伏乞爵宪电核，移咨府宪，会同委员查照前卷，将王进修等提案讯究。若王进修不服其罪，须有质证之处，即祈移覆爵宪，札知到职，再行遵照赴案等情到本爵府。据此，移合据情移会。为此合移，烦为查照文内事理，希即查照前卷，将王进修提案讯究，以凭核办施行等因，准此，查此案前蒙

抚宪飭司札委候补通判凤 来府提讯，王进修等抗欠祭祖租钱文未清，因该博士屡提未到，所有被告人等未便在郡久押。兹累开具供摺，会同委员具禀，一面札发滋阳县递回泗水县追缴给领在案，嗣奉

藩宪转蒙

抚宪 批据该府会同候补通判凤倅禀呈控佃户王进修等抗欠祭祖一案，讯明大概情形缘由，奉批据禀已悉。仰布政司即飭该委员销差，一面飭令泗水县将佃户王进修等所欠该博士租价钱文，赶紧如数严追给领，仍飭兖州府迅速催提该博士到案，按照王进修等供词讯明，是否相符，另详核办，毋迟缴禀摺抄发。等因到司。奉此，合行札飭，札到该府立即遵照移知该倅先行销差，一面催提该博士到案，按照王进修等供词讯明，是否相符，拟议径

抚宪，暨报本司查考。并即飭令泗水县，将佃户王进修等所欠该博士租价钱文，赶紧如数严追给领，均毋违延。切切。等因到府。蒙此，除移济宁州飭提伸博士来府讯明核追外，拟合移会。为此合移

贵爵府。请烦查照施行。须至移者。

右 移

袭封衍圣公府

道光二十七年九月二十日移

咨兗沂曹濟道移兗州府為遵例仲緒基應先由本爵傳訊煩請飭鄒

縣移送事

〔咸丰年間處理先賢仲子路后裔訟案（三七〇六）之三〕

太子太保裘封衍聖公孔為咨請檄飭解案事。查本年四月二十日據翰林院五經博士仲緒坤稟

稱云云，等情到本爵。據此，當經批准，一面委員將仲緒基傳案去后，茲據該委員陳怀清稟稱云云，等情前來。查

圣贤后裔各氏翰博并額設各官，均系本爵管轄。凡有呈控在案者，例由本爵先行傳訊，或自行斷結，或移送地方官審訊，歷久辦理在案。此案該翰博仲緒坤呈控到案，自應先行傳訊，鄒縣庫書李宪章胆敢將仲緒基藏匿，暗令叫屈門丁王姓將伊管押，不令帶案，并称仲緒基先行貴衙門呈控批令鄒縣集案訊斷，硬將仲緒基管押不发，实属非是。是否庫書串同門丁舞弊，兗沂道抑系实有其事，現經該翰博既在本爵呈控，无论仲緒基先在别衙門控告，应将仲绪基先行移送本爵訊断，再行分别核办，以符定制。茲据前情，除咨

兗沂道外，拟合_{移咨}。为此合_移咨

贵道。请烦查照文内事理，希即严行札飭邹县，并飭委首提。速将仲绪基移送本爵，以凭讯办，毋稍宕延，实为公便。望速施行。须至_{移咨}者。

计_{移咨}提恩监生仲绪基

右_{移咨}

分巡兗沂曹济道

兗州府正堂

咸丰七年五月初三日

圣公府行

移开封府为转饬通许县遵例豁免仲子后裔杂泛差徭事

〔清朝时期先贤仲子路后裔请优免差徭（二）（一五五一）之五十〕

袭封衍圣公府为据情移会事。案据流寓河南通许县奉祀生仲耀鲁，贤裔仲统书、仲统化、仲统岭、仲貽兴、仲绪路等稟称云云，等情到本爵府，据此查

先圣先贤后裔，凡遇地方一切杂泛差徭，向邀优免，历久遵行在案，今仲耀鲁等，即（既）系先贤仲子后裔，自应一律优免，该前县勒令该生出具情愿办差之结，殊与恩例不符。相应移会照旧免差，以示体恤，而符向章。兹据前情，除稟批示外，拟合移会。为此

合移

贵府，请烦查照俯赐札饬该县，将奉祀生仲耀鲁等名下一切杂泛差徭概予援例优免，并将所具甘结注销，以别齐民，实为公便施行。须至移者。

右 移

河南开封府正堂

光绪二十一年四月十七日

圣公府 行

七、端木氏

札付浚县为世袭翰博端木本盛恳请优免差徭事

〔清朝时期先贤端木子贡颙孙子张宰子予后裔请优免差徭（一五四九）之五〕

袭封衍圣公府为恳请移文援例优免杂差事。据世袭翰林院五经博士端木本盛呈前事呈称，切职祖庙墓原籍北直大名府浚县，坐落张家庄、宋家庄两庄，旧为看守林庙户役。自前明以及本朝，凡修葺林庙，看守洒扫，需用人夫车辆，俱系两庄人等办理，一切杂差概行豁免，相传数百余年。于康熙四十年，又蒙先太宗主准照孔、颜、曾、孟各庙遵奉部文优免之例，移咨直隶抚宪，饬知府县，将端木庙族丁户役礼生人等一体优恤在案，遵行已久。近因约地往往扳报杂差，致令两庄人等不能两顾，将来先贤祠墓不无倾颓之患。为此恳请查照旧例，移文浚县，豁免杂差，俾两庄得以专力修筑，而职祖祠墓可永保无虞矣。等情，据此案查康熙四十

一年三月内准

直隶总督李咨覆，端木庙族丁户役贖礼人等，照四氏例一体优免。除行直隶守道转行遵照在案，至今年远日久，而约地复行扳派，兹据该翰博呈请援例行文优恤前来，相应札付

贵县。烦将端木庙族丁户役贖礼人等一切杂差，查照旧例，优免施行。须至札付者。

一立案

浚县

乾隆二十五年四月二十日袭封衍圣公

翰博端木继敏申为争袭起嫌匿钤陷害息乞伸雪事附粘单

〔嘉庆道光年间处理先贤端木子贡后裔讼案（三七〇〇）之十〕

世袭翰林院五经博士端木继敏为争袭起嫌匿钤陷害贿捏帮汗详请伸雪勒追事。缘职从堂叔端木传礼与伊父毓寅素有覬袭夺嫡之心。因谋争不遂，叠次挟嫌，指使伊弟传心，纠合族众传道、元林、毓魁、毓凤、传书、传易、传仁欺职父子两世伶仃，夥谋压绝，群肆凶横，屡为不法。又欺挟职祖母重势捏词代呈，离间骨肉，伊父子先曾同呈攻讦，今俱遗其名姓，若为事外之人，以冀遂伊父子覬觐之私，更以河北道宪札飭，不准伊父子与拔贡董贵麟、朱廷梁，岁贡刘太平、刘至兴等管理祠墓工程，伊见利藪已败，怀仇愈深，乃同谋捏款，赴

爵宪以欺师灭祖捏结承袭不孝等虚词诬控，蒙移浚县查覆奉文之次，职实悚惶。嗣经县主堂讯，并未有不孝情事，委因伊等吞使捐项，令毓寅父子自思调处之法，伊但听从传礼争袭匿钤之谋，仗恃贿买旁门远亲刘至兴、李人倓二人挟嫌帮禀，并不依人和处，亦不令职嫡门公亲刘太华等邻佑陈友德等到案。反又代职祖母及族众捏写呈词，请县咨覆，种种陷害，伊等俱认不讳，并声言伊若不能匿钤承袭，管工获利，定着族众再赴

爵宪禀控。窃思职承袭世职，原属嫡长子孙，当蒙验看给咨赴部考职，俱系职六叔祖毓魁给职办理，

有职嫡门公亲东野隆吉可证。又与族众同呈诬汗，显有挟嫌賂串之弊。况督理工程，系蒙

道宪札飭，以此挟恨，牢不可解，且坚匿铜铃，谓职诈追，任意弊累，不肯呈缴，今再详恳作

主飭追。除备呈县案，合再列条粘单，沥情吁详，伏乞

爵宪大人恩准，悯职单弱，作主勒追伸雪施行。

计粘单一纸

右 申

袭封衍圣公府

道光十九年六月 日

一、设贿争袭，阴谋夺嫡。职先祖世袭五经博士端木毓振，于道光十六年腊月病危，以职父传诗，素患腿疾，不能奉祀，职以嫡孙遗命照例请袭，乃职从堂叔端木传礼、传道觊觎世袭，希图夺嫡。怱怱伊父毓寅寄信于职表祖东野隆恭，并许给银两，不计多少，嘱托代伊营谋。东野隆恭以大义拒绝，寻复邀职大表祖东野隆吉至浚县，求其向职关说，将世职让伊。隆吉亦坚拒如前，且斥以废嫡立次，有干例禁。遂触伊怒，因纠合端木传道持刀村辱，逐出门外。职表祖即欲喊呈，职恐貽人笑，且增嫌忌，再四劝止。其设贿争袭，谋夺嫡宗，有传礼亲笔及东野隆吉、隆恭可证。此起衅之根源兴词之缘故也。

一、骗匿铃记，希图射利。职世袭木铃，系颁自 爵宪，累世承袭，以此相传。有铜铃一颗，不知所自，未敢擅用，亦不敢私毁。职遵先祖遗命，详请缴销，蒙准移县飭追。乃传礼、传道等包

藏祸心，希图射利，起意私匿。因职祖母德性柔和，群相欺骗，借压卵之势，遂窃弓之谋，显系传礼等骗据，故伊历次卖职，俱用此铜铃印照，此职详缴移追，又起衅积仇之一大端。

一、私用铃记，擅卖职名。职先贤庙例设供事生，以备赞相陈设，其执照自世职出印以颁铃，并不许索取钱文，且传礼、传道等竟肆强横擅卖供事生一名于尉氏县，得大钱十六千五百文，着传仁往送执照，业经职禀明前任王县主，蒙批候讯。唤讯移追在案可证，复于今年正月内卖给滑县闵寨中桐子侄二名三照，俱用铜铃。至二月内，毓寅父子补服朝珠亲赴中家贺喜，有闵寨乡地方可证。其诈索私卖者，又不知凡几。是伊等骗据铜铃，原为货职敛财之地。窃思世袭翰博东野某以滥捐供事，革去袭爵，治以余罪，况擅用私铃，更干例禁。职忝为宗主，若不声明缴销，一经发露，咎将谁归。

一、持刀逞凶，凌辱大宗。传礼、传道等既因争袭不遂，复因详追铜铃，积怀愤恨，终日寻衅毒辱先贤林墓。例有张宗庄户人供用马匹，于十八年正月初七日传礼等私票滥差张宗庄坐马二匹，又调斥乡约备马，稍迟，挟职呈送廉补厅案下，又谓职私庇，不令速受责惩，遂与传道纠合族众传易、传心等，向职先贤庙设誓寻职拚命，职畏凶潜匿。因寻职未见，伊等怒恨未泄，至初八日夜间持刀将职母妻凶殴，且令首职所逃匿处。经职母妻喊禀前任王县主蒙批在案。

一、挑间骨肉，教唆词讼。传礼、传道等既因叠次营私不遂，仇恨愈积，复经职母妻喊禀，又知情罪深重，乃恃骗铃故智，欺骗职祖母，并反恐吓以同匿铃记挟捆，送职不孝，呈词俱出伊手，此皆传礼、传道等畏罪情急，希图狡脱诬造极恶，以谋陷害。职果逆天良，必自取灭亡，

即幸逃罪，何以掩奴仆之耳目，塞亲族之指摘，现有侍奉职先祖之老雇工司成、司杰、传春，有至今四十余年者，有至今十八、九年者，有至今六七年者。及职嫡门公亲刘太华，邻佑陈友德、李和太可讯。似此离间骨肉，架陷极恶，乱伦污名，情理难甘。

一、贯证串谋，诬成冤讼。传礼、传道等既经唆挟职祖母呈送不孝，蒙批，继母告子孙不孝恐有别口，候传集亲族邻佑勘讯，彼时人皆不肯诬枉，传礼等恐情破露，乃向职嫡门公亲刘太华许以重贿，求其诬证。刘太华斥绝，因复求刘太〔华〕之疏族与职故祖三十年不往来之远亲刘至兴、李人俊，嘱其帮讼诬禀。有刘太华知情可证。试思职果不孝，亲邻必绝，何所爱护，需贿始证。呈送不孝非传礼等唆挟陷害，伊何肯出赃买证也。

一、图利阻工，辱官逼命。职先贤林墓久未补修，传礼等希图借此骗财，于十八年四月内赴河北道宪呈请捐修，蒙前任王县主尚义急公，慨然独任。已将自捐砖灰运至坟上，择于七月二十六日兴工。传礼等怒其有碍私谋，且难射利，因纠伊父子兄弟夥谋阻工。王县主闻风传职商处，职畏伊等凶横，不惟无济，又惹事端，且为职家事致官为难，莫能方法，无颜出见。至期

王县主亲赴动工，传礼等挺身抗拒，言出不逊，大肆咆哮，以致前任王县主气愤辞去，路人所闻。有前任王县主洋禀道宪一案可查，并有坟上砖瓦可证。

一、废工吞财，背主灭宗。请修祠墓，例宜首自宗主，乃传礼等竟不商同公办，辄潜假徵名，联纠伊党，于十八年十二月内复请转洋河北道宪捐募，蒙道宪廉知其中情弊，且以估工不实批伤职专理其事。传礼见事已败，愈加愤恨，遂将所收已捐之钱一千余串吞费侵用，一文

不交。独不思今日丰衣足食，见重四方，伊谁之贻，竟忍以捐修先贤祠墓之资，浪为若辈花酒之费，致先灵罔庇，何有大宗。所吞捐项开单另呈。

一、假众帮讼，结党鬩工。既经河北道宪洞鉴，伊等估工不实，札飭职另举公正绅士与职协估督办。职从堂叔端木传礼见道宪批飭不随伊吞利之私，即唆使伊父毓寅及族众元林等，以据实陈明等情朦禀县案，并会同伊原举首事拔贡董贵麟、朱廷良，岁贡刘太平、刘至兴，捐职傅文清、李秉文、刘醇等，捏写绅士三十余人，以分非公亲等情朦禀，各蒙批抄粘三十余人另单开呈，但董贵麟等若非与传礼父子并族众元林等将捐项一千余串侵吞荡费，何众呈一词，捏称仅有成数，尚未收钱，是指工吞钱，已乖理法，而假众帮讼，更干例禁。

一、抗批不缴，反谋挟讹。职从堂叔传礼与董贵麟、朱廷良（良）等既经道宪县主批飭伊等呈交已收捐项，伊等业将捐项荡费分肥不交分文，自知指工诈钱，难逃究追，反唆职祖母飭职将伊已费捐项承认外，再行给伊等工程银一千两，并要着伊等原谋首事管工，并照伊原图修理讼端方休。职如不允，定被伊等唆挟职为抗拒逆命，又送不孝，若遂其愿，实有进退维谷之虑。且方经县主堂讯，断令伊等呈交捐项而已，又捏写职祖母呈词禀案矣。则重势压卵，欺职父子两世孤苦，将不令少措夫手足，实为伊等谋串抗挟之能事也。

一、侵业妨祀，霸产遗累。职先贤墓前每岁二月旧有会税，系前任朱县主为林墓计，捐作岁修，被伊等霸占十有余年，祇图蚀利，分毫未补。以致祠墓倾圮，风雨无庇。南关旧有会场地基，每年约租大钱七十千，为祠内香烛之助，亦被伊等吞霸。济宁州存有祭田三顷有余，本县佃田七顷零，系官绅捐入助祭者，大半被伊父子及传道、传书、传易、传仁、元林、毓魁、

毓凤、毓山侵占，仅留给职一顷五十余亩。职以同宗之义，不忍争较，伊等并不念好，反肆虐毒，抗粮贖累，使职以一顷五十余亩之地纳十余项之钱粮，力不能支。先贤祀事几致乏供，旧捐尚行私吞，新募何能公用。

一、忘恩背父，党恶凌宗。端木传道系职四叔祖毓诚之子，伊父在江南赣榆县奉祀，于嘉庆二十年间曾携伊回里探视，及去，伊先潜匿不肯回归。迄今二十余年，伊父母之存亡亦置不问，反党结传礼父子兄弟等窥伺世职，凌虐嫡宗。传礼所为，种种不法，皆传道帮同臬张。礼以健讼，道以武断，且族众又以侵霸怀嫌，兼受伊饵，为之附和，以致辱毒终年，家庭难安。

一、捏款陷害，报私泄愤。传礼父子兄弟，始而争袭，终而匿铃，俱为职所妨碍，以致起衅兴讼，日肆荼毒，心尚未快。今因札飭职修工之事，破伊射利之机，种种事体，更激伊愤，久欲陷害，故怂恿伊父赴爵宪，以假报父疾，欺师灭祖，捏结承袭违犯不孝等重款诬控，其意以词不重则陷不深，陷不深则心不快。不然职承袭已经三年，职父果系无疾，伊等当时正在谋袭方伺间之不暇，何以帖然竟肯出结。当时何不许首，至今始行稟告。况出结之时，有职嫡门公亲刘至宝、刘至善、傅纯修、王克恭等在坐可证。当时出结，伊等实系迫于公义，非出本心，今欲陷害，又以前结不便，不得不赖为捏假。父疾非虚，出结属实，则欺师灭祖者何地（也）。而又牵涉前案，坐以违犯，职祖母虽受其欺挟，诸亲邻亦现秉公明。

以上各条系有证有据，无党无私，恳乞

爵宪大人俯察职详，则黑白立判。倘有一毫虚证，愿甘坐罪。谨列呈 钧鉴施行。

咨河南巡抚移卫辉府为端木传礼霸占祀田请烦亲提到案讯究事

〔咸丰同治年间处理先贤端木子贡后裔讼案（三七〇一）之三〕

袭封衍圣公府为咨请飭府移会亲提讯明惩办事。本年十月二十四日据世袭翰林院五经博士端木继敏详

称云云，等情到本爵府。据此，查端木传礼等霸占祀田，侵吞公费，僭居祠屋，以致该翰博无处栖身，无资办祭。似此肆行无忌，目无大宗，已属罪有应得。而复胆敢截留公文二角，在外招摇撞骗，借端滋事，实属不法已极，殊甚痛恨。若不严行惩办，则该博士为一宗主鬯，倘相率效尤，何以约束族人。自应从重究处，惩一儆百，以昭炯戒。兹据前情，除咨抚部院外，相应备文咨移会。为此合咨移

贵部院，请烦为查照文内事理，希即檄飭卫辉府，速将端木传礼、端木传薪等亲提到案，严行讯究，治以应得之罪。并将截留公文二角当堂追出，发交该翰博收领。所有霸占祀田等项，一并究追，俾得该翰博安心守职，以奉祀典，实为公便。望速施行。须至咨移者。

右
移咨

巡抚河南部院

河南卫辉府正堂

咸丰二年十一月初十日

圣公府行

世袭翰博端木继敏详为请转移浚县照例支給致祭银两事

〔咸丰同治年间处理先贤端木子贡后裔讼案（三七〇一）之四〕

世袭翰林院五经博士端木继敏详为转移请领以备大典事。缘职先贤端木子春秋上丁致祭，奉有

谕旨，载在典礼。职叨沐

皇恩，特授世职，主鬯庙庭祀事。所有牺牲、粢盛，俱系由本县动支帑项敬谨办备。职现奉

上谕，明年仲春上丁

皇上亲诣

临雍视学，并蒙

爵宪札飭，务于明正开印以前到京，听候演礼。等因。蒙此，至明春上丁致祭大典，职理宜备文移行浚县支领，预为备办祀事。奈职随咨由阜赴省，并且赴京期近，恐致有误，职备详具领，伏恳

爵宪将职具领转移浚县，照例按领给支。再所有明秋致祭银两，亦请移会支领，暂为赴京之资，

乃明春致祭银两，故应预期支领，备办祀事。至明秋致祭银两，尚未届期，并请移支，似与理有未符。但职系属闲员，寒苦莫拟，并加明正，即行赴京。时至孔途，暂将明秋致祭银两移支，以备

临雍巨典。此系移公济公，于理尚有可原。为此具详

爵宪转移浚县，将明春致祭银两，照例按领给支，并将明秋致祭银两，一并移支，实为祀典两便。伏恳

爵宪大人恩准转移施行。

右 详

衍 圣 公 府

咸丰貳年十一月二十五日详

八、卜氏

卜玉柱申为再愚移行转飭安阳县概免先贤后裔卜应龙等差徭事

〔清朝时期先贤卜子夏后裔请优免差徭（一）附墨揭碑文（一五五二）之七〕

□□□□□□□□卜玉柱为再愚移文援例优免等事。□□彰德府安阳县卜居头村卜应龙等，例
□优免差徭。职前具呈蒙

大宗主恩□□□□案。今据职族人卜应龙等前来禀称，移咨到日，本县即按烟户簿确查共有五
十六户，大小成丁者九十四人。应否概免差徭之处，现在详请本府转详衍圣公□□遵，理合
禀明。等情到职。窃思先贤后裔散居外州县者，凡夫役杂差，俱各奉 宪通行一体优免在案。
颜、曾、孟、仲诸贤之裔，昭然可据。职族人卜应龙等五十六户，大小成丁者九十四人，职
按谱确查，实系先贤嫡裔，自五十一世祖次子讳清山，因黄水泛涨，迁居安阳。职得沐

皇恩，授以世职，族人卜应龙等，例应一体优免杂差。为此，再恳
大宗主，移咨彰德府，转飭安阳县，将卜应龙等五十六户，九十四人，概行优免差徭，勒石垂久，
实为德便。须至申者。

计申送清册叁本

右 申

袭 封 衍 圣 公 府

乾隆式拾玖年伍月式拾柒日申

为再恳移文援例优免等事

咨究沂道为李嵩岭等夺去卜氏义集诬骂先贤烦为飭查事

〔乾隆嘉庆年间处理先贤卜子夏后裔讼案（三七〇八）之一〕

袭封衍圣公府为谤贤夺集愚恩移咨查究事。本年十一月初一日据世袭五经博士卜玉柱呈前事词称，切职忝列贤裔，从不干预外务。情因袭职祖因祖庙未设祭田，以供春秋祭祀，雍正十二年间，援颜、曾、冉、仲之例，在李家口口有民便义集，每逢二、七、五、十日为审，以为庙庭办买祭品。附近邻村，相安乐从。延今三世，并无异言。突于去年八月有豪监李嵩岭为首，谋同权书李云雷、库吏郭参也、地总李有能私造秤斗，擅立集场，距李家村不过里许，将职祖所设义集被其踩灭。职以擅起私集等事具呈，蒙县批查卷送阅，仍一面差拘李嵩岭同党李克疑等讯究。票出之后，李云雷把持衙门，能使年余不审。群凶得计，其志愈炽，于本年七月间，李嵩岭等主使聚众纠合惯贼李金龙、四大王、李管等诸人，各持鸟枪、顺刀等械，在李家村唱骂不已，强将斗秤掳抢一空，有本村人王能忍可证。复编辱始祖，以千家之唾余致供俎豆。又诬蒸蹂编为崇贤锅、崇贤曲，街市共传。其恃县主公出职赴省控府蒙批，巨野县速即严查具报。及奉本县庭讯，仅断两造，皆属私集完结，其纠众强制以及毁谤先贤、捏诬

蒸蹙，概置不论。今旧集因夺而废，职祖昔年便民义举，反落身落骂名。现奉大宗主爵宪访查，理合据实陈明，伏乞大宗主爵宪咨移查究，以崇贤哲，殄存卸感等情。据此，相

应据情咨会。为此合咨

右 咨

兗沂曹道

乾隆三十七年十二月十三日

圣 公 府 行

泰安卜伯琢稟为恳恩移会概免卜氏地亩差徭事

〔清朝时期先贤卜子夏后裔请优免差徭（二）（一五五三）之二十二〕

具稟恩生卜伯琢年四十七岁系泰安天清湾距城三十里。为据情再陈恩准移会照旧优免事。切查汉唐宋明以至本朝，凡

先圣、先贤后裔，遵照旧例，遇有差徭，概行蠲免。毋得书役舞弊扰累，有碑文县案可查。康熙年泰安建立卜氏祠堂，乾隆三十七年卜氏博士申请 衍圣公转移泰安府泰安李，已立石碑，卜三颜等一切杂泛地亩差徭例应优免。嘉庆年间，有河夫并运米车辆差徭，俱有优免。咸丰四年，有乡民高尚珩等遇差请示，蒙县主张 批，卜氏兵差车辆一律优免，并开具卜氏一族地亩名单，申送 衍圣公府，札卜氏博士，查明泰安卜三颜、卜伯琢等实系卜氏嫡裔，均在案。五年七月伊等复又请示，蒙 仁天批，此案业经前县申准衍圣公府查覆，卜伯琢等实系 先贤嫡支，一切杂差，例得优免，卜氏地亩扣除免摊兵差，有碑可据。现有书役地保高尚珩、王法、马廷勋等，扳派贤裔，一体办差，生未允许。伊等自去年底，以至如今，同谋结党，硬派卜氏按地亩摊钱九拾余千。贪贿蒙弊，索扰无底。生恩生系先贤后裔，原不能与

伊等一体而论。六年以前，卜氏地亩兵车杂差，业已蒙恩优免在案。已往之差役等，现又催逼，情实难堪。嗣后再遇差徭，情愿仁天作主亲派遵照办理。为此，据情实陈，稟乞仁明公爷恩准移会，卜氏地亩杂泛差徭，照旧概行优免。卜氏一族历代感德无既。上叩

咸丰七年正月 日

世袭翰博卜昭灼申为淮役妄行扳派抢布夺驴逼差事

〔清朝时期先贤卜子夏后裔请优免差徭（二）（一五五三）之三十八〕

世袭翰林院五经博士卜昭灼为妄扳行税再恳请咨。藩宪提讯查免以正国恩事。切职敝族卜魁信于本年九月间复来禀称，自大明迁居潍邑，建立祠堂，请办优免，正供以外，别无差徭，历有年所。因家中贫寒，春秋两丁不能办理，买卖布匹贸易以供祭祀。至咸丰九年，携布赴城售卖，突有丁凌汉、孙守和等，并未司帖，冒充行头，将布夺去，硬排差徭。卜魁信遂即呈禀县主，蒙批，未蒙讯断，丁凌汉、孙守和自知理屈，央本城张守礼调处，仍遵旧例不出行税，迄今数载。至去年春赴城卖布，丁凌汉又生狡猾，将驴与布全行夺去。屡次呈禀县主，布驴全归，差终难免。至去年十一月又夺去布一百一十四匹，钱二千，仍索行税。卜魁信遂禀府主，蒙咨蒙批，提讯究办。不知丁凌汉如何钻干，至本年四月后补潘讯断两造全未对质，强逼俱结，只许卖布两千匹，不要行税。似此差终难免，情实难甘。职为此再恳申请

爵宪大人电核恩准，咨藩宪案下，将丁凌汉、孙守和等提讯究办，革免行税，以正国恩，以免扳扰。实为恩便。须至申者。

右 申

袭封衍圣公府

同治三年十月二十八日申

卜氏世袭翰林院

五经博士之铃记

翰博卜昭灼申为海鱼循河便卖请求移县仍照旧例事

〔圣贤后裔世袭翰博等稟请维护原有集市征税权益（四八六四）之三十三〕

世袭翰林院五经博士卜昭灼为海鱼循河便卖恳恩移县仍照旧规事。切职族人武生卜在兰、卜在溪，于五月初间前来稟称，自洪武年间迁居滨州，自滨迁居蒲台，虽系两县，相离十余里，先贤祠堂建立中间，由来久矣。当因闾族寒微，二、八月祭祀不能办理，河岸设称，海鱼客至，任其投主，公买公卖，微取小利，备办祭祀。业已四世，并无行税。至去年王公莅任，将秤裁去，不准设立。从此祭祀无着等情。职查滨州、蒲台实系一脉，建祠已久，族人虽取小利，原为祭祀所用，并非私自肥己。前任施恩遽然裁去，祭祀实难办理。为此备由具申，
祈恳

仁明爵宪电核恩准，移蒲台县仍照旧规出示，准其设称，祭祀有着。不惟职与闾族感德，即先贤亦默中深感，实为恩便。须至申者。

右 申

袭封衍圣公府

同治七年六月初五日申

札付蒲台县据翰博卜在兰清准其仍照旧章秤卖海鱼事

〔圣贤后裔世袭翰博等稟请维护原有集市征税权益（四八六四）之三十二〕

袭封衍圣公府为据详札付事。案据世袭云云，等情到本爵。据此，查该博士所详武生卜在兰等，近临河岸，设秤货卖海鱼，抽取微利，摊办祭祀。现因另立行规，将秤裁去，祭祀难以摊办，糊口无资，恳请仍照旧规，似为祭祀。先贤起见，可否俯念贤裔，仍照旧章，准其自行秤卖，以供祭祀，而示优异。拟合据详札付，为此札付 贵县。烦为查照核办，并希移覆本爵，以凭转饬遵照，实为公便施行。须至札付者。

右札付蒲台县准此

同治七年六月十五日

世袭翰博申为卜氏盐滩倍受勒索乞移文照例优免事

〔同治光绪年间处理先贤卜子夏后裔讼案（三七一〇）之二〕

申文

世袭翰林院五经博士为详请转移事。窃于六月初三日据族人奉祀生卜凤章、卜凤策、卜麟祥等稟称，生族自巨迁掖地，隶灶籍，皆依官滩晒盐为生。自来荷蒙 国恩。凡圣贤后裔，正供以外，一切杂泛差徭概行蠲免。前于嘉庆十三年间，蒙

爵宪及宗主移会莱州府县，援例优免卜姓差徭，立有碑文。嗣于咸丰七年并同治四年间，复蒙移文，永远革除滩头差徭，由县移场，查照在案。詎自私滩蜂起，抗官伤差，场务日废。场书施泮林，场役姜作智、梁振帮唆拨场主，不理私滩，专虐官灶，硬派卜继鸿等为滩头，更有邱鹤龄为伊串通，肆行吓诈。同治八年秋，谕令秋晒索诈京钱六百八十九千文。十年秋，又令秋晒索诈京钱六百八十千文。十一年秋，滩户传闻上宪飭令秋晒借运。但未见明文，恐干例禁，是以未晒。邱鹤龄与小任家庄滩头任天化勾通施泮林、姜作智等，明定章程，每副滩出钱一千。业户不晒，即他人拾晒亦可。惟无钱者，概不准晒。奉祀生卜龙官等之滩，因未见

明文，不敢秋晒。伊等主使私滩首领任天钦与其党霸占秋晒，亦出钱十一千交官。本业户弗敢阻挡。特共有十七副滩秋晒，索去京钱一百八十七千文。自郑场主莅任办理私滩官费，生共交银三千三百六十两，今春平毁私滩雇夫费用，应从此项支销，反硬令卜继鸿等雇夫一千二百名，未许，即被掌责，凡平五日，费钱一千余千。姜作智又索要差账钱三百千，酒饭钱一百五十千。此项尚未交足，场主于二月间由省出示晓谕，飭令预等借运提早于二月二十日一律上滩加工兴晒，生等即遵示办理。迨三月间场主由省赴场，施泮林主使姜作智、梁振邦诬捏卜继鸿等，为挂圈私晒，立传至西关店，不容分辨，即掌责卜继鸿等三十余人，逼索京钱九十五千，始行开释。姜作智等丈量滩地，捏称广晒稟将卜继鸿等答责二百，邱鹤龄来往串通，逼允出银二百两，京钱一百六十千。正在措办间，适逢滨添 分宪查勘私滩，有滩户邱秩堂、李天仕、徐天化等攀辕呈诉，蒙 分宪于四月二十一、二等日邀同场主亲丈官滩，洞见情弊，谕令各滩户照常开晒，所索银钱，概不准交，生族官滩得见青天。不意分宪旋轍后，邱鹤龄亲到西县，与施泮林主使姜作智率役八名，将分宪查过之滩复行丈量，又给卜继鸿等小票一纸，上差卜继鸿名字，硬令应差，随同量滩。种种情弊，不可枚举。伏思生族的属贤裔，久荷国恩，今屡次讹诈，又硬令应差，故违恩例，不堪扰害。幸逢宗主于四月二十日清查祖谱至掖，场差所为 分宪所查，既已亲见亲闻，为此恳请转详，并请转移查办到职。据此，查此案曾经

爵宪屡次移文援例优免滩头差徭，遵照在案。今于四月间，职清查祖谱，在掖场主如何扳扰，分宪如何查验，均有案据，兹又据族人卜凤章等所禀，似属违例妄派，为此备由具申，伏乞

爵宪大人恩准转移，照例查办。望速施行，实为恩便。须至申者。

右 申

袭封衍圣公府

同治十二年六月 日申

礼部咨博士卜昭灼实无不法烦取该博士族长甘结结案事

〔同治年间世袭翰博卜昭灼借名保卫祖祠私筑圩寨被控革职暨开复经过（二）
（〇六〇二）之二十四〕

礼部为咨覆事。准衍圣公咨称前准山东巡抚丁 咨会世袭五经博士卜昭灼，因保护

先贤祠堂圩寨，办理不善，转请应否斥革等因。查卜昭灼原案内讯明，委无受贿包揽各情，复据该氏族长卜传礼、族众卜月桂等联名呈称，博士卜昭灼因保护

先贤祠堂，并无不法劣迹，合族翕服，是否应行开复。且该博士自承袭以来，祭祀并无贻误，既因保护

先贤祠堂，并无别项不法各情，未便遽断咨革。合咨礼部查照示覆，等因到〔部〕。查例开凡圣贤后裔，皆设五经博士以奉祀，又开博士有枉法婪赃，革职治罪，口其子孙不准承袭各等语，今五经博士卜昭灼既据衍圣公咨称，该博士实因保护

先贤祠堂，并无别项不法各情，未便遽断口革等语，应如所咨办理，仍由衍圣公会同山东巡抚抄录此案全卷，并取该博士族长各甘结送部存案，相应知照衍圣公可也。须至咨者。

右 咨

衍 圣 公

同治拾貳年拾壹月 日

九、冉(耕)氏

札付肥城县为冉候爵仗恃富豪欺叔殴婶吞霸林地烦为差拘事

〔乾隆嘉庆年间处理先贤冉子后裔讼案(三六九八)之十〕

袭封衍圣公府为逆侄仗恃祀生吞霸林地欺叔殴婶乞天拘究事。案据
贵治冉家庄冉顾氏呈前事呈称，切氏夫兄弟二人，长廷璧，氏夫廷珍，系二支。同居四十余年，氏夫应分地三十余亩，至今长支吞伯不分，所有公置林地，葬埋翁姑，昭穆行穴，父母病故葬訖。乾隆三十年氏夫兄死，按穴葬埋，氏夫廷珍于三十四年病故，氏稟明宗主冉廷砚择日殡葬，不料逆侄冉候爵仗恃富豪，口出詈言，不许入林，闾家男女六口殴辱打骂，将氏口中灌屎二次，氏命难保。幸有族孙冉大宗将氏送家，有保地冉兴珠验伤可问。伊反声言林地与氏无干，似此图赖，情实难堪。氏因稟明宗主冉廷砚，当蒙吩咐照穴殡葬。拒冉候爵坚

执不肯，现在停柩林上。似此仗恃富豪，凭空伯占，欺叔殴婢，王法不宥。叩乞大宗主电察严究施行，感恩无既矣。被禀冉候爵、冉大有、冉大得。等情到本爵府。据此，随批该翰博秉公确查详覆去后，嗣据该翰博再廷硯覆称。查得冉顾氏之夫冉廷珍，与冉候爵之父廷璧实系同胞兄弟。候爵伯占林地，殴辱其婢，实属情真。至该氏所控莹地原系南北地一段，北截立林，南截种地，候爵之父廷璧先跟父穴埋葬，候爵之叔廷珍后故，自应归葬祖莹，按穴殡葬。候爵不令入林，恃强暴虐，殴辱伊婢，理处不服。理合遵批确查，具详呈覆。伏乞亲提查讯斧断，等情。除提该翰博到案查办外，拟合备文专差移提。为此札付贵县，烦为查照来文事理。希将祀生冉候爵父子差拘到案，交发去差，以凭查讯，勿任抗延，实为公便。须至札付者。

计移提

祀生冉候爵并子冉大有 冉大得

右札付肥城县准此

乾隆四十一年七月初五日

圣 公 府 行

札付肥城县为祀生冉候爵吞霸林地抗不服拘烦速差拘到案事

〔乾隆嘉庆年间处理先贤冉子后裔讼案（三六九八）之十四〕

袭封衍圣公府为逆侄吞霸林地欺叔殴婶藐法灭伦乞天催提讯究事。本年八月初一日据贵县冉家庄冉顾氏呈前事呈称，切氏以逆侄冉候爵阻葬殴婶一案，前已蒙恩差拘究讯，逆侄冉候爵并子冉大有新捐监生，口出不逊，抗不服拘。迨至七月间，复蒙嵩差关提，詎料逆侄冉候爵仗恃父子功名，不惟不服关提，更且肆恶无忌，灭伦藐法，有天差可问。时值本县太爷公出，未经关发，悬案至今。伏乞再赐关提，赴曲严讯确情，按法惩处，实为德便，等情。嗣于本月十六日又据冉顾氏呈称，切氏为逆侄冉候爵阻葬殴婶一案，前已蒙恩差拘，抗法不服，复蒙恩差关提，适肥城县主赴泰安府公出，伊闻风乘隙躲避，因本县公出，未经关提到案。氏乞食曲阜，守词待质，艰苦堪怜。于八月初一日拦舆哀叩，蒙天鸿慈，悯氏穷苦，被此奇冤，又羁留异乡，残喘乞食，特谕氏再行补禀，以便关提。为此遵谕再禀，伏乞恩准提究，感激无涯，上呈。等情到本爵府。据此，查此案前据冉顾氏具呈，曾经历叙案由，移提冉候爵父子，以便查讯在案。查候爵身列贤裔，充膺奉祀，辄敢恃符吞霸公林，欺叔殴婶，

大千法纪。该生奉祀系本爵府咨准，定例凡属贤裔，均由本爵府管辖，今祀生冉候爵恃恶凶横，抗不服拘，藐法已极。前经备文移提，因值

贵县公出，未准关发。兹据冉顾氏哀吁，屡禀前情，合再端差备文移提。为此札移

贵县，烦为查照札内事理，文到希将冉候爵父子差拘到案，交发去差，以凭查讯定案。倘再抗延，祈即赐覆，本爵府当叙案将冉候爵咨部斥革，转咨

抚部院核办可也。望速飞速。须至札付者。

计移提

祀生冉候爵 并子 冉大有 冉大得

右札付肥城县准此

乾隆四十一年 月二十五日

圣 公 府 行

咨礼部为冉传绪承继世袭翰博烦清查照立案事

〔乾隆嘉庆年间处理先贤冉子后裔讼案（三六九八）之二十五〕

袭封衍圣公府为恳请立继以接宗桃以承主祀事。案准

贵部咨开，祠祭司案呈准衍圣公咨称，乾隆四十五年七月十二日，据先贤冉子伯牛氏世袭翰林院五经博士冉廷砚胞弟冉廷班呈称，窃身胞兄冉廷砚，于乾隆四十五年七月初七日病故，身胞兄廷砚尚乏子嗣等情。据此，除转飭议继另文咨请袭职外，合将该博士冉廷砚病故咨报，等因前来。查例载圣贤后裔，皆设世袭五经博士，以奉祭祀，均由嫡长子孙袭，有故，准以嫡次子孙继袭，若并无应继之人，别择亲支暂行主祀，俟应继有人，再行咨部办理等语。今博士冉廷砚于乾隆四十五年七月病故，既乏于嗣，迄今日久，现系何人主祀，咨内亦未声明，相应移咨衍圣公，即行查明照例办理报部，以凭查办可也，等因到本爵。□此当经飭令该氏族众议继，并节准咨催，即转行催查去后，兹据该氏族长冉氏章暨合族冉传修、冉养华、冉养岐、冉廷言、冉传语、冉传路、冉廷猷、冉重义、冉传江、冉德宽、冉子成、冉兴爵等禀前事禀称，切照已故博士冉廷砚乏嗣无子，当经呈报，并蒙咨部在案，节奉票催，飭令议继。

情缘廷硯五服周亲内并无应继之人，止有廷硯胞弟奉祀生廷班之子传绪实属应继。比时缘廷班以伊子传绪甫逾周年，恐其不克成立，是以未敢遽为廷硯立继。今查冉传绪年已五岁，疹痘已出，精神健旺，同众公议，应将传绪呈请为廷硯承祧奉祀。按据谱牒，伦序允协，情理咸宜，出具通族结状，呈送咨请立继主祀，实为恩便。计粘宗图一纸等情到爵。据此，查世袭五经博士承袭，例由本爵查明，咨请

题授，所有博士冉廷硯病故乏嗣之处，业经咨报在案。今据冉氏族众冉氏章等呈请，将廷班之子传绪为已故博士廷硯承嗣，据称昭穆相当，伦序允协，本爵覆查无异。相应据情咨请立案，俟冉传绪年届及岁之时，照例咨送考试。为此合咨贵部，请烦查照立案施行。须至咨者。

计粘宗图一纸

右 咨

礼 部

乾隆四十八年 月 日

牌仰举事为冉喜等凌辱翰博飭赴确查事

〔乾隆嘉庆年间处理先贤冉子后裔讼案（三六九八）之二十六〕

袭封衍圣公府为飭查事。据先贤冉子伯牛氏裔世袭翰林院五经博士冉传科具呈，逆族刁横凌辱宗子各缘由，被呈冉喜、冉广心、冉广野、冉大宗、冉广居、冉广敏，干证冉大有，等情到本爵府。据此，查五经博士承袭世职，为一氏之宗子，凡属族姓，例应听其统束，以示尊崇，以昭大宗、小宗之别。据禀该氏族人冉喜，侵用祭租二十八千，与冉广心合夥，雇觅冉广野运买杂货，该博士因其隐瞒，斥责其非。在冉广野等即有委曲，何致撞钟纠众，竟向该博士逞凶打架。殊属目无法纪。乃冉大宗为冉广心、冉广野之房长，并不劝阻，而冉广居、冉广敏系有职人员，竟于丁忧未百日，辄为主使喝令并着赴有司具控，均属悖谬。兹据该博士具呈前情，是否属实，合亟严查。为此牌仰该员，即便遵照，星速起程，前赴该处，迅将各项情由，逐细确切查访。务得实情备文申覆前来，以凭核办。事关宗支体制，该员尚其悉心查办，毋得稍涉瞻徇未便。速速。须至牌者。

计发原呈一纸

右牌仰三品首领官兼举事孔兴肇准此

嘉庆二年十月二十九日

圣公府行

世袭翰博冉传科为被革受辱恩恩转详另予爵服事

〔清朝时期先贤冉子仲弓伯牛后裔请优免差徭（一五四八）之九〕

具臧禀东平州籍肥城人世袭翰林院五经博士冉传科为被革受辱沥血陈情叩 宪鉴察事。切职家蒙

圣恩崇祀先贤，得世袭翰林院五经博士。情缘今岁 县主收漕，旋行开折，职本族共欠糟米二十五石九斗零。职恐人众不齐，迟疑观望，于十月二十二日亲赴城买明盛铺纹银七十两一钱五分，每两价钱二千二百二十文，共合京钱壹百五十五千七百三十二文，面交时米市价三十二文。较应完本数尚长钱三十余千，仍未开串。不料于本月二十四日早，突有六班头役率领三十余人，直至职家。职并未开口，伊口称尔等抗粮不完，不容分辨，竟撮职衣领。幸遇族众抢救，大辱不堪，众人劝散。职恐差役回城捏禀，是日夕赴城，知已封印无事，遂入仪门，正直（值）县主坐大堂追比拖欠米价。见职入大怒，喝役先将职补服褫退，顶帽朝珠摘去，逼令长跪回话。务要每石照十二千补底，出具犯事甘结。职坚不肯认。差千孙尚林、孙乐林、王平、王文举、杨绍唐、李邦安、胡仲吉等严押出门。直至二十六日晚，有恩监生有克昌同教

谕刘老爷来至被押之处，说 县主大怒，业将功名拆（斥）革，若不依从，徒受窘辱。职无奈，随有克昌到右堂徐老爷衙内。徐老爷亦说不可执扭，未触 县主怒，先将米价交完，方可情讲。职托有克昌眼同买焦享孚纹银七十两，每两价钱二千二百五十文，合京钱一百五十七千五百文，仍回徐老爷衙内，逼出甘结银交有克昌、徐老爷、刘老爷手，伊三人遂给顶帽。职不收。二十七日早，又令具领朝珠补服领予一张。职姑得逃走。职已面受褫革，羞辱难堪，实无颜再奉 先贤祀事。不得不喊禀

宪轅，恳恩转详，另予爵服，以安 先灵，世世焚祝。上呈
宪天大老爷恩准施行。

该员既系先贤后裔世袭博士，理宜安居自爱。即族中应纳漕米，当听各户自行赴仓清完，原不便敛银买钱，代为交县，包纳折收，均干例禁。姑严提究。

嘉庆十四年十二月三十日呈

抱呈人屈德

肥城县稟为翰博冉传科包揽漕粮及咆哮公堂事

〔清朝时期先贤冉子仲弓伯牛后裔清优免差徭（一五四八）之十二〕

敬稟者。窃照博士一员，为

朝廷崇儒恩职，理宜怀刑守法，方称无愧羹墙。詎有卑县世袭五经博士冉传科者，性情贪婪，不惜羽毛，恃世职为护符，以包漕作恒业。弁髦

功令，积惯浸渔，前任吴、王各令均有滋事详稟在案，因关涉

贤裔颜面，曲事姑容，未加深究。乃怙终不悛，谤张愈甚。缘卑县本年漕粮，有冉光兴等百数十户应完米豆麦共二十余石。屡次催征，总无完期。据粮差稟系该职包揽入己。卑职犹以一面之词未为凭信，随改差签传各欠户，查讯虚实。该职即率众截殴，将已获之冉姓二人夺回藏匿，于本月二十五日，罔顾

国忌，穿带补服朝珠，闯入宅门吵嚷。卑职出堂理喻，益肆咆哮，横加凌辱。当众目观瞻之地，直认夺犯殴差，以示官长莫如伊何。俾齐民畏其势焰，愈逞其武断之伎。查恃符包揽，已犯科条，且于法地辱官，不循理法，未便再予宽典，致长刁风。当欲带同该职诣案稟办，随有奉

祠生有克昌登堂求免力保，嗣后不敢再滋事端，即该职亦俯首认罪，出具保甘各结。卑职念其究系

先贤之后，实存忌器之心，是以屈己伸情，寢息其事。詎该职不知悔过，倒行逆施，巧弄如簧，

上惑 钧听。使卑职一片保护之意，反成嫌隙之端。不得不备细陈，仰祈

飭谕该职革面安分，弗致再蹈刑章。则当沐 成全之德矣。肃此具禀，伏乞

崇鉴。恭诣

福安。卑职冠英谨禀。

计呈

前府宪批禀一纸 保领甘结三纸

世袭翰博冉传科为擅革世职捏情妄禀恳请通咨详查事

〔清朝时期先贤冉子仲弓伯牛后裔清优免差徭（一五四八）之十三〕

世袭翰林院五经博士冉传科为擅革世职捏情妄禀恳请通咨详察查办事。切职本县县主收漕，任情浮收折价，职本族共应纳漕米二十五石九斗零。职因折价太重，恐观望不齐，遂买明盛铺纹银七十两一钱五分，合京钱一百五十五千七百三十二文，面交县主收清。照市价较应完本数尚长钱三十余千，未蒙出串。嗣经本学教谕刘先生关白，欲职再增十两，职米遂其欲。不料于十二月二十四日早，突有县役三十余人，直至职家，口称抗粮，不容分辩，竟撮职衣领。幸族人解救，并拾得签票。职恐差役回城捏禀，即刻进城辩白。知己封印无事，遂入仪门。适值县主正坐大堂追比漕价，见职入大堂，怒喝曰，是何职官，遂将职补服褫退，顶帽朝珠摘去。又曰已经斥革，逼令长跪回话。务要每石照十二千补足，并出具犯事甘结。职坚不肯认，旋差干役孙尚林、孙乐林、王平、王文举、杨绍唐、胡仲吉等严押，不许出门。迟至二十六日晚，有恩监生有克昌同教谕刘先生来说县公大怒，业将你功名斥革，若不依从，徒受窘辱。职无奈，随同有克昌到徐捕听（厅）衙内，捕听（厅）亦说不可执拗，触县主怒，须

先将米价交完，方可情讲。职托有克昌眼同买焦恒孚纹银七十两，合京钱一百五十七千五百文。其银交有克昌、刘先生、徐捕听（厅）手。伊三人遂给职顶帽，职不受，又令职具领朝珠补服领子一张，职始得逃走，于三十日奔赴泰安府控诉。因未开印，未蒙批示。职闻县主已捏罔顾。国忌款迹诬禀。案下，职不得不星夜来曲伸辩。职查。忌辰系二十五日，职当日进城实是二十四日，有签票可证。如果系二十五日，何以并未供设。忌辰牌位，公然坐大堂理事。显系浮收折价，擅革世袭，捏情妄禀，冀图先发制人，且职如果有罪，亦当通禀大宪，移会公府，合咨题参，方能斥革。似此酷令作威，恣行凌侮，大干法纪。理合备叙情节，恳请通咨查办。伏乞

大宗主大人恩准施行。上禀。

嘉庆十五年正月初十日

扎袭封博士冉继楷为赶速完纳漕米毋得抗延事

〔清朝时期先贤冉子仲弓伯牛后裔请优免差徭（一五四八）之二十二〕

袭封衍圣公府扎应袭博士冉继楷知悉。本年十一月十九日准肥城县知县李 稟开，据粮差史元凤等稟称，伊等奉票往催冉昭河等完纳漕米，有翰博冉继楷主使冉昭河等抗不完纳。役等欲将冉昭河等带案，冉继楷即号召族人百余名起意拒捕。且兑期紧迫，现奉漕宪飞檄催兑，急如星火。因冉姓一族抗不完纳，以致统县漕粮不能兑运。事在紧急，不得不急为稟明查核，□因到本爵府。准此，合行札飭。为此札仰该博士，札到迅即飭令该族人各将名下应纳漕粮赶紧完纳，毋得抗延。事关

国课，不许违误。该博士倘敢仍行主令，一经通稟，定行参究不贷。凛之慎之，毋违，速速。此札。

道光二十七年十二月初四日

圣公府行

世袭翰博冉继楷为并未抗粮恳乞作主事

〔清朝时期先贤冉子仲弓伯牛后裔请优免差徭（一五四八）之二十四〕

应
袭世袭翰林院五经博士冉继楷敬禀

爵宪大人钧座。切县主禀职抗粮，职不得不历陈案下。初以肥邑盛夏亢旱，兼被蝗灾，职所居之东里社绅耆公议，于七月初六日以蝗旱之灾呈明县主，当谕三日后续勘。是日晚间大雨忽霖，县主即于次日来验，立传禀灾之尹兆文、冉昭河，责以苗色犹青，各行掌责。职以县主行过职村，因奉陪周勘。自县主莅肥，初此相识，并无嫌隙。不料以主使族人捏禀灾伤，禀职于府主案下，向非府主明镜高悬，职几不免大戾。今又以抗粮禀职，岂知职族大半贫寒，丰年犹或称贷，凶岁何所措手。职空预为催促，彼终急公无方，是以祀田所获，代族众奉公，急于九月二十一日运转完纳。不意初二开廩，初四闭廩，询据漕书宋玉振等每斗折价一千八百七十文。职以书吏之言不足凭信，因请示县案，未蒙批立章程，嗣又赴署面请。突有廩生李庆之由县署走出拦阻，嗣邀同栾德峻劝职回寓。口称伊与县主既系师生，又属宗家，谓职苟亲交县主钱项第足正供有伊承管。职信其言，卖粮变项共得京钱二十四千文，纹银四十六两

零八分，合钱二百一十四千七百七十文。按市价合，职族共欠漕粮二十五石一斗七升六合，因买粮有余，合正供并加耗兼足。十月十七日将项而交县主，有库收帖可凭，当谕不日出串。挨至十一月初七日，赴署请串，县主推辞不见，李庆之不惟不见，反串使粮差史元凤，持抗粮之票挨名传拿，不得已以串官殃害等情具呈府主，蒙批抄粘。奈县主不遵府批，竟逼追史元凤讳瞒粮项，捏取以主使族人抗粮之罪。在职固不敢以无关斯文之事冒渎

宪聪。而县主既禀，职能无历陈原由。伏乞

电鉴，并候

崇安。职谨禀。

道光式拾柒年拾貳月 日

泰安府批

据呈该博士难免恃符包揽。如果漕已完清，断无不给串票之理。究竟有无面交该县钱文银两情事，该博士所完漕粮，是否的确本户花名，抑有抗粮包揽情弊，仰肥城县具实禀候核办。毋迟。

直隶东光县申河间府为贤裔冉广勇等恳请免差事

〔清朝时期先贤冉子仲弓伯牛后裔请优免差徭（一五四八）之三十二〕

直隶河间府东光县为详覆事。光绪九年三月初九日蒙

宪台札开，东光县知悉，光绪九年三月初四日，蒙

衍圣公府 函开再启者，兹据贤裔冉广勇、冉宪文、冉庆魁，直隶东光县人，来曲以权书舞弊恳请移会核办等情前来一案，据此，查

先圣先贤后裔，凡遇一切杂泛差徭，向准优免，历久办理在案。今该后裔冉广勇等，既系

先贤冉子七十代孙，由肥城迁居东光县，经远道来曲，据情稟请，核与成案相符，自应准如所请，除批示外，用特泐函奉息，务乞阁下惟情格外。希即转飭东光县，准其援案优免，以示体恤，而别齐民。如蒙府（俯）允，则感荷盛情，实无既极矣。再泐布息请，希亮察是幸。弟貽又顿首，计抄原禀一纸。等因蒙此，查此案前据冉广勇来府呈控，当经前府批飭查例讯断，并据该县详销批示，各在案。兹蒙前因，合亟札飭，札到该县立即遵照，再行确查冉广勇等是

否

先贤后裔，有无免差明文，照例办理毋违，特札。计粘抄原禀一纸。等因蒙此，遵查此案，前子

光緒八年四月十一日，蒙

前宪台批发冉广勇原呈，飭令查明例章集讯断详，等因，当经卑职逐查，东邑冉姓并无免差明文，惟该姓系由山东肥城县迁居于此，其原籍有无免差恩例，及历办向章，当经备文移查去后，嗣因日久未准移覆，随传集原被到案，质讯明确，并据冉广勇自行查明原籍，实无免差恩例，委系误会传言，冒昧上控，恳请免究。当经断令冉姓，按地随村摊办，取结具文详奉批销在案。旋于七月十六日准肥城县移开为移覆事。光緒八年五月二十日，接准移会，以流寓东光县之冉广勇等是否县境冉伯牛先贤嫡派，至冉姓有无优免杂差恩例，属即查覆。等因到县。准此，当即差传冉姓族长查覆去后，兹据世袭翰林院五经博士冉广鑫禀称，窃职鼻祖先贤伯牛原籍东平，故封东平公，传至五十五代时，值元末避兵来肥，因世居此。前明隆庆年间传至六十一代，又以兄弟分支。长讳庆，即职支始祖，世袭博士。次讳举，迁居直省东光县，其以下支裔有该处族谱可查。再顺治十年间，蒙袁前县申请，将职姓差徭优免，健立石牌。兹将碑文抄阅。等情前来。敝县查东省赋重徭轻，钱粮漕米之外，派及民间杂差甚属无多，该博士所呈碑文内称，顺治十年间，经敝前县袁申请，将冉子先贤后裔优免杂差，飭承检查。因年湮代远，卷宗已经遗失，惟卷查道光十五年间，据前翰博冉传科申准衍圣公移会，所有冉子先贤后裔冉昭德等属，即循照旧例优免差徭。等因。经敝前县张出示晓谕，将冉子先贤后裔嫡支冉昭德等五户免其杂差，其余旁支不在概免之列，历经照办在案。拟合抄录道光十五年间

衍圣公来文并该翰博呈验宗图碑文，一并移覆。为此合移，请烦查照核办施行。等因。卑职查阅碑文内载，明正统元年恩昭（诏）有优免差役复其租庸之语，是不惟免差并粮赋以除免矣。但系前明恩例，碍难遽准援照，况私家记载，不过用光家乘，更不足为典要，自应以道光年间肥城县断案为凭。复查宗图内载冉广勇等原迁始祖既系二支，已不在概免之列，况当时指明仅免冉昭德等五户，即肥城诸冉不过仅免嫡支。岂有远去宗帮，转得朦朧滥免。复经示谕，仍照断案摊办各等因在卷查毕，兹奉前因，卑职覆查东邑冉姓向与齐民一体当差，历久遵循，并无免差。案据前因互控移查，山东肥城县亦称，从前断案仅免嫡支五户，余俱不准。冉广勇先人由肥城迁居于此，论地以原籍为重，论族以嫡支为先，在肥城之旁支且不准免，况又远去宗帮子孙，自未便厚其所薄，顿翻成案，出此入彼，必添派他姓，以递解饷鞘人犯等项车辆，为大宗殊不足以昭平允。又查上年九月冀州详定均差章程，孔姓有读书应试者，免本身地三十亩，周濂后裔仅免嫡支一户，其孔姓农民工贾等概不准免，批准通飭在案。孔姓且然，则贤裔旁支不得概免，固可举重以赅轻矣。所有一切杂泛差徭卑县冉姓概不准其援免，核与旧案新章相符。拟合具文详覆

宪台查核。为此，备由另册具呈。伏乞照详施行。

右 详
本 府

光緒九年五月初四日

十、冉(雍)氏

冉子后裔冉广洪呈为再从堂伯斩祀夺行恳祈查究事

〔圣贤后裔世袭翰博等稟请维护原有集市征税权益(四八六四)之一〕

具呈 先贤冉子仲弓氏裔应世袭翰林院五经博士冉广洪 呈为斩祀夺行恳 赐查究以存血食
以安孀孤事。□职家荷

国厚恩，世袭博士，以奉 先贤祀事惟祭田尚未蒙颁给，□康熙年间曹州州尊徐公恩给冉贤集
行帖，岁收税钱三十二千零，以供蒸尝。嗣后历任高公、尹公、杨公、宋公、朱公俱尊贤仍
旧。□至雍正九年，州尊杨公特勒碑记，以垂久远，现有立碑可验，第集小税薄，祀典不备，
复蒙 上宪咨请，蒙

恩增祭银四十两，庙户工食银十二两。不幸职父继先于乾隆四十六年病故。职虽蒙咨 部，尚在

制中，年甫十岁，又未成丁，其时只有职堂伯奉祀生冉继德，人尚可托，又患病不起。职祖母冉李氏即将行税暂交职再从堂伯冉继简管理。未及三月，诡弊多端，兼以酗酒讹诈，武断乡曲，各行户几为之罢市。职祖母恐行市一口，祀典有缺。及职堂伯冉继德病稍痊，可急即收回，仍交冉继德代理，所有祭银税钱，悉交职祖母收办。迄今二年，毫无染指。不意冉继简因此怀恨，欺职一门孀孤，子本年二月内，硬索花行。职祖母不允，又子三月内硬索牙行，登门辱骂。职欲控诉，恐伤族情，姑为含忍。而冉继简乃于八月初七日，以吞祭灭祖等词呈控代管人奉祀生冉继德，诬称职家隐匿行税。似此奸诡刁恶，架词健讼，□□□□大宗直欲斩绝血食。职奉祖母命，不得不仰恳 移会确查，速赐讯究。则孀妇孤子感且不朽，即 先贤冉子□□□□子子孙孙感且不朽。理合据实呈明。伏乞 上公大宗主大人恩准施行。

计粘抄碑记

乾隆四十八年九月初九日 抱呈家人王全

仰候据呈移，存缴。

冉继简呈为告冉继德吞祭灭祖私税私派恳恩究追事

〔圣贤后裔世袭翰博等稟请维护原有集市征税权益（四八六四）之三〕

为吞祭灭祖私税私派恳恩究追事。缘生先人冉子仲弓于雍正年间蒙

皇恩垂念功德，行取后裔承袭翰林博士。生家门分二枝，生曾祖居次。长伯曾祖冉秋桂报部承袭，蒙发帑建庙致祭，庙坐生地。每年饬发祭银四十两，及庙户银十二两，共五十二两。岁岁发领，办理祭祀。至乾隆四十三年，生从堂伯冉上成病故，子亦少亡，遗孙冉广淇今甫十岁，尚未袭缺。庙事务无人办理，托冉继德承管。詎料继德赋性贪怙，欺幼朦寡，肆意诡混，辄将岁发祭祀银两一供（共）吞肥。每逢祭期，陈设供献，俱私派本集各行备办。各行可证。此集每逢一、六、三、八、五、十等日集市，六行俱全，各有行税，逢一兼有牙行，抽税多寡不等。此集向系官抽税，不假民手。雍正七年，蒙本州杨太爷将此集行税赐生伯曾祖秋桂抽收，不过恩典。嗣后生伯上成在日，屡欲将行税归管，俱被继德阻止，隐匿至今。向来抽税稍为庙费，自继德管理，尽入伊囊。伊已治富巨万，墙歪祠颓，置而不整，惟冀抽税。似此吞祭灭祖，伦理有爽，私税私派，国课无出，将来查出，生列奉祀，株连难辞。为此晰

陈，恳恩鉴察严追历吞祭帑，并勒隐集归官。公私俾益，存歿均感。上呈。

被告冉继德 原告冉继简 抱告家人王三

初七日批准讯究

世袭翰博妻冉李氏呈为告冉继简欺孀夺行请予拘究事

〔圣贤后裔世袭翰博等稟请维护原有集市徵税权益（四八六四）之四〕

具呈世袭翰林院五经博士妻冉李氏呈为恶侄欺孀夺行绝祀送案拘究事。窃自

国朝定鼎以来，崇儒重道，氏夫家世袭翰林博士，祭祀仲弓先祖。十哲皆有祭田，惟冉氏未颁祭田，州主徐公恩给行帖，以供祭祀，历高、尹、杨、宋、朱诸州主，俱崇隆祀典，恩帖仍旧。

至雍正九年，州主杨公又勒之贞砥，以垂久远，现有碑文可证。第集小税薄，祀典不备，上宪咨请蒙

恩又增祭银四十两，庙户工食银十二两。不幸氏夫于乾隆四十三年病故，氏于继先承袭。又不幸于四十六年继没（歿）。氏孙广淇今甫十一岁，既在制中，又未成丁，只有氏夫胞侄冉继德谊属同气周亲，又兼忠厚可托，氏即委以代理。所有祭银税钱尽交氏家，二年毫无染指。不意氏夫再从堂侄武劣冉继简，欺氏孤寡，于本年二月间，要花行，氏不允，又于三月间，要牙行，堵门，吵嚷。有族侄冉国栋可问。氏欲上诉，恐伤族情，姑为含忍。乃冉继简反于本月初七日，以吞祭灭祖等情，控代管人冉继德。有地顷余，辄称巨万。历蒙恩赐，指为私税。

其意不过欲以行税归官，致使先贤绝祀，上灭先祖，下欺宗主。恳并拘讯，感激上呈。

被告冉继简 证冉庙碑文 抱呈家人王全

蒙批准讯究

冉继德诉为冉继简割祭献媚屡诬不休请讯究事

〔圣贤后裔世袭翰博等稟请维护原有集市徵税权益（四八六四）之五〕

具呈恩生冉继德呈为割祭献媚屡诬不休诉以讯究事。窃本月初七日，冉继简以吞祭灭祖等词控生在案，蒙批准讯究。二十三日又以架妇捏朦等词控生，蒙批候讯。生理合诉明，伊词称隐集私税，此集自州主徐公恩赐以来，历高、尹、杨、宋、朱诸公，未尝或废。杨公又勒之碑记，以垂久远。即历任县主亦无不崇重先贤，特隆祀典也。至岁发帑银五十二两，特以备春秋二大祭之需，其余岁之祭，墙垣之修，器皿之费，人役之食，俱出恩帖，无行税，则祀事不备。伊又称管理吞肥致富，且上诬生故伯父欲缴集被生阻止。生管理甫二年，无论祭典备举，即使尽入生囊，帑银不过一百四两，税钱不过六十余千，何至治富巨万。且生伯母必将呈送，与冉继简何干。况四十四年系继简管理，伊何不呈缴，乃纵使经纪兼占烟行，被孟兴文稟案责惩，有卷可查。仁台崇儒重道，自不忍使先贤之祀顿从菲薄，数十公之泽忽焉中止。而继简以冉氏后裔，乃忍割祖宗血食之资，为献媚泄忿之地。上阻

皇恩斩先祀，下凌孀寡灭宗主。此岂冉氏之子孙乎。恳恩讯究，上訴。

此呈尚未批

移菏泽县为冉继简斩祀夺行恩赐查究事

〔圣贤后裔世袭翰博等稟请维护原有集市徵税权益（四八六四）之六〕

袭封衍圣公府为斩祀夺行恩赐查究以存血食以安孀孤事。本月初九日据先贤冉子仲弓氏裔世袭翰林院五经博士冉广淇呈称，切职家荷

国厚恩云云，伏乞恩准施行。等情到本爵府。据此，查冉广淇袭职年幼，先经该博士祖母冉李氏将行税暂交冉继简管理，嗣缘继简舞弊滋事，复经该氏收回，托冉继德代理，迄今并无贻误。乃冉继简不思己过，反挟该氏不允花行之嫌，架词妄读，实属恃长欺凌，今已诉明情节，斧断自公。但念先贤一脉，孤寡堪怜，恐被拖累。既据该员具稟前来，拟合移会。为此合移贵县。烦为查照来文，希将此案速赐讯结，锄暴安懦，实为德便。须至移者。

右 移

荷 泽 县

乾隆四十八年九月初十日

圣公府行

十一、冉(求)氏

郛城童生黄立昌等呈为恢复纸房冉村集义集事

〔圣贤后裔世袭翰博等稟请维护原有集市徵税权益(四八六四)之十九〕

具稟曹州府郛城县纸房集童生黄立昌庠生黄清渠廩生黄清奇廩贡〔缺〕复义集以备岁修永昭祀典事。窃缘

先贤冉子徐侯故址，本在郛城县东三十五里冉村集。村外有墓，墓前有唐贞观封号表墓碑、宋太祖御制赞语碑，第未识冉嗣奚存。裡祀久缺，祠宇俱颓。至

国朝顺治年间，惟童之九世祖国翰目触心感，慨然输资修冢谋祠。凡牲牢祝帛之需，皆里巷醮饯，而官府不与其事。后童八世祖之芬兄弟三人复建亭列碑设像，以志向往。童七世祖濂率、童

六世祖应中仙根等，修墓葺祠更新，而祀事益盛。至乾隆年间，龚公宰郛，虑私祀易废，令本集各行岁供牲醴，以备春秋二丁。后缘本集行户帮他集办公，祀事将缺。童曾祖道隄稟县，仍准旧规办理。于是冉祠亦幸有恒饬。均有碑记与郛城县志、曹州府志可考。迄今二百余年，鸠材乞工，致祭

先贤，皆系童之先人踵行而无或废。延至童等，亦愿继先志昭崇祀典，续修祠宇。奈童之曾祖与童祖父仕后数十年来，灾患并至，家计萧索，有志难伸，以故而

先贤之祠宇倾圮，不堪视矣。童念

先贤从祀庙庭，血食已遍天下，而荒村古墓亦当祀有专祠。今童等所居纸房集，即古冉村集，向为祀

先贤冉子义集。忽有在城行户，借差办公，旋经禀明，仍着照旧转徙，已非一次。咸丰四、五年间，又屡被匪遭扰，冲散年余，并无生理。兹乡民情愿复起义集，所有买卖行用存公。除每岁备办官课银两外，余资均供祭祀修祠之费。自绵远无缺，亦可兴起后学而展祀事之诚，永传不朽。为此公叩。伏乞

官保爵宪大人恩准移会施行。

计附粘单一纸

咸丰七年十一月二十九日

移郟城为希准黄立昌等复设义集事

〔圣贤后裔世袭翰博等稟请维护原有集市徵税权益（四八六四）之十八〕

太子太保裘封衍圣公孔 为据情移会事。本年十一月二十九日据贵治童生黄立昌等稟称云云，计粘单一纸。等情到本爵。据此，查纸房集即冉村集，系先贤冉子徐候故里，墓道在焉，建有专祠。其春秋二丁，皆该童之九世祖国翰承办。相传数世，祠墓益新，祀典无缺。迨乾隆年间，经费前任龚恐民间私祀，难以久远，专令本集行户各办牺牲，专祀先贤冉子祠，免其再帮他集办公，立有案据，并有志书。足见贵前任龚与黄氏祖孙尊贤重道，均有功于名教。前因被匪滋扰，乡民逃散，集市废弛，祠宇倾圮。今据该童等情愿复起义集，除承办课税外，余资以供先贤冉子祭祀修祠之用，洵属义举。自应准其所请，俾得遂其先志，以期祀事无缺。兹据前情，除稟批示外，拟合移会。为此合移

贵县，烦为查照。希即出示晓谕，准其复设义集，除承办课税外，其余飭令该童黄立昌等，遵照旧规，专备祭祀，免帮他集办公，亦不得借差混派，以崇祀典。实为公便施行。须至移者。

计粘单一纸

右移

郛城县

咸丰七年十二月初四日

郛城县正堂何出示晓谕为复设义集永昭祀典事

〔圣贤后裔世袭翰博等稟请维护原有集市徵税权益（四八六四）之十四〕

钦加同知銜署郛城县正堂加十级纪录十次何 为出示晓谕复设义集永昭祀典事。案准

太子太保袭封衍圣公孔 移开，据童生黄立昌等稟称，切郛境纸房集即冉村集，向为祀

先贤冉子义集，前因被匪滋扰，集市废弛，以致祀典久缺，祠宇倾圮，童等情愿复起义集，以崇祀典等情。拟合移会出示晓谕。等因到县。准此，查该庄向来既有义集，自应仍循其旧。兹据前情，合行出示晓谕该集各行户知悉，所有应出一切行用，仰该童黄立昌等经管。除承办课程外，其余资仍遵照旧规，专办

先贤冉子祭祀修祠之用，免其帮办杂差，永以为例。自示之后，如有行户抗违不遵，以及无赖棍徒在集讹诈滋事，有干祀典，准该童等即行指名稟究，决不姑宽。各宜凜遵毋违。特示。遵

右 谕 通 知

郛城

咸丰七年十二月十六日

县印

实贴纸房集

示纸房集附近居民人等为设立义集事

〔圣贤后裔世袭翰博等稟请维护原有集市徵税权益（四八六四）之二十〕

太子太保袭封衍圣公孔 为出示晓諭以安集市而重祀典事。切照郛境纸房集即冉村集，向为祀

先贤冉子徐候故里、墓道，建立祠宇，设有义集。前因被匪滋扰，祠宇倾圮，集市废弛，以致祀典久缺。该邑童生黄立昌等承其先人之志，情愿复起义集，以崇祀典，恳请移会在案。兹准移覆，准其复设，晓諭承办前来，合行出示晓諭。为此示仰附近居民人等及各行户知悉。该庄既有义集，自应仍循其旧。各宜安静生理，公平交易，所有应出一切行用，均仰该童生黄立昌经理。除承办课程外，其余资以供

先贤冉子祭祀修祠之用。务宜按时备办丰洁，毋得草率。倘有该行户舞弊不遵借端滋事者，立即指名具稟，以凭严行究治。各宜凛遵毋违。特示。

实贴纸房集

咸丰八年二月十五日

圣公府行

郛城人马济坤等稟为黄立昌霸集吞税废毁贤迹恳求飭革事

〔圣贤后裔世袭翰博等稟请维护原有集市徵税权益（四八六四）之三十一〕

具稟马 济坤王书林
玉成刘长雪等俱郛城县人

为霸集吞税废毁 贤迹恳 恩示革事。切郛邑城东黄家垓，为先贤冉子故里，坟墓在焉。立有义集抽税，以供春秋二祭及绪修碑楼之用，历久奉行在案，向系本村丁湖亭管理。至咸丰七年，乃有棍徒黄立昌，假修 冉祠之名，朦稟诬示，收税自肥，三年之久，并未兴修。胆将墓前碑楼撤毁，碑记扑碎，伊置不问，现在碎碑亦无踪影。且又加倍收税，而每祭仅用瘦猪一口，苟且了事。附近绅民久为不平，畏伊强横武断，不敢与较。至咸丰十年，为身困 困总魏廉善呈控本县县主，蒙批示革，仍着丁湖亭之子丁绍远接管。詎伊手眼通灵，复来究辕朦 稟，夤缘仍收集税，迨今又三年余。而碑楼碑记仍置不问，祀事仍然草草。且常聚集无赖，诬害良民。所以现在身被命案，已经府提。似此奸险不法之徒，若仍任其吞伯自肥，不惟贻害一方，其何以慰 先贤在天之灵。身等居既密迩，不忍坐视，为此叩乞

仁明公爷 恩准示革，并恳飭县示革，另募妥人，庶 先贤遗迹祀典不致废弛矣。上叩。

同治三年三月十九日

移郢城县为准马济坤等保举马玉成经管冉子义集集税事

〔圣贤后裔世袭翰博等稟请维护原有集市徵税权益（四八六四）之二十七〕

袭封衍圣公府为移会事。案据郢城县人马济坤等稟称，切郢邑城东黄家海（垓）

冉子义集，近年来系黄立昌经管集税，以供祭祀。现在黄立昌因事外出，集税无人经管，祭祀必致有誤。身等情愿保举得马玉成，家道殷实，办事老成，堪以管理

冉子义集。除承办课税外，余资以供祭祀岁修之用。倘蒙恩准，并恳移县出示，俾祀典不致废弛。等情到本爵。据此，查该处义集黄立昌既已有事外出，无人经管，兹据马济坤等另保得马玉成堪以充膺，自应准其所请。除填就手票移送

贵县转给外，拟合移会。为此合移

贵县，烦为查照给发，并希出示晓谕，以安集市，实为公便施行。须至移者。

计移送 手票一张

右 移

郢 城 县

同治三年七月初八日

圣 公 府

十二、任氏

咨济宁州为任弘道奉祀先贤查照存案事

〔先贤任不齐七十七代嫡孙检呈任氏宗谱请求严追伪谱恩准销毁（一）
（一二六一）之二〕

康熙四十四年衍圣公孔纬毓圻咨州移文。

查照蒸尝大典，遵经则论宗，按律则传嫡，家国一体，今古同揆。州监生任弘道，系先贤任子嫡长子孙，其曾叔祖任孔昭有功祠庙，入祠配享，应以其子之琦奉祀孔昭。至于任子主鬯，应归大宗弘道，庶于情理允协。除将任弘道给札奉祀汇册咨部外，拟合移会贵州，烦为查照，存案施行。须至咨者。

奉祀监生任弘道呈为崇贤优免恳移抚宪事

〔康熙年间先贤任不齐后裔请优免祀田粮赋丁徭（一五五四）之一〕

先贤奉祀监生任弘道

呈为恭吁洪恩移咨 抚宪转行明文永光祀典事。切生始祖先贤任子祀典一案□□熙四十三年具呈案下，荷蒙

大宗主移文府州内开云，查照蒸尝大典，遵经则论宗，按律则传嫡，家国一理，今古同揆。州监生□□道，系先贤嫡长子孙。任孔昭有功祠庙，应以其子孙奉祀孔昭，至于主鬯先贤，应归大宗弘道。除汇咨 大部札付本生外，合移贵州等语在案。生奉祀主鬯，已历多年，所有历朝□□拨祭田，缘州主查勘荒地，群小乘机谋夺。幸值州主崇贤重道，详请 上宪，蒙 院宪金批，内开云，任子祭田四十七顷，既系先世追崇捐发，又皆水坡洼下，十年九淹，□□循照旧例以崇祀典等语。嗣因族人争分祭田，具禀 抚宪，蒙 院复批详云，任弘道系先贤大宗后裔，祭田自应弘道掌管，仰即取任弘道领状清册报查等语。生已遵批投递□□□清册州主具文申详在案。祀典厘正，祭田永垂，虽鸿慈出自 各宪，而隆德实由于

大宗。真令生世子孙衍戴无既矣。但崇贤祀典，一旦振兴，必经 大宗加意优恤，府州庶得
口例施行。生考颜、鲁、闵、仲诸庙，一切差役丁徭概行豁免，生家世蒙国恩，照各庙则例，
理应捐除。于康熙五十年州主编审之时，生适不家，约地报生家人丁十有余名，似非崇圣重
贤口，又生族繁人众，不谙经律，安知无借端生波倚长凌幼者。倘有争差，有玷前贤。且零星
佃户，多属积猾久惯，甚至收粒肥己，迟延不交者。今若仍前故辄，则祭田总无实济，春秋何
以报享。不惟祀典无光，亦殊非 大宗与各 宪台尊圣崇贤之盛意也。伏乞

太子少师袭封衍圣公府大宗主恩赐咨文，移会 抚宪，转行府州，将生族名下口徭，照颜、曾、
闵、仲各庙事例，永行豁免。并飭知生家族人，各安谊分，佃户清交拖欠租粒，不得迟延。
庶大典攸光，生当勒石永志不朽矣。上呈。

康熙五十四年五月二十八日具

准

孔毓圻咨院为先贤任子嫡裔照例豁免丁徭事

〔先贤任不齐七十七代嫡孙检呈任氏宗谱请求严追伪谱恩准销毁（二一）
（一二六一）之二〕

康熙五十四年衍圣公孔诤毓圻咨院移文。

查得先贤任子嫡裔任弘道准贵院照旧批给济宁州地一十七顷为祭田，免科在案。其名下向无丁徭，仍应照例优免。今据呈词前事，拟合移咨。为此移咨前去，烦请查照咨文内事理，希为檄行所属，将康熙五十年派任弘道等丁徭，照颜、曾、孟、仲、闵例仍旧豁免，永为定例存案。须至咨者。

济宁任子祀田碑记

〔先贤任不齐七十七代嫡孙检呈任氏宗谱请求严追伪谱恩准销毁（二）〕

（一二六一）之二）

康熙五十六年任子祭田碑记。坐落王五村、石楼村、升庄村、房葛铺、二十里铺等地方。四至步弓，载在印册。

兖州府济宁州为清查地亩据实详报事。康熙五十一年清查地亩，查出济宁北乡二十里铺等地方有无粮洼下荒芜之地，共有三十五顷八十八亩三分三厘，有耕种者颇多。询之农民，皆云是任子祭田。后追出任子后裔任弘道收租册一本，共地一十七顷三十四亩五分八厘三毫。又有附近居民影射私种地一十八顷五十三亩七分四厘七毫。查明缘由，遂申详各宪。蒙本府信票，蒙布政司宪票内开，案据该府详济宁州任弘道祭田一案到司，转详间，又蒙本都院批，据任弘道呈称先贤祭田原委，并查仲志家乘，免令起科等情。蒙批，仰布政司查议报。等因，批司行府到州，遵即查明详覆。康熙五十三年四月二十三日，蒙巡抚都院蒋批，据本司呈详前事，具呈蒙批，任子祭田十七顷，既系先世追崇捐拨，又皆水坡洼下，十年九淹，自应循照旧例，以崇祀典。至界外十八顷，虽据任弘道呈称，历宋、元、明陆续捐拨，总在数内。请

照仲庙之例，免其起科等语。则此十八顷之地，是否差胜于十七顷之祭田，将来可以起科完粮。再查闵子等历来有无祭田，应否分拨，仰司一并查明，再行妥议详报。等因，批司行府到州，遵即查明详覆。康熙五十四年正月二十三日蒙巡抚都院蒋批。据本司呈，据兖州府济宁州详各贤后裔分拨祭田缘由。蒙院批，任弘道既系先贤大宗后裔，祭田自应任弘道掌管。仰即取任弘道领状清册报查。至界外之十八顷，既经该州查明各位先贤俱有后裔，均无祭田，应作何分拨。等因，批司行府到州。蒙此，除取任弘道领状清册申送遵照在案，其各先贤后裔查明分拨缘由详覆。蒙院批，各贤后裔册领存查，据详洞出之地，原系十年九淹，照任于祭田之例，一体免其报部起科。仰体

圣庙崇儒重道之意，此缴。等因批司行府到州，遵照在案。康熙五十四年七月初九日蒙本府帖文，为恭吁洪恩移咨抚宪转行明文永光祀典事。蒙布政司札付，蒙巡抚都院蒋案验。康熙五十四年六月十八日准衍圣公府咨。据先贤嫡裔任弘道呈前事呈称，请优免丁徭，并飭知族人各安谊分缘由，咨院行司到府，转行到州。遵即飭知先贤嫡裔任弘道族人各安谊分，并照例优免在案。康熙五十六年八月二十四日蒙本府信票，为泣陈开恩情由等事。蒙布政司宪票，蒙巡抚都院李批，据本司呈详前事等因，具呈蒙批，既经该司查明钟姓等欺隐地亩，分拨贤裔收租共（供）祀，历有批定案卷，尚敢以开恩为词，妄行凌控。本应杖惩，姑念时置农忙，从宽免究。至收租之额，恐丰歉不常，反起争端。仰即转飭各贤裔，及佃种人等，无论丰收减收之年，按粒平分。如遇水旱灾伤，免其偿还籽种。刊碑勒石，永为定例可也。此缴。等因，批司行府到州。拟合勒石以垂永久云。

先贤祭田六氏子孙颂德碑

〔先贤任不齐七十七代嫡孙检呈任氏宗谱请求严追伪谱恩准销毁（二）
（一二六一）之二〕

康熙五十七年兖郡太守金公特设先贤祭田六氏子孙颂德碑。兖郡为邹鲁之封，圣贤挺出之地。今所领州县二十有七，先贤七十二子多生其间。郡城之西六十里日济宁州，乃任城侯原于，益都侯樊子诞生地也。其流寓则有卫公仲子、黎公端木子、共城侯高于、当阳侯任子，而上蔡侯曹子后裔亦迁居其址，余祖费公闵子六十世亦自齐徙于此。济盖有八子后裔云。今原子裔无考。而仲于裔世为翰博，祭田广饶，春秋禋祀，讲学行礼，雍雍可观。任子裔为济世闾，赐田四十余顷，今多为居民侵种，尚存十七顷有奇。而余与端木裔虽荣邀

宸眷，忝列五经博士，苦无祀产。每届二丁，牲牢为艰，尚安冀讲学行礼之雍雍哉。而高、樊、曹三氏，世为青衿，又可知矣。夫以我五家寒寒贫薄，无以慰先贤在天之灵，纵各痛自刻责，终于先贤无补耳。岁甲午山阴金公来守斯土，拊循之暇，即询知先贤烝尝多缺，方谋所以妥侑之，会州牧查出豪民私垦之地十八顷有奇，申府请拨。公欣然曰，此独不可为先贤明裡资

乎，奚庸更拔为耶。于是申请大中丞蒋公，定为五于祀产，并清厘任子祭田。而豪民积欺，占为己业，竟赴告上宪入国课，致阻格者年余。幸值今大宗丞李公莅任，我公复为申请，得惩戒刁顽，立碑崇祀。此固两抚宪以暨藩宪侯公、甘公、李公、王公及河厅徐公、州守赵公诸当事大人之加意崇儒，而非我公勤勤恳恳请，则是田几不为六子有矣。夫公生于越，为理学名儒，其厌饫于圣道也深，而钦崇我圣道也至。即今日之义举，得毅然行之，先贤灵爽实式鉴焉。以此传之后世，凡我六氏子孙，对此牲牢肥腍，粢盛丰洁，皆曰此某时郡守某公之所贻也。虽千百世敢忘所自耶。

东抚李树德书六贤祀田碑记

〔先贤任不齐七十七代嫡孙检呈任氏宗谱请求严追伪谱恩准销毁（二）〕

（一二六一）之二〕

康熙五十八年六贤祀田碑记。

李树德 山东巡抚

今天子道德精粹，心契 尼宣，释奠临雍，礼制大备。凡圣嗣哲孙，莫不锡之

龙光，厚其田禄，使神明之胄咸得奉宗庙而荐馨香，典至重

恩至渥也。济宁州之北乡王武、石楼等村，有地一区，碑曰任子祭田。世远年湮，不知所自始。

然任子为六艺之贤，在唐封任城伯，有专祠，则田之由来尚矣。康熙五十一年州牧以清查地亩，勘其田约十七顷有奇，又于其傍得民间之私隐者十八顷余。因祀田之置，无籍可稽，欲有以更张之，而兖郡金守以为任子羽翼圣道，俎豆宜隆，历久祭田，岂容分减。而先贤如闵子、端木子、高子、曹子、樊子，皆有后嗣于济，而祀田阙然。请以私隐之十八顷，拨给五贤之后，以供烝尝。上其议于前藩侯公，转达升院蒋公，业允行矣。且以其地形洼而土瘠，积草废滞，十年九涝，仍如旧例，免其起科。丙申冬，予由总戎

擢授巡抚，复有州民钟王等姓，援开垦为词，耽耽思夺。予飭查案卷，一照原议，复酌其租额之

丰歉定为制，勒石垂远，以杜争端。檄既下，诸贤裔归功于予，乞一言以为之记。子以成案

在前，踵而行之，何敢矜为己力。为取祀田给复之由，详其始末，以备贤祠之掌故，庶几子

朝廷崇儒重道之意不致有所陨越，而诸贤裔藉其地之所入，岁修祭祀，几筵鼎勺之间，蔼然见

王土之膏芴焉。相与歌

湛露，励清风，子子孙孙勿替引之可也。於戏，岂不休哉。于是乎书。

关于先贤祀田事

〔先贤任不齐七十七代嫡孙检呈任氏宗谱请求严追伪谱恩准销毁（二）
（一二六一）之一〕

康熙六十年衍圣公孔诤毓圻咨院移文。

照得 先圣贤后裔，用价自置产业，谓之例地。每亩照民间少征银九厘，载在赋役全书。至于祭田，无论 钦拨官拨，一概免粮，给宗子承管供祀，此千古不易之成例也。济宁州先贤任、闵、端、高、曹、樊六子后人，蒙升任抚院蒋查出洼地，拨为祭田，分给尹宗于承管。近日又蒙贵都院锡文勒碑，载入府志。此所谓官拨祭田，相应照例免粮。该州不谙成例，议以仲子后人地土亦有完粮轻额具详，是总认祭田为私置之例地矣。拟合咨明。又查此事，屡经兖州府洋明批定，更祈贵都院批行藩司，查阅前卷，缮详存案。并希给示，严飭各佃遵批按粒均分，其旁支近派勿生覬觎，以存现在之成规，永杜后日之争端。斯文幸甚。事关祀典，切希赐覆。须至咨者。

济宁州示为优免先贤任子后裔差徭事

〔修治滋阳县境孔庙祀田附近河堤（四八五五）之二十九〕

特授济宁州正堂加三级纪录六次记功五次徐 为呈明优免花户地亩清册给示晓谕等事。据生员任者静等禀称，切生等仰叨 先贤后裔，于康熙五十四年间，蒙 抚宪蒋将任姓循照例、仲之例一体优免差徭在案。又于乾隆二十三年，蒙 恩详请河宪部堂张 批准开河筑堤捕蝗以及一切杂差，概行优免，并给示晓谕亦在案。生等恐有假冒，得以滥邀

盛典，恐负优恤之至意。为此造具清册，叩乞 恩准钤印发房存案，仍乞给示晓谕，勒石以垂永远。不惟生等感 恩，即 先贤亦佩德无既矣，等情。据此，除将册籍钤印备案外，合再出示晓谕。为此示仰该约地地方庄长知悉，嗣后 先贤任于后裔差徭，概行优免。各宜凛遵勿违。特示。

乾隆二十七年 月 日

世袭奉祀生任学石禀为优免差徭事

〔修治滋阳县境孔庙祀田附近河堤（四八五五）之二十八〕

具禀世袭奉祀康生任学石年三十五岁 济宁州人为禀明存案事。切生系 先贤任子八十一代孙世袭奉祀生，咨 部领照在案。伏据 圣贤后裔，荷蒙

盛典，一凡差徭，概行优免，有案可稽。生叔曾祖任者静等，于乾隆二十三年，将自置地亩造具清册，禀请徐州主转详 张河宪，批准开河筑堤捕蝗及一切杂差，概行优免，并给示晓谕。乾隆五十五年，生父任文运又禀请张州主批准勒石，以垂永远，州署户总科工房，均有存案。历年既久，凡有差徭出夫，均蒙各宪循例优免。突于去岁有臧业昌、栗聿修等，因敛钱覆旧泗堤，攀生随众出夫，控生王州主案下，已蒙讯结照案准予优免。伊等于 胡州主荣任又行翻控，昨蒙覆讯，生以告示碑记呈验讯明，生所有自置地亩一应差徭优免属实。因伊等供称仲翰博曾随众推修堤埝，当经移文飭查，已蒙仲翰博回禀，并不随众夫。兹又因伊等呈称公府，曾因自保田庐，按地摊工修过泗河堤一段，现蒙详请 批示遵行。伏思保护田庐，生岂不明此理，但开河筑堤，蒙各上宪循 先圣 先贤之例优免已久，从不随众出夫，兹经攀

拉，生何敢上负崇贤之盛典，下嚙累世之箕裘也。为此备陈始末，呈验告示碑记存案。上禀
大宗主公爷 施行。

道光四年五月十五日具

裘封衍圣公府批

据禀已悉。准据情存案，候移会济宁州办理可也。抄示碑记附卷。

五月十五日

移济宁州为圣贤后裔例免差徭事

〔修治滋阳县境孔庙祀田附近河堤（四八五五）之三十一〕

袭封衍圣公府为移覆事。道光四年五月十二日准

贵州牒开云云，等因。又据世袭奉祀廩生任学石具稟前事稟称，云云，等情到本爵府。据此，查

圣贤后裔荷蒙

盛典，一凡差徭概行优免，有案可稽。至于保护田庐，如果出其本愿，官亦不禁，如系经官攀拉出夫，本无此例。至于滋邑祭田佃户，从无按亩修筑泗堤。兹准前因，拟合移覆。为此备移贵州。烦为查照文内事理，稽核旧案批示，实为公便。望速施行。须至移者。

右 移

济宁直隶州正堂

道光四年五月十六日

圣公府行

十三、闵氏

翰博闵广源申为监生渠九式违例以优人妆扮先贤请移咨府县

严究示禁事

〔闵子后裔请禁止扮演鞭打芦花侮诋先贤戏剧（五二七一）之八〕

世袭翰林院五经博士闵广源 为借优谤贤嗔论群殴叩 宪移咨府县严究事。本年六月二十日据奉祀生闵传贞禀称，窃渠家村恶监渠九式倚势恣横，流毒一方。今伊于附近 先贤祠宇搭台演戏，生同族众看戏，故特点唱鞭打芦花，将 始祖先贤及父母昆弟肆意妆点，诬辱异常。生为若子孙，触目难堪，稍与较正，伊即率党恶族众渠有玉、渠九伦、渠有善、渠九如、渠有武、渠九歌等，持械将生赶殴。生等畏恶逃避，幸免毒手。伊复令优人重扮此戏，更肆诬辱。伏思优人妆扮贤哲，大干例禁，且于先贤父母极形丑态，因生较白，则枪刀毒加。种种恶迹，有孙士学、时绍朱可证。伊仗恃监生，恣横已极。生懦弱贤裔，被屈难诉，当控 县

主，奉批公回传讯。积冤难白，伊凶更甚，理合呈明。等情到职。据此，查渠九式身为国学，不思仰体先贤，违例嘱优诬蔑，实干例禁。伏思爵宪位列上公，各氏表率，理合据情申请

鸿慈，移咨兖州府宪及滕县县主，查例严究示禁，以崇先贤，实为恩便。

再查乾隆五十六年，鱼台县李增奇以优人装扮，曾蒙

先太爵宪咨禁有案，合并声明。为此备由具申。伏乞

大宗主照验施行。须至申者。

右 申

袭封衍圣公府

嘉庆十一年六月 日 申

移兗州府滕县为监生渠九式违例容优扮贤烦按例究惩给示严禁事

〔闵子后裔请禁止扮演鞭打芦花侮诋先贤戏剧（五二七一）之十〕

袭封衍圣公府为借优谤贤嗔论群殴叩息移咨府县严究事。六月二十七日，据世袭翰林院五经博士闵广源申称，本年六月二十日，据奉祀生闵传贞禀称云云，等情到本爵府。据此查

先圣、先贤神象，例不许乐人妆扮演唱杂剧戏文，奉行已久。今渠九式身系监生，容令妆扮，已干例禁。迨闵传贞见其妆点，目击难堪，向其理论阻止，而渠九式竟率领多人，持械赶殴，且复更令优人重演。是其倚势恣横，有意亵渎，更属目无法纪。兹据前情，拟合移会，为此备移

贵府。烦为查照，按例究惩，并希示严禁，以崇

先贤，以维风化，实为公便。望速施行。须至移者。

右 移

兗州府正堂

滕 县

嘉庆十一年六月二十九日

圣 公 府 行

咨直隶布政司等转飭援例豁免闵城等五处士民差徭事

〔清朝时期先贤闵子騫后裔请优免差徭附墨搨碑文（一五四七）之四〕

袭封衍圣公府为恳请^{转咨}移会^{援例}优免杂泛差徭以广

皇仁而昭祀典事。本年五月初三日据世袭翰林院五经博士闵昭榆申前事申称云云，等情到本爵府。

据此，查东明县西乡闵城公西集等五处士民，因防护修葺先贤闵子等墓，并奉春秋祭祀，

所有差徭，既蒙历任各县主优免，立有碑石可考。该博士恳请移会优免前来，除咨会直隶藩

司外，拟合据情^咨移会。为此合^咨移

贵司，^{烦请}烦为^{查照}文内事理，希即转飭东明县，将闵城、公西等五处士民差徭，援照前例一体

优免，以昭体恤，实为德便。望速施行。须至^咨移者。

计开 防墓免差五处

闵城村 公西村 西角村 七角村 七堤村

右

咨移

直隶等处承宣布政使司
大名府正堂
道光二十二年五月初四日
圣公府行

应袭翰博闵详为民人于石桥集私行买卖烦请移州出示禁谕事

〔道光同治光绪年间处理先贤闵子騫后裔讼案（三六九七）之十七〕

详文

应袭翰林院五经博士闵繁柱为据情详请移州出示晓谕以安集市以重祀典事。案据族人闵传珂稟称，窃族蒙谕管理集务，理宜小心办理，曷敢滋生事端。惟查闵氏博士，素本贫寒，

蒙

皇恩拨给黑土店石桥集一处，设立斗升秤尺肉架各行，抽收税银，以供祀典。向例集之四而十里以内，不准再设集市，亦不准私量粮食并私宰猪口情事。现在竟有不法之徒，在集村内私立斗秤，私买私卖，并在附近村庄私置斗只，卖与外来贩卖粮食者。并有私开肉架，擅宰猪口，并不赴集变卖。种种弊端，难以悉数。以致所收之税，甚属了了，办理祭品钱项，不敷应用，诸形拮据。前于同治年间，由前代理移会州尊示禁在案，今复仍前混乱集市。若不及早整顿，诚恐日甚一日，集市废弛，而祭祀将泯矣。不得不据实稟明，叩乞恩准鉴核整理施行，等情到职。据此，查石桥集市自

钦拔以来，原为帮补祭祀而设，近年来所收之税，甚属了了，该族人闵传珂所禀各节，均属实在情形。若不及时整理，恐日久废弛，有碍祀典。查旧案因集市事务，均由职处备文移州，历蒙出示严禁。今职年在童稚，诸事未谙，如径自移州，深恐未便。理合备由具申，仰祈爵宪大人恩准，据情移州，出示晓谕。以安集市，而重祀典，实为公便施行。须至详者。

右 移

袭封衍圣公府

光緒玖年玖月

日应袭博士闵繁柱

翰博闵申为刁生搅乱集市州官处理不当恳求整饬集规以全祀典事

〔圣贤后裔世袭翰博等稟请维护原有集市微税权益（四八六四）

之三十七〕

代理世袭翰林院五经博士闵 为申恳整饬集规以全祀典事。窃职自代理以来，每谕行人，从公办理，不准滋生事端。今春据集头张凤元等稟称，附集近村冯曰泗恃父子生员，屡次偷买盗卖。又据肉架葛从中稟称，王雪妮持刀混闹集市，横不讲理。职恐所稟不实，遂差族人闵宪增亲往查勘，事皆确实。职不得已，用敢详恳

爵宪，移会济宁州拘案严究，以整集规。今六月二十四日接准差人陈仲祥稟称，身奉 公文投济宁州，王雪妮避罪不家，州官亦置不问。闻至五月初一日，州官差传冯曰泗到案，不知何故，仅罚冯曰泗京钱五百，以作漏行之资。不准集头回话，重责四百小板，堂上讥刺言语更不堪言。以后准伊遂（随）便买卖，不准行人多管等情。据此，职思

先贤闵子祀田尽没于水，惟赖石桥小集所抽微税供祠宇岁修之用，作后人教养之资。凌官竟如此断结，嗣后市人效尤，遂（随）便买卖，行人无权，税将安出。恐先贤之血食中斩，后嗣亦糊

口无资矣。职前翰博屢蒙

爵宪养育扶持之恩，今承袭之人年尚幼冲，更有待于栽培。倘任刁生搅乱集市，侵蚀租税，不惟

有误祀典，恐继袭者亦无以为生。拟合备文具申，再恳

爵宪大人广施鸿慈，另行整理。俾祀典得全，实为恩便。伏恳照验施行。须至申者。

右 申

赏戴双眼花翎袭封衍圣公府

光緒二十三年六月二十八日 申

十四、宰氏

济南府长清县为移查县民宰广耀等果否贤裔应否优免事

〔清朝时期先贤端木子贡颡孙子张宰子予后裔请优免差徭（一五四九）之二十四〕

署理济南府长清县为移查事。查接管卷内，咸丰五年七月十五日蒙本府批据县民宰广耀等呈称，切身等忝列

先贤宰子后裔，自五十三代由曲阜迁移齐河、长清。于道光七年二月间，蒙袭封衍圣公移示立碑，一凡

先贤后裔，均予一体酌示优恤，概免差徭。齐河立有碑碣，在县署大堂前。嗣身族众于道光二十八年间，稟请

前宪，恩赐飭县，一体施仁，概免差徭，等情。蒙批，仰长清县查明宰氏宗谱碑文，如果的确

先贤后裔，则其杂派差徭，亦应照例优免，并即出示晓谕，具报立案，毋违，等因。于道光二十九年闰四月二十九日出示晓谕，立有碑碣，在文庙内大成门外。身等感荷

盛朝崇儒重道之至意，刻刻在念。有齐河、长清碑文粘呈 阅。迄今五、六年间，该管约地无计可使，历年索借未遂，宿恨不解。时逢兵差过境，报雇兵车，管身庄约地赵龙江硬强苛派身家车牛，该房亦不查明可否应差。及票传之下，与约地赵龙江理论，反被恶言凌辱。并该房派拨身庄拉马等夫，无论大小差徭，与庶民一律同报。不但该房约地朋谋欺压身族愚懦，而藐视王章，违例藐法，莫此为甚。身族念军需之急，遂时应差外，身闾族怀疑，亦无可止遏。情极无奈，故此来辕公恳

恩准飭县严究该管约地赵龙江违例藐法外，合再赏示一体施仁。兵车杂派差徭，亦应照例优免。永永世世咸沾实惠，感戴无极，上叩。蒙批，仰长清县确查宰广耀等是否尽系

先贤后裔。如果属实，自应照例免其杂派差徭，并查明书差地保如有挟嫌硬派情事，一并严究毋违，等因到县。蒙此，查宰广耀等是否尽系

先贤后裔，无案可稽，除详查书役有无挟嫌硬派情事另行详办外，拟合移查。为此合移

贵府，烦查文内事理，希即查明后开宰广耀等，是否尽系

先贤后裔，赐覆过县，以便登除。望速施行。须至移者。

计移查

宰广耀 宰广明 宰广容 宰昭芳 宰昭麟 宰昭藻

右 移

衍圣公府

咸丰五年七月二十九日 移

宰子后裔宰广盛等稟为地少丁稀请飭县优免杂差事

〔光绪年间圣贤后裔暨四氏学生员等请优免差徭（一五二九）之十九〕

具稟门生宰广盛宰庆书系齐河县民籍为

遵例公陈叩恳飭县重申

恩例以免扰累事。切生始祖先贤宰子予，贤列十哲，学同四氏。自汉迄明，圣贤之裔俱被恩施，

国朝礼遇尤隆。道光十一年生等谱碑概为重修，先衍圣公亲撰谱序，沈县天亲赐碑文，以志优免之恩。现以黄河改道，适在本境，请帑修堤，由官发价，有何异于差徭。因系自保田庐，生亦遵照修筑。恐后援以为例，遇有河工杂差，仍行扳派，无以示优异而别齐民。且生自五十七代祖寄居齐河，纪（计）民不足百户，计地不满十顷。即按地出夫，亦于工程无济，矧距河甚近，庄村在遥堤以里，自咸丰五年屡被黄水，护庄不暇，壮者出外，老幼在家，何堪当此扰累。生筹思无奈，不得不匍匐叩恩

袭封衍圣公恩准飭县出示，援例优免，以崇圣贤，以复

恩例。实为公便。均感。上叩。

光緒十年 月 日

十五、林氏

移宁阳县为林放后裔请免地方差徭事

〔清朝时期先贤林放原亢陈亢后裔请优免差徭（一五五六）之二〕

袭封衍圣公府为愚恤贤裔叩请移县以免差徭事。据先贤林子放嫡裔祀生林养道暨族林景丰、林绍生、林绍桐、林景连禀前事禀称，云云，等情到本爵府。据此，查先圣先贤后裔，例免地方差徭，久经遵行在案。兹据前情，拟合移会。为此，合移

贵县。烦为查照。希将林养道暨族人林景丰等照例优免，实为德便。望速施行。须至移者。
右 移

宁阳县

嘉庆二十五年三月初五日

圣公府押

林放后裔林嗣源稟为族弟恃富不法毁祖灭宗恩准提惩事

〔道光年间处理先贤林放后裔讼案（三七一四）之二〕

具稟 先贤长山侯裔孙林嗣源泰安县人 为贤裔不法毁祖灭宗叩 宪追图以惩凶横事。切身有族弟林志绅，恃富而骄，将林志义讼困无休。族众不忍，恳族长 族叔林毓珍调处。伊抗不允息，又着身息处，身柔词款语，情理开导。诂伊目无宗人，遽称伊虽林姓，泰境并无族人，亦不知是何支派。身因向称，汝前所讨祭 先贤始祖支派宗图，吾与汝均系六十九代裔孙，何出此言。不意伊更势猖悖，喝称，并不知 先贤为何如人，宗图久已销毁，气势汹汹，竟欲行殴。身畏其虎恶，伊动辄拚命，虑遭毒手，不敢在县稟究，亦不敢向要宗图而退。切思身祖 先贤一向为 至圣之所重，至今列飨西庑。身等后裔，宜知自爱。乃伊竟凶悖如是，实出情理之外。缘 圣贤后裔，俱系 爵府所辖，可否赏提来案，追给宗图，稍赐管束，俾伊知儆不至流为败类。即 先贤亦感荷于九原矣。为此具稟。伏乞

仁明爵宪大人恩准提惩施行。

上叩

道光十三年六月初二日

被稟 林志紳
干证 林毓珍

札付泰安縣為林志紳身為賢裔不知守禮煩為傳案訓飭事

〔道光年間處理先賢林放後裔訟案（三七一四）之三〕

襲封衍聖公府為據情移會事。道光十三年六月初二日，據先賢長山侯裔孫林嗣源稟稱云云，等情到本爵府。據此，查林志紳身為賢裔，不知守禮，以紹前型，乃竟任意欺壓宗人，將宗圖隱匿，口出無禮之言，殊非睦族之道。自應將伊傳案訓飭，追出宗圖，以示維持賢裔之意。擬合據情移會。為此，札付貴縣，煩為查照文內事理，希即就近將林志紳傳案訓飭，諭令呈出宗圖，發交該族長林毓珍收存，實為公便。須至札付者。

右札付泰安縣准此

道光十三年六月初三日

聖公府 行

十六、原氏

札付掖县为原亢后裔优免差徭事

〔清朝时期先贤林放原亢陈亢后裔请优免差徭（一五五六）之十〕

袭封衍圣公府为续修支谱恩恩铃印移会优免事。本年十一月二十九日据先贤原子裔原福崇、原国辅等稟前事稟称，云云，等情到本爵府。据此，除将续修支谱铃印飭发外，查先圣、先贤后裔，遇有地方杂泛差徭，向邀优免，久经遵行在案。兹据原福崇等稟请前来，拟合移会。为此札付贵县，烦为查照文内事理，希将以昭体恤，实为公便。望速施行。须至札付者。

右札付掖县准此

道光二十年十一月三十日

圣公府行

十七、陈氏

札付莱阳县为陈亢后裔恳免杂泛差徭事

〔清朝时期先贤林放原亢陈亢后裔请优免差徭（一五五六）之十七〕

袭封衍圣公府为据情札付事。案据贤裔启事官陈希贤禀称云云，等情到本爵。据此，查先圣、先贤后裔，凡遇一切杂泛差徭，向准蠲免，历久遵行在案。今该启事既有谱牒，确系先贤子裔陈子后裔，核与优免成案相符，自应准其优免，以示体恤，而别齐民。兹据前情，除禀批示外，相应据情札付。为此札付贵县，烦为查照。希将该启事名下一切杂泛差徭，准予蠲免，以符向章，实为公便施行。须至札付者。

右札付莱阳县准此

光緒十五年三月二十九日

圣公府行

札付莱阳县为陈亢后裔例免差徭事

〔清朝时期先贤林放原亢陈亢后裔请优免差徭（一五五六）之四〕

赏戴双眼花翎袭封衍圣公孔 为札会事。案据贤裔陈氏族长陈肇恒、启事陈希贤陈希昌等禀称，为违例妄扳云云等情，并抄呈免差执照纸到本爵。据此，查

先贤后裔应行蠲免杂泛差徭，

大清会典以及恩例均载有明文。陈肇恒等一族为

先贤陈子禽后裔，光绪十五年曾经本爵札会

贵前县裘令，照例蠲免一切差徭，去年复经徐令发给免差执照各在案。邹云令等何得违例妄扳。若不重申定例，严禁扳派，殊不足以副

圣朝崇儒重道体恤贤裔之至意。兹据前情，除禀批示外，合行札付。为此，札付贵县，请烦查照文内事理，遵例优免陈肇恒等一切杂泛差徭，以恤贤裔，而崇先贤。幸勿迟延，望速施行。须至札付者。

右札付莱阳县准此

光緒二十六年二月二十一日

圣公府行

十八、高柴氏

祀生高琛为挟嫌诬控恩免差以辨真伪事

〔清朝时期先贤高柴漆雕开后裔清优免差徭附墨搨碑文

（一五五五）之六〕

具呈祀生高琛

呈为挟嫌诬控恩 恩阅卷以辨（辨）真伪事。切生等的系贤裔，因长支有子疾发（废），五服内均无应继之人，公议举生暂替。于 年，蒙 恩咨补祀生，领有部照。今生回籍后，即齐集族众公议昭穆相当之人为长支立继，呈送验看咨补。至优免差徭，于乾隆四十四年蒙

先老公爷 移文优免高琚等十五户差徭，于嘉庆十年又蒙

公爷移文优〔免〕高大有十户差徭，一体准行在案。县批抄粘呈验。生等每逢春秋祭期，二十五

户共出资财，以供祭祀，实非敛钱包差。后因生等不愿皂班管属，呈明本县县主分付，有卷可考。万路、黄永礼、李芳从此挟嫌，控生等冒充贤裔，平坟伯差，诬控在案。伏思此地系生高祖施于文昌庙内，内有无主孤坟一冢，尚有形迹，地有亩余，坐落西北角边。生家从未使土，伊庄众人使土，并未损伤坟迹之处。生呈请县主出示严禁使土，准行亦在案。嘉庆五年，李芳之父认为伊亲之坟，以劈坟挖壕捏禀县案，有案可稽。今又认为李姓之坟，捏禀天案。种种悖谬，尽属子虚。为此泣陈，伏乞

公爷恩准，移县关卷施行。上呈。

计抄粘县批一纸

嘉庆十一年八月 日

袭封衍圣公府批

据禀长支前因有子废疾，缘无可继之人，是以公议，举尔暂为承替。既已历有年所，自应择立昭穆相当之人，早为呈报，以凭验看咨补。何得延今并不具报，明系有意恋栈，殊属不合。至本境差徭，除本爵府移免二十五户之外，其余均不得朦混影射。尔有无耕伤林墓挖土情事，候关移该县查卷核夺。

十九、漆雕氏

漆雕开后裔漆雕功捷稟为恶监控控妄免杂差恳请移会事

〔清朝时期先贤高柴漆雕开后裔请优免差徭附墨揭碑文（一五五五）之十〕

具稟 先贤漆雕子八十一代孙漆雕功捷住河南上蔡县 稟为灭贤藐圣纠众罢工 恩移会事。切缘上蔡县三十六图，凡本县所需车马及一切杂差，具系里下摊派支应，惟有蔡沟、卧龙、华陂、青龙、香台、蔡岗六里，因设有

至圣庙宇 先贤漆雕子祠及 伏羲之庙，俱系六里绅民捐修，是以一切差徭向邀优免，现有旧立碑文可据。迨至嘉庆二十二年六月间，李县主到任，忽有恶监杨超林、张世溥、武生王振生、朱丕卿等，纠众捏控捷里监生张廷弼等，妄称有 先贤祠墓，私立石碣，希图优免杂差等语。当蒙批飭，无词再控。詎恶监杨超林等狼心不退，牵拉越南贡差抚 学两过境，呈控县

主，批令一体当差，批令绅士粟光化等妥议稟覆。后蒙本县批，优免五年杂差，捷里绅士不服，赴上具控。伊等复又串贿府县委员拘拿二里保证，勒结出差。捷同里首事具呈 道宪，蒙批汝阳县查对碑碣全卷。伊等又贿通汝阳县工房赖铎、刑房刘瑞林捏详未呈碑文全卷。捷因口堂大门山墙倒坏，又呈 道宪，蒙批，即会同首事张廷弼等料理，二十三年七月二十八日动工。詎县主差役不庸（容）动工，拘拿首事人等与捷发汝阳县，断捷里不修祠堂，不出上行一切大差支应府县以下过往委员老爷差事，各具甘结。捷思祠墓何人修葺，复具呈本县。而县主推诿不问，现在仍将捷等同里与别里一体科派。捷思

先圣 先贤庙祠所在，俱系捷里绅民等修葺，优免差事，立有碑文，历有年所。今一旦更章，将旧例破坏，则嗣后之 祠庙何人修葺，而

先圣 先贤之春秋祀典从此斩绝矣。捷不得不匍匐来曲，叩恳 大宗主恩准移会，仍循旧章，不惟捷六里沾光，则

先圣 先贤在天之灵，亦冥感于既矣。急切上稟。

嘉庆二十四年七月初六日

二十、程氏

札付滑县为程顥后裔程逢年等优免差徭事

〔同治年间宋代先贤程顥后裔请优免差徭（一五五七）之二〕

袭封衍圣公府为据情咨会事。案据滑县奉祀生程逢年、程景和、程五魁等禀称云云，等情到本爵。据此查先圣、先贤后裔，凡有一切杂泛差徭，向邀优免，历久遵行在案。今滑县程氏族姓，实系先贤程子后裔，曾于嘉庆十三年有程延韞等来曲，呈请谱序，经七十三代公任内核准有案。兹以兵燹之后，县中案卷残缺，以致程氏优免未能画一，恳请咨会前来。似自应准如所请，咨请飭司核议，援照旧章优免程氏一族杂泛差徭，以示优异，而别齐民。除禀批示并径札河南滑县查照外，相应咨会。为此合咨贵部院，请烦查照核覆飭遵，实为公便施行。须至咨者。

巡抚河南部院

为据情札付事。案据云云，自应准如所请，除咨请河南巡抚部院，查照飭司核议，援照旧章，优免程氏一族杂泛差徭，以示优异，而别齐民，并稟批示外，相应札付。为此札付贵县，烦为查照核办施行。须至札付者。

计移送 支谱一本

右札付河南滑县准此

同治十二年十一月二十六日

二十一、于氏

移巨野县为于子后裔于廷柱例应荣以衣顶并优免杂差事

〔康熙年间优免先贤先儒奉祀差徭（一）（一五四三）之二〕

太子少师袭封衍圣公府为移会事。照得 圣贤后裔例有奉祀，应由本府给札，以奉祀典，旧例在案。康熙二十五年，礼部题覆江南学院李 疏内，圣贤后裔向有奉祀，仍留衣顶，奉祀将名数报部等因，奉

旨依议钦此钦遵通行在案。今查得

先儒于子诤，有功名教，例有奉祀，目今乏人。今选得巨野县儒童于廷柱，的系后裔，堪可奉祀。除本府给札供事俟汇齐咨 部外，拟合移会。为此合用移文前去

贵县，烦将儒童于廷柱荣以衣顶，送学作养。其本生杂差，仍希照例优免，庶得需供具事矣。

須至移文者。

一立案 移文

巨野县

康熙五十三年十一月

初七日 太子少师裴封衍圣公

押

二十二、阮氏

东抚咨为奉准崇祯年间殉难临清副将阮应兆后裔顶补奉祀生事

〔明代崇祯年间殉难临清副将阮应兆后裔顶补奉祀生（〇七二五）之一〕

兵部侍郎兼都察院右副都御史巡抚山东等处地方督理营田兼提督衔节制全省军务和为清补奉祀事。嘉庆七年七月二十三日准

礼部咨仪制司案呈先准山东巡抚和咨称，据济宁州详称，据阮作魁呈称，切身族曾祖应兆系前明崇祯甲戌科进士，升受安徽游击，题署临清副将，于崇祯十七年流魁犯北，力战死节。荷蒙圣恩，与死难节臣徐标、任民育、杨佩、李烛四公同入忠义祠，随

先圣先贤一体配享。嗣于康熙四十七年，题准奉祀在案，俱先后详请赏照承袭奉祀。族侄阮辅清承袭，于嘉庆六年七月间，身患难症，恐误典常。今阮辅清之长子儒童阮有序，系应兆六世嫡

孙，礼仪兢肃，堪承奉祀。理合投具呈结宗图，恳乞转详，得与一体奉祀等情咨部查照，等因到部。经本部查奉祀生档册，并无济宁州节臣阮应兆名目。据称题准奉祀在康熙四十七年，何以乾隆三十一年清查之时未据造报。阮辅清承袭奉祀，曾否给有执照，应行文该抚查明声覆。去后，今准山东巡抚和 覆称，三十一年清查案内，仅奉行查各先贤后裔祀生定额，所有节臣祀生额缺，未奉行查，是以档册并无其名，再阮辅清系武生，是以彼时并未详请给照，等因前来。查山东济宁州忠义祠节臣阮应兆请设奉祀生，先据该抚取具各呈结，并查明阮有序系阮应兆六世嫡孙。今将从前未经造报缘由，声覆到部。阮有序应准其顶补忠义祠节臣阮应兆奉祀生阮辅清所遗之缺，相应填给执照，封发该学政，转给该生收执，并知照该抚可也，等因到本部院。准此，除行布政司转行查照外，拟合咨会。为此合咨
贵府，烦清查照施行。须至咨者。

右

咨

裘 封 衍 圣 公 府

嘉庆柒年柒月 三十日